

# San Lucas

**1** <sup>1-2</sup>Pũhto Teófilo, ahrire mũhu buheatire mũhũre ojoa ohogũ niaja. Jesu mũsã mehna ijinino tiquiro yerire apequina ojoa đuca tuhasari jiri. Coã waropũre Jesure ihñariquina, tiquiro yere buheriquina tiquina ni yahuriro sahata apequina tire ojoa đuca tuhasari jiri. <sup>3</sup>Sa yegũ ahri ijipihiyere quehnoano masi peho duagũ buhei. Sa yegũ yũhũ gũhũ tire quehnoano ojoa duaja mũhũ buheatire yegũ. <sup>4</sup>Jesu yere yahuyequina mũhũre buhe tuhasari. Tire quehnoano mũhũ masi nemoatire ahri pũre mũhũre ojoa ohogũ niaja.

## Ñu wame yeatiquiro tiquiro masa bajuatire angel yahuahye

<sup>5</sup>Jesu masa bajuato pano, Herode Judea yehpa cjẽna pũhoro tiquiro ijigũ Zacaria wame tiriquire pehe pahi ijiahye. Sa yero Zacaria tiquiro ya curua cjẽna pehe pahia curua Abia mũnano ya curua cjẽna ijiahye. Zacaria namono gũhũ pahi Aaron mũnano panameono iji turiaricoropũ ijiahye. Ticoro pehe Elisabe wame tiricoro ijiahye. <sup>6</sup>Tiquina pũaro Cohãcjũ dutiyere quehnoano ye pehoyequina tiquina ijigũ ihñano, “Decoripe quehnoañene yere”, ni ihñahye Cohãcjũ tiquinare. <sup>7</sup>Elisabe ne pohna marienicoro ijiahye. Ticoro Zacaria mehna sata muhũu cãhye pohna mariedape.

<sup>8</sup>Pahia dahrayere dahraye tehe, decoripe tiquina comesae tiahye. “Zacaria ya curua cjẽna ijire”, tiquina nidi bato tiquiro pahia decoripe tiquina yeducuriro saha Cohãcjũ ya wũhũpũ dahraro taro niahye Zacaria. <sup>9</sup>Pahia sa yeducuriro saha tiquina “¿Noare ijirrotari ẽjũa mũoatiquiro?” niñe, doquepeye mehna bueyere ehme sitiye ẽjũa mũoatiquirore beseahye. Cohãcjũre ño peori altarpũ tiquina beseriquiro Zacaria ehme sitiye ẽjũa mũoatiquiro ijiahye. Sa yero tiquiro Cohãcjũ wũhũpũ sajãa wahahye ẽjũa mũono waharo. <sup>10</sup>Wũhũpũ ijiro ehme sitiye tiquiro ẽjũa mũono watoa ijipihiyequina masa pehe sopecahapũ Cohãcjũre sinie tiahye. <sup>11</sup>Ti pjere Cohãcjũ yaquiro angel Cohãcjũre ño peori altar poto pehe bajuadũca sahye Zacariare. <sup>12</sup>Tiquiro sa bajuagũ ihñano Zacaria tiquirore ihña maria, cuea wahahye. <sup>13</sup>Sa tiquiro cuegũ ihñano angel tiquirore yahuahye:

—Zacaria, cueracãhña. Cohãcjũ mũhũ sinidire tũhori. Sa yena mũsa pohna tinata. Mũsa macũ masa bajarota. Tiquiro bajuagũ Ñu wame yeya tiquirogãre. <sup>14-17</sup>“Tiquiro quehnoariquiro, tutuariquiro ijire”, ni, ihñanota

Cohãcjũ mũhũ macũre. Tiquiro masa bajuari bato vinore, sihbiorire sihnisi. Sa yero tiquiro masa bajuari bato Espiritu Santo nidiro sahata yeriquiro ijirota tiquiro. Sa yero peyequina mũhũ acaye Israe masare Cohãcjũ mari pũhtorore quehnoano cahmegũ yerota mũhũ macũ. Sa yero tiquiro Cohãcjũ yere buhero Elia mũnano Cohãcjũ yere yahu mũhtariquiro tiquiro buheriro sahata Espiritu Santo yedohoro mehna Cohãcjũ tutuaye mehna mũhũ macũ gãhũ buherota. Sa buhero tiquina pacusũmũa tiquina pohne mehna quehnoano cahme cahĩgũ yerota. Sa yero dutiyere yũhdũdũcariquinare quehnoano tiquina ño peoye mehna yũhtigũ yerota. Sa buhero mari pũhtoro Cohãcjũ yequina ijiatire yerota tiquiro. Sa yegũ tiquiro masa bajuari bato mũhũ bucuegũta. Peyequina apequina gãhũ bucueeta, niahye angel Zacariare.

<sup>18</sup>Tiquiro sa nigũ tũhoro Zacaria pehe sinituahye angelre:

—Usã bũcũna ijiaja. ¿Sa yegũ mũhũ nidi poto ijigũ dũhse masigũtari yũhũ? niahye tiquiro.

<sup>19</sup>Tiquiro sa nigũ angel pehe tiquirore yahuahye:

—Yũhũ Gabriel wame tigũ ijiaja. Cohãcjũ cahacjũ tiquiro cahapũ ducugũ ijiaja yũhũ. Cohãcjũ ahri quehnoañe quitire yahu dutiro, mũhũ cahapũ yũhũre ohori. <sup>20</sup>Yũhũ yahuriro sahata potota waharota. Yũhũ sa niepegũta yũhũre mũhũ poto tũhoerari. Sa yegũ yojopũre mũhũ yahuducuegũ wahagũta. Mũhũ macũ tiquiro bajuari bato yahuducugũta tja, niahye angel Zacariare.

<sup>21</sup>Sopecahapũ ijieyequina masa Zacariare cohteye niahye. “¿Dũhse ijiro boro tiquiro Cohãcjũ wũhũpũ ijiro, sojaro wija taerajari?” ni, cohteye niahye masa tiquirore. <sup>22</sup>Sa yero ti wũhũpũ ijiriquiro wija wihi, tiquina mehna yahuducu masiedahye. Tiquiro sa yahuducu masiedagũ ihñañe “Tiquiro Cohãcjũ wũhũpũ bajuano hno niaya”, ni, tũhotuahye tiquina. Sa yero yahuducu masiedaro tiquiro omocari mehna masare yahuducuahye.

<sup>23</sup>Cohãcjũ wũhũpũ tiquiro dahraye pihtigũ, tojoaa wahahye tiquiro ya wũhũpũ. <sup>24</sup>Tiquiro sa wahari bato tiquiro namono Elisabe coã nijinore cũo cãhtaro niahye. Sa yero ticoro ihcã omope asũri waro masa cahapũ wahaerahye. <sup>25</sup>Ohõ saha niahye ticoro: “Yojopũre yũhũre Cohãcjũ yedohori. Yũhũ pohna mariego ijigo tutuaro bũoro tũhotuu yũhũ. Cohãcjũ yedohoro mehna nijinogãre bocagota”, ni tũhotuahye ticoro.

### Jesu tiquiro masa bajuatire yahuahye angel

<sup>26-27</sup>Elisabe seis asũri ticoro niji pacoro ticoro ijiri bato Cohãcjũ pehe angel Gabriel wame tiriquirore nuhmino cahapũ ohoahye. Ticoro Nazarepũ Galilea yehpũpũ ijiri macapũ ijiahye. María wame tiricoro ijiahye. José wame tiriquiro ijiahye ticoro mehna omoca dũhteatiqũro. Tiquiro panopũ cjũno Davi mũnano panamino iji turiariquiro ijiahye. <sup>28</sup>Sa yero María cahapũ esaro, angel yahuahye:

—¿Ne, ijiajari mũhũ, María? Cohãcjũ mũhũ mehna ijiro nine. Sa yero mũhũre quehnoano yero nine. [Ijipihtiyẽ numia apequina numia yũhdũoro quehnoano yere mũhũre,] niahye angel ticorore.

<sup>29</sup>Tiquiro sa nigū tūhoro, ticoro tutuaro wacū tūhotuahye. Angel tiquiro yahurire tūhoturo “¿Dūhse nino yūhure sa niagari?” ni wacūahye ticoro. <sup>30</sup>Ticoro sa ni wacūgū ihñano angel yahuahye ticorore:

—María, Cohācjū mūhure tutuaro cahīne. Sa yego mūhure yūhū yahuatire tūho acueracāhña. <sup>31</sup>Quehnoano tūhoya. Nijinore bocagota mūhū. Sa yero mūhū macū masa bajarota. Tiquirore Jesu wame yegota mūhū. <sup>32-33</sup>Tiquiro tutua yūhdūariquiro ijirota. Sa ye tiquirore “Cohācjū ūhmūse cjūno macūno ijire”, nieta masa. Sa yero mūhū macū ñecūno iji turiariquiro mūnanorū Davi mūnano Israe masa tiquina pūhtoro tiquiro ijiriro sahata mūhū macū gūhure cūnota Cohācjū. Sa yero ijipihtiye decori tiquiro Israe masare dutirota. Sa yero tiquiro pūhtoro ijiye pehe ne pihtisi, niahye angel.

<sup>34</sup>Tiquiro sa nigū María pehe sinituahye:

—¿Dūhse yūhū manū mariedapegota pohna tiboagari yūhū? niahye ticoro.

<sup>35</sup>Ticoro sa nigū angel pehe yahuahye:

—Espíritu Santo mūhure pohna tigū yerota. Sa yero Cohācjū tiquiro tutuaye ehmeo curua yero saha ahtarota mūhure. Sa ye “Cohācjū macūno ijire”, nieta masa mūhū macure ñañe yerariquirore. <sup>36-37</sup>Cohācjū ijipihtiyere ye masine. Sa yero mūhū acayoro Elisabe bācūoro ijieperota nijinogāre bocari ticoro gūhū. Ticoro pohna tirota ūmūnogāre. Masa ticorore “Pohna marienicooro ijire”, tiquina nidicoro, vojopure seis asūri waro wahare nijino ticoro bocari bato, niahye angel Maríare.

<sup>38</sup>Tiquiro sa nigū María yūhtiahye:

—Yūhure tūhoya. Mari pūhtoro tiquiro cahacjō ijiaja yūhū. Mūhū nidiro saha yūhure sa wahaahro, niahye ticoro.

Ticoro sa nidi bato angel wahaa wahahye.

### María Elisabere ihñano wahahye

<sup>39</sup>Tiquiro sa nidi bato María cūnū cjū ijiri yehparū Judea yehparū ijiri macarū sojaro mehna wahaa wahahye. <sup>40</sup>Topū esaro, Zacaria ya wūhūpū sajāno, “¿Ne, ijiajari?” niahye ticoro Elisabere. <sup>41</sup>Ticoro sa nigū Elisabe tūhogūta, ticoro macūno pehe niji suhtiorū ijiriquiro űuhmiahye. Elisabe Espiritu Santo dutiriro sahata ye pehoricoro ijiro, tiquiro tutuayere cūoricoro ijiahye. <sup>42</sup>Sa yero tutuaro bucueye mehna ticoro tutuaro yahuducuahye.

—Ijipihtiyequina numia yūhdūoro mūhure quehnoano yeri Cohācjū. Mūhū macū gūhure quehnoano yeri Cohācjū. <sup>43</sup>Cuehi, yūhū pūhtoro pacoro yūhū caharū ahtagū quehnoano yeri yūhure Cohācjū. <sup>44</sup>Mūhū yūhure “¿Ne, ijiajari?” mūhū nigū yūhū macū pehe niji suhtiorū ijiriquiro bucueye mehna űuhmiahti yūhure. <sup>45</sup>Cohācjū tiquiro nidiro sahata yerota. Sa yego tiquiro yahurire tūhorigo ijigo bucuego ijire mūhū, niahye Elisabe.

<sup>46</sup>Ticoro sa nigū María yūhtiahye:

“Cohācjū quehnoariquiro, tutuariquiro ijire”, niaja. Yūhū quehnoano jeripohna tiaja. <sup>47</sup>Cohācjū yūhure pecarū wahaborigore yedohoriquiro

ijire. Sa yero yojoꝑũre yũhũre quehnoano bucueye mehna ijigũ yere. 48-49 Yũhũre tiqũiro cahacjõre wacũri jiri. Cohãcjũ tutua yũhdũariquiro quehnoañe dihitare yũhũre yedohori. Sa ye yojoꝑũre “Ticorore Cohãcjũ quehnoano yeri”, ijipihtiyequina masa sa ni, yahuducueta yũhũre. Cohãcjũ ñañe marieniquiro ijire. 50 Ijipihtiye decori ijipihtiyequina tiqũirore ño peoyequinare tiqũiro paja ihñariquiro ijire. 51 Cohãcjũ tiqũiro tutuaye mehna yeahye. “Apequinare masi yũhdũdũcaja”, niñequinare yũhdũdũcahye tiqũiro. 52 Pũhtoare cohãhye tiqũiro. Sa yero cahacjẽna pehere pũhtoa yero saha cũahye tiquinare. 53 Ujua ahbayequinare tiqũiro quehnoañe ihyayere ohoahye. Sa yero peye doeri cjẽ cũoyequinare doeri cjẽ cũoeragũ yeahye tiqũiro. 54-55 Mari ñecũsumua iji turiayequina mũnare tiqũiro yahu cũriro sahata ye pehoahye Cohãcjũ. “Pecapũ wahaboriquinare yũhdũoutja”, tiqũiro ni yahu cũriro sahata ye pehoahye. Sa yero tiqũiro cahacjẽnare Israe masare tiqũiro yedohoahye. Abrahã mũnanore mari ñecũsumua mũnare ijipihtiyequina tiqũiro acaye tiqũiro bato ijieyequina gũhũre Cohãcjũ ijipihtiye decori sa paja ihñaducuriquiro ijie tiahye. Tiquinare tiqũiro yahu cũriro boerahye Cohãcjũ, niahye María. 56 Ihtia asũ waro Elisabe mehna ijiahye. To puno ticoro ijiri bato ticoro ya macapũ tojoaa wahahye María.

### Ñu masa bajuahye

57 Elisabe ticoro niji wahcõ, pohna tiahye. Ticoro macũno masa bajuahye. 58 Sa yero Cohãcjũ ticorore tiqũiro sa yegũ ticoro ya maca cjẽna ticoro acaye gũhũ ticoro mehna bucueahye. 59 Ocho decori tiqũiro masa bajuari bato, tiqũiro pacũsumua tiqũirogãre cuhnucunũ sohtoa cahserogãre yũhre ne dutiye tee niahye. Sa yeye tiquina mehna cjẽna tiquina cahapũ esahye tiquina yũhre negũ ihñañe tehe. Tiquina mehna cjẽna Zacaria tiqũiro pacũro wamene tiqũirogãre wame ye duamahye. 60 Tiquina sa wame ye duepegũta tiqũiro pacoro ohõ saha niahye: —Tiqũiro pacũro wamene wame yeraja. Ñu wame yematja tiqũirogãre, niahye ticoro.

61 —Mũhũ acaye ne ihcãquiro Ñu wame tiriquiro mariedare, niahye tiquina ticorore.

62 Sa ye tiquina omocari mehna yahuducu, Zacariare sinituahye tiquina: —¿Mũhũ waro dũhse wame ye duajari mũhũ macũre? ni, sinituahye tiqũirore.

63 Tiquina sa nigũ tiqũiro pehe ojoari pjĩne sini, ñehe, ojoahye: “Yũhũ macũ Ñu wame tirota”, ni, ojoahye Zacaria. Tiquiro sa ni ojoagũ tiquina pehe tũho maria wahahye. 64 Tiquiro sa ni ojoari bato tiqũirore yahuducugũ yeahye Cohãcjũ. Sa yero tiqũiro yahuducua wahahye.

—Cohãcjũ tutuariquiro, quehnoariquiro ijire, niahye tiqũiro.

65 Tiquiro sa ni yahuducugũ tũhoye to cjẽna tũho maria wahahye. Sa ye ahri ijipihtiyere Judea yehpa cjẽnare cunũ cjũ watoa ijieyequinare masa yahu siteahye. Sa ye masa to cjẽna quehnoano masi pihitia wahahye.

<sup>66</sup>Ijipihtiyequina tire tuhoye wacūahye. “Cohācjū tutuayere ahriquirogā cøore. Sa yero ihyo ijiriquiro ijisi tiquirogā”, ni, tuhotuahye masa.

### Zacaria Cohācjüre ño peoahye

<sup>67</sup>Sa yero tiquiro pacuro Zacaria Espiritu Santo dutiriro sahata ye pehoriqiro ijiro tiquiro tutuayere cuoriqiro ijiro Cohācjū yere yahuahye:

<sup>68</sup>Cohācjüre ño peouhna mari. Mari Israe masa tiquiro yequina ijiaya mari. Sa yero mari cahapū wihiro, marine yedohoro quehnoano yūhdugū yerota. <sup>69</sup>Sa yero Cohācjū tutuariqirore marine pecapū wahaborinare quehnoano yūhdugū yeatiqirore ohori jiri. Marine quehnoano yūhdøatiquiro tiquiro acayuro mūnano Davi ijire. Davi mūnano pehe marine yūhdøatiquiro cahacjūno ijire. <sup>70</sup>Panopū tiquiro yere yahu mūhtariquinare Cohācjū ohō sahata ni ahrire yahu dutiahye. <sup>71</sup>Marine ihña tuhtiyequina marine ñano tiquina ye duagū ihñano “Mūsare yedohoutja”, ni, cūahye Cohācjū marine. <sup>72</sup>Mari ñecusumua mūnare “Mūsare paja ihñagū, yedohoutja. Mūsare yūhū yahu cūrire wacūtja”, niahye Cohācjū mari ñecusumua iji turiayequina mūnare. Ti pjeppure tiquiro nidiro sahata marine yojopure yere. <sup>73-75</sup>Ohō saha ni cūahye Cohācjū panopure Abrahāre: “Mūhū acaye camerū ijiyequinare ihña tuhtiyequina tiquina ijigū cohāutja. Sa yegū mūhū acayere yedohoutja. Sa ye tiquina cuero marieno yūhū dutiyere ye masieta. Sa yegū tiquina ñañene yūhū cohāgū, tiquina yūhū ihñonopū ijipihtiye decori quehnoañequina ijiducueta”, ni, yahu cūahye panopū Cohācjū mari acayuro mūnanore Abrahāre, niahye Zacaria.

Sa ni tuhasa tiquiro macunore ohō saha niahye:

<sup>76-77</sup>Macū, mūhūre ohō saha nieta masa: “Cohācjū tutua yūhduariqiro tiquiro yere yahu mūhtariqiro ijire”, nieta mūhūre. Sa yegū mūhū mari pūhtoro Cristo pano wahayugūta mūhū. Sa wahagū ohō saha ni yahugūta mūhū. “Cohācjū mūsa ñañene cohāno, pecapū wahaborinare yūhdøorota mūsare”, ni, yahugūta mūhū. Sa ni yahugū mari pūhtoro tiquiro ahtatire yahuyugū nigūta mūhū. <sup>78</sup>Cohācjū pehe marine tutuaro paja ihñariqiro marine quehnoano yeriquiro ijiro, tiquiro marine pecapū wahaborinare yūhdøo duare. Marine yūhdøoro ahtarō Cristo mari cahapū ahtarota. <sup>79</sup>Ijipihtiyequina marine pecapū wahaborinare yūhdøo duare tiquiro. Sa yero Cohācjüre masiena mari ijigū ihñano marine masigū ye duare tiquiro. Sa yero mari quehnoano ihcāno mehna mari ijiatire yahurota marine, niahye Zacaria.

<sup>80</sup>Sa yero Zacaria macūno quehnoano pagū tiriqiro masahye. Sa yero Cohācjüre tutuaro ño peoahye. Sa yero yoari pje masa marienopū ijie tiahye. Israe masare buhe dūcaro topūta ijie tiahye.

### Jesu masa bajuahye

(Mt 1.18-25)

**2** <sup>1</sup>Ti pjere ijipihtiye yehpari cjëna pũhtoro Augusto ijie tiahye. Sa yero ijipihtiyequinare queo dutiahye. <sup>2</sup>Ahriquina masare tiquina coã queo ducagũ Siria yehpa cjëna pũhtoro Cirenio wame tiriquireo ijiahye. <sup>3</sup>Sa ye ijipihtiyequina tiquina ñecusũmua panopũ cjëna ye macaripũ tiquina wamene ojoa ohõne wahahye. <sup>4</sup>José gũhũ Nazarepũ Galilea yehpapũ ijiri macapũ ijiriquina waha, Judea yehpapũ Belé wame tiri macapũ esahye. Pũhtoro Davi mũnana panopũ cjũno tiquireo masa bajariro ijiahye Belé. José Davi mũnana panamino iji turiariquireo ijiro Belépũ tiquireo wamene ojoa ohõ dutiro wahahye. <sup>5</sup>Sa yero María tiquireo omoca dũhteaticoro mehna topũ tiquireo wamene ojoa ohõ dutiro esahye. Ticoro pehere meheñe decorigã dũhsahye nijino bajuato. <sup>6</sup>Sa yero Belépũ esaro ticoro niji wahcõahye. <sup>7</sup>Topũre masa tiquina carĩni wũhũ ne esa tuhaerahye tiquinare. Sa yero ticoro pohna ti tuhasa, tiquireogãre suhtiro mehna coma, wecua tiquina ihyari cohropũ, taa bui tiquireogãre duhu peoahye. Tiquireogã ticoro coã macũ ti mũhtariquireogã ijiahye.

### Angele ovejare ihña ihboyequinare bajuahye

<sup>8</sup>Ti ñamine oveja tiquina ijirorpũ ovejare ihña ihboyequina tiquina yequina ovejare ihña ihboye niahye. <sup>9</sup>Sa yero Cohãcjũ ohoriquiro angel tiquinare bajuahye. Tiquireo sa bajuagũ Cohãcjũ asi siteye tiquinare buhriohahye. Tiquireo sa asi sitegũ ihñañe, ovejare ihña ihboyequina cuea wahahye. <sup>10</sup>Tiquina sa wahagũ angel tiquinare yahuahye:

—Quehnoañe quitire mũsare yahugũ ahtaja. Ijipihtiyequinare masare bucuegũ yerota ahri quti. Sa yena yũhũre cueracãhña mũsa. <sup>11</sup>Mia ñamine pũhtoro Davi mũnana ya macapũ mũsare pecapũ wahaborinare yũhdũoatiquiro, Cristo Cohãcjũ ohoriquiro mari pũhtoro masa bajua tuhasari. <sup>12</sup>Sa yero suhtiro mehna comariquireogã wecua ihyari cohro bui tiquina duhu peoriquireogã mũsa ihñatiquireogã tiquireo ijirota, ni yahuahye angel tiquinare.

<sup>13</sup>Tiquireo sa nigũta peyequina ãhmũse cjëna iji mũhtariquireo angel mehna Cohãcjũre ño peoahye. Ohõ saha ni ño peoahye tiquina:

<sup>14</sup>Cohãcjũre ãhmũse cjũnore ño peouhna. Sa ye Cohãcjũ tiquireo cahĩnequina cuero marieno cahmequeno marieno quehnoano ijiahiro, ni, ño peoahye angele pari.

<sup>15</sup>Sa ni tuhasa ãhmũsepũ tiquina mũjari bato ovejare ihña ihboyequina pehe tiquina basi cahme yahuducuahye:

—Ahrire Cohãcjũ marine tiquireo yahurire Belépũ isa ihñaũhna, niahye tiquina basi.

<sup>16</sup>Sa niñe sojaro mehna waha wahahye. Tiquina Maríare, Josére boca sa, nijinogãre wecua ihyari cohropũ tiquina duhu peoriquireogãre ihñahye tiquina. <sup>17</sup>Ovejare ihña ihboyequina tiquireogãre ihña tuhasa nijinogãre angel



(San Lucas 2.16)

tiqiro yahurire yahuahye apequinare. <sup>18</sup>Tiquina sa ni yahugū ijipihtiyequina tiquinare tūho maria wahahye. <sup>19</sup>Ahri ijipihtiyere María wacū tūhotuahye. <sup>20</sup>Sa yeye ovejare ihña ihboyequina pehe angel tiqiro yahuriro saha ijigū ihñañe, “Cohācǰū tutuariqiro ijire”, ni bucueahye. Sa ni bucueye tojoaa wahahye.

**Cohācǰū wūhupū Jesu pacusumua tiqirogāre neahye**

<sup>21</sup>Ihcā semana bato nijinogā tiqiro cuhncunū sohtoa cahserogāre yūhre ne tuhasa tiqirogāre tiquina Jesu wame yeahye. Jesure coā waro



ticoro bocato pano angel pehe “Jesu wame yeya tiquirogãre”, ni yahu tuhasahye. Sa yeye tiquirogãre Jesu wame yeahye.

<sup>22-24</sup>Cohãcjũ dutiye Moise tiquiro yahuriro saha yeye tehe, José, María mehna Jerusalêpũ wahahye. Topũ wahahye María ticoro pohna tiri bato pagũ quehnoaricoro ticoro tojoarire ihñono taro. Cohãcjũ dutiriro sahata tiquina minicjuare ohoye wahahye Cohãcjũre ño peoye. Ohõ saha dutiahye Cohãcjũ: “Bujuaare pũaro ohoya yũhũre. O tiquina mariedagũ apequina boro minicjuare ohoya yũhũre ño peona”, ni dutiahye Cohãcjũ. Tiquiro dutiriro sahata yeahye tiquina ticoro pagũ quehnoari pagũ ticoro waharire ihñõne taye.

Topũ wahaye tiquina Jesugãre neahye. Tiquirogãre Cohãcjũre “Ahriquirogã mũhũ yaquiuro ijiatiquirogã ijire”, ni ihñõne wahahye. Ohõ saha yeahye Cohãcjũ yere tiquina ojoari pũpũ tiquiro ye dutiriro sahata. “Ijipihiteyquina mũsa pohna coã bajua mũhtañequinagãre Cohãcjũre ihñõña. ‘Ahriquirogã mũhũ yaquiurogã ijiatiquiro ijire’, ni ihñõña”, ni dutiahye Cohãcjũ. Sa ye tiquiro dutiriro sahata yeahye tiquina, Jerusalêpũ ijitye.

<sup>25</sup>Ti macapũ Simeo wame tiquiro ijiahye. Tiquiro quehnoariquiro, Cohãcjũre ño peoriquiro ijiro, Israe masare Cohãcjũ yedohoatire coheriquiro ijiahye. Sa yero Simeo Espiritu Santo tiquiro nidiro saha yeriquiro ijiahye.

<sup>26</sup>Sa yero tiquiro yariato pano Cohãcjũ tiquiro ohoatiquirore Cristore tiquiro ihñatire yahuahye Espiritu Santo tiquirore Simeore. <sup>27</sup>Sa yero Espiritu Santo tiquirore dutigũ Cohãcjũ wũhũpũ sajãa wahahye. Tiquiro sajã sari bato Jesu pacũsumũa tiquina macũnogãre ne sajãhye. Cohãcjũ tiquiro dutiriro sahata yeye niahye. <sup>28</sup>Simeo pehe tiquirogãre wũa ne, Cohãcjũre ño peo, “Quehnoare”, ni, tiquiro mehna yahuducuahye.

Ohõ saha niahye tiquiro Cohãcjũre:

<sup>29-32</sup>Yojoapũ pũritare pũhto, mũhũ nidiro sahata masare pecapũ wahaboriquinare yũhũoatiquirore ohori jiri mũhũ. Tiquiro judio masa ijieyequinare buhero mũhũre quehnoano masigũ yerota tiquinare. Masare yũhũoatiquiro Israe masũnore mũhũ cũahye. Ûsã acayũrore Israe masũnore mũhũ cũgũ ijipihiteyquina masiñe, “Israe masare quehnoano yere Cohãcjũ”, nieta masa. Ahriquirogã ùsãre yũhũoatiquiro ijire. Sa yegũ ahriquirogãre ihñã tuhasagũ, yojoapũre quehnoano bucuegũ yariũtja, niahye Simeo.

<sup>33</sup>Simeo tiquirogãre tiquiro sa nigũ tiquirogã pacũsumũa pehe tuho maria wahahye. <sup>34</sup>Sa yero Simeo tiquinare “Quehnoano ijiya mũsa”, nino tiquiro María Jesu pacore yahuahye:

—Cohãcjũ ahriquirogãre beseahye. Sa beseriquirogã tiquiro ijiepegũta judio masa peyequina tiquirore yũhũdũcaeta. Sa ye tiquina pecapũ wahaeta. Sa yero judio masare peyequina tiquiro yũhũoatiquiro gũhũre Cohãcjũ beseri tiquirogãre. Tiquiro Cohãcjũ yere yahuriquiuro tiquiro ijiepegũta masa peyequina tiquirore ñano ni yahuducueta. <sup>35</sup>Tiquina sa yegũ apequina tiquina ñano wacũñene masieta. Sa yego mũhũ tutuaro purĩno yero saha bujũa witigota, niahye Simeo Marĩare.



<sup>36</sup>Торꝑ Cohăcĵũ yere yahu mũhtaricoro Ana wame tiricoro ijiahye. Ticoro Fanuel macono ijiro, Aser mũnano ya curua cĵono ijiahye. Вѣсѳоро waro ijiahye. Ticoro nuhmino ijiro manũ tiahye. Sa yero siete cũhmari waro ticoro manũno mehna ijiahye. To puno tiquiro ijiri bato ticoro manũno yariaa wahahye. <sup>37</sup>Sa yero ochenta y cuatro cũhmari waro wape wihoro ijie tiahye ticoro. Sa yero ticoro deco gũhũre ñami gũhũre Cohăcĵũ yere yero taro siji, Cohăcĵũ mehna yahuducu, Cohăcĵũ wũhũre ne wijaera tiahye. <sup>38</sup>Simeo tiquiro yahuducuri watoa ticoro tiquina cahapũ wihiro, bucuero, Cohăcĵũre “Quehnoare”, niahye. Sa yero Jerusalẽ cĵenare pecapũ wahaboriquinare yũhdũoatiquirore cohteyequinare ticoro Jesugăre yahuahye peyequina masare.

### **José, María, Jesu mehna Nazarepũ tojoaa wahahye tja**

<sup>39</sup>Cohăcĵũ dutiriro sahata ye tuhasaye, tiquina ya macapũ Nazarepũ tojoaa wahahye. Galilea yehpapũ ijiahye ti maca Nazare. <sup>40</sup>Sa yero Jesu quehnoano masa, tutuariquiro wahahye. Sa yero tiquiro quehnoano tũho masiniquiro ijiahye. Sa yero tiquirore Cohăcĵũ quehnoano yeahye.

### **Jesu coã wahmũa dũcaro, Cohăcĵũ ya wũhũpũ judio masare buheyequina mehna yahuducuro niahye**

<sup>41</sup>Cũhmaripe Jesu pacũsumũa Jerusalẽpũ pascua decorire bose decorire ihñãne wahae tiahye. <sup>42</sup>Jesu doce cũhmari tiquiro cũogũ tiquina yeducuriro sahata tiquina ijipihtiyequina Jerusalẽpũ wahahye. <sup>43</sup>Sa yeye bose decorire ihñã tuhasa tiquina ya macapũ tojoaa wahahye tja. Tiquina sa tojoepegũta Jesu pehe Jerusalẽpũ tojoa cãhye. Tiquiro pacũsumũa tiquiro tojoa queherire masiedahye. <sup>44</sup>“Tiquiro mari mehna cĵena mehna ijiaga”, ni tũhotumahye tiquina. Sa ye tiquina ihcã deco waro Jesu marieno wahamahye. Sa ye tiquina Jesure tiquina acaye watoa macamahye. <sup>45</sup>Ne bocaerahye. Sa ye tiquina Jerusalẽpũ tiquirore macañe wahahye.

<sup>46</sup>Ihtia deco bato Cohăcĵũ wũhũpũ tiquirore boca sahye. Sa yero Jesu judio masare buheyequinare tũho, tiquinare sinituro niahye. Sa ye cahme yahuducuye niahye. <sup>47</sup>Tiquina ijipihtiyequina Jesure tũhoye quehnoano masiniquirogã tiquiro ijigũ ihñãne, tiquina tũho maria wahahye. <sup>48</sup>Tiquiro pacũsumũa gũhũ Jesure ihñãne, ihñã maria wahahye. Sa yero tiquiro pacoro tiquirore ohõ saha niahye:

—¿Macũ, dũhsegũ sa yeajari mũhũ usăre? Mũhũ pacũsumũa ohõ saha ni tũhotuu usã. “Tiquiro butia wahaga”, ni macaja usã mũhũre, niahye ticoro macũnore.

<sup>49</sup>Ticoro sa nigũ tiquiro pacũsumũare yahuahye:

—¿Dũhsena yũhũre macajari mũsa? Yũhũ Pacũ yũhũre tiquiro dutiriro saha yegũ niaja. ¿Tire masiedajari mũsa? niahye tiquiro.

<sup>50</sup>Tiquiro sa niepegũta tiquina tũho ñehedahye.

<sup>51</sup>Sa yero Jesu Nazarepũ tojoaa waha, tiquiro pacũsumũare ne yũhdũdũcaerahye. Ahri ijipihtiye tiquiro yerire María quehnoano

wacūahye. <sup>52</sup>Sa yero Jesu bucua, quehnoano tuho masiniquiro wahahye. Sa ye Cohācjū, masa gūhu “Quehnoariquiro ijire”, ni ihñahye tiquireore.

**Ñu wame yeriquiro masare Cohācjū yere yahuahye**  
(Mt 3.1-12; Mr 1.1-8; Jn 1.19-28)

**3** <sup>1</sup>Ti pjere tiquina pūhtoro Tiberio wame tiriquiro pūhtoro ijiri bato quince cūhmari wahahye. Sa yero Poncio Pilato wame tiriquiro Judea yehpa cjēna pūhtoro ijiahye. Sa yero Herode wame tiriquiro Galilea yehpa cjēna pūhtoro ijiahye. Tiquiro bahuro Felipe Iturea yehpa cjēna, Traconite yehpa cjēna gūhu tiquina pūhtoro ijiahye. Sa yero Lisania wame tiriquiro Abilinia yehpa cjēna pūhtoro ijiahye. <sup>2</sup>Sa ye Anás, Caifa mehna ijipihtiyequina pahia pūhtoa ijiahye. Ahriquina ijipihtiyequina tiquina ijiri pjere Ñu Zacaria macuno masa marienopū ijiriquireore Cohācjū pehe tiquireore tiquireo yere yahu dutiahye. <sup>3</sup>Sa yero Jordā wame tiri ma dūhtū cahapū ijiri yehpapū ijipiltiropū Ñu buhero wahahye.

—Musa ñañe yeyere bújua witiya. Yojoḡḡe quehnoañe pehere comesaya. Sa yena wame yenohrina ijija. Musa sa comesagū ihñano Cohācjū musa ñañe yerire borota, ni, buhee tiahye tiquireo.

<sup>4</sup>Isaia mūnano panopū cjūno Cohācjū yere yahu mūhtariquiro ojoariro sahata ahriquireo yojoḡḡe yero niahye. Ohō saha ni ojoahye Isaia Ñu tiquireo buheatire:

Masa marienopū yahuducu sañuducuriquiro ohō saha ni buherota: “Mari pūhtoro ahtato pano mahare mari quehnoyuriro saha quehnoana ijiyuya musa. Musa ñañe yerire bújua witiya. <sup>5</sup>Pe wūhturi, pe buhuari gūhure quehnoari paa mari yeriro saha, pari yawi ijije maharine potoye mahari mari yeriro saha, ñañe maharine quehnoañe maharine mari yeriro saha, wetere musa coseriro saha musa ñañe yeyere duhuya. <sup>6</sup>Musa sa yegū Cohācjū musare pecapū wahaborinare tiquireo yūhdūogū ihñāeta ijipiltiri yehpa cjēna”, ninota tiquireo sañuducu yahuriquiro pehe, ni ojoahye Isaia mūnano panopūre.

<sup>7</sup>Masa peyequina Ñu cahapū wihiye tiquireo tiquinare wame yegū cahmeahye tiquina. Sa yero tiquireo tiquinare yahuahye:

—Añaa pari yero saha ña yūhdūna, cue duhti duana ijire musa. Musa ñañe yerire bújua witi duerana Cohācjū musa ñañe buhirire tiquireo buhiri dahreato pano duhti masiedare musa. <sup>8</sup>Sa yena potota musa ñañene bújua witina ijina, quehnoañene comesana ijina, quehnoañe pehere yeya musa. Ohō saha ni tūhotueracāhña. “Panopū cjūno Abrahā mari ñecū mūnano ijie tiahye. Sa yena tiquireo panamena ijina mari Cohācjū yequina ijiaja”, ni tūhotueracāhña musa. Musare niita niaja. Abrahā panamena iji turiana ijimene musa. Musa sa ijiepegūta ti musa sa ijije dūhseati ijierare. Cohācjū pehe ahri utā paca mehna Abrahā acayere dahre masine. Sa ye Abrahā acaye musa ijije ihyo waro ijire utā paca ihyo waro ti ijiro saha. <sup>9</sup>Ohō saha ijire: Masa yucūri yero saha ijire.

Cohăcǵũ pehe yucurire quēatiare comeare c̄oriq̄iuro yero saha ijire. Sa yero ñaņe đuca tiye cǵure đute cohă, ti nuhcori gũhure đute sure peho cãnota. Đute sure tuhasa, pecapũ uǵãanota tiq̄iuro ti cǵure, nuhcori gũhure. Sata yerota masa gũhure tiq̄iurore cahmeeņequinare, niahye Ñu masare.

<sup>10</sup>Tiq̄iuro sa nigũ tuhoye masa pehe tiq̄iurore sinituahye:

—¿Đuhse yenatari usă? niahye tiquina Ñure.

<sup>11</sup>—Pũa suhtiro c̄oriq̄iuro suhti mariediq̄iurore ihcãno ohoya. Sa yena m̄sa ihyaye c̄ona apequina gũhure ohoya, niahye Ñu.

<sup>12</sup>Meheņequinagã pũtoa ye ijatire wapa ne cohteyequina wame yenhriquina jji duahye tiquina gũhũ. Sa yeye Ñu cahapũ wihye, tiq̄iurore sinituahye:

—¿Buhegũ, usă pehe đuhse yenatari usă? niahye tiquina tiq̄iurore.

<sup>13</sup>—M̄sa pũtoa tiquina dutiro punota masare wapa neña. Ni meho wapa ne nemoedacãhña, ni yahuahye Ñu tiquinare.

<sup>14</sup>Apequina surara tiq̄iurore sinituahye tja:

—¿Usă pehe đuhse yenatari? niahye tiquina tiq̄iurore tja.

—Masa yere niņerure ehmedacãhña. Sa yena tiquina ye niņerure ni meho nedacãhña. M̄sare tiquina wapa yero punota bucueya, ni, yahuahye Ñu.

<sup>15</sup>Masa Cristore Cohăcǵũ tiq̄iuro ohoatiq̄iurore cohteye niahye. Sa yeye ohõ saha ni tuhodu đucahye tiquina Ñure. “Ahriq̄iuro Ñu pehe Cristo ijiboaga”, ni tuhutumahye tiquina. <sup>16</sup>Tiq̄iuro sa nigũ tuhoro Ñu ijipihtiyequinare yahuahye:

—Yũhũ bato yũhũ yũhđuro tutuariq̄iuro ahtarota. Quehnoa yũhđuariq̄iuro ijire tiq̄iuro. Tiq̄iuro yero saha ijieraja yũhũ pehe. Sa yegũ tiq̄iurore tuhotugũ, “Thyo ijigũ ijiaja”, ni tuhotuaja yũhũ. Yũhũ pehe m̄sare wame yegũ aco mehna wame yemi. Tiq̄iuro pehe yũhũ yũhđuro yerota. Espĩritu Santore masa mehna ijiducugũ yerota. Sa yero pecapũ ñaņene tiq̄iuro uǵãa wero saha tiq̄iuro ahtariq̄iuro pehe m̄sa ñano yeyere cose werota.

<sup>17</sup>Yũhũ bato ahtariq̄iuro trigo cahseri cohãriq̄iuro yero saha ijire. Ti cahserire cohãriq̄iuro tiq̄iuro batiro mehna ijipihtiye trigo pjeri cahserire puti were. Sa ye tuhasa trigo pehere tiq̄iuro ihbori wũhũpũ cũnota. Sata yerota tiquina ñaņene bujũa witiyequinare yũhũ bato ahtariq̄iuro. Tiq̄iuro puti weri cahseri pehere uǵãanota. Ti peca tiq̄iuro uǵãari peca ne yatisi. Sata yerota tiq̄iuro yũhũ bato ahtariq̄iuro tiquina ñaņene bujũa witiyequinare, ni yahuahye Ñu.

<sup>18</sup>Peye tiq̄iuro sa ni yahuye mehna masare quehnoaņe buheyere yahuahye Ñu. <sup>19</sup>Sa yero pũthoro Herode pehe tiq̄iuro bahũro Felipe namonore tiq̄iuro namo tiri buhiri, pajiro ñaņene tiq̄iuro yeri buhiri gũhure Ñu tiq̄iurore yahumahye. <sup>20</sup>Tiq̄iuro sa ni yahuri buhiri Herode pehe Ñure peresu yeahye, pari turi ñaņene yero.

**Ñu Jesure wame yeahye**  
(Mt 3.13-17; Mr 1.9-11)

<sup>21</sup>Ñure tiquina peresu yeato pano apequina masare Ñu pehe wame yero niahye. Tiquinare wame yero Jesu gũhure wame yeahye. Sa yero

Jesu diarũ ducuriquiro Cohãcjũre tiquiro sinino watoa ùhmũse parĩ maa wahahye. <sup>22</sup>Sa parĩ maari bato Espĩritu Santo bujua yero saha bajuriquiro Jesu buipũ dijia tahye. Tiquiro ahtagũ ùhmũsepũ yahuducuro ca tahye:

—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye ùhmũsepũ.

**Jesu acaye panopũ cjẽna ijiahye**

*(Mt 1.1-17)*

<sup>23</sup>Jesu buhe dũcari cũhmare treinta cũhmari cũoahye tiquiro. “Tiquiro José macũno ijire”, ni, tũhotumahye masa. José pehe Elĩ macũno ijiahye. <sup>24</sup>Elĩ Matat macũno ijiahye. Matat Levĩ macũno ijiahye. Levĩ Melqui macũno ijiahye. Melqui Jana macũno ijiahye. Jana José macũno ijiahye. <sup>25</sup>José Matatĩa macũno ijiahye. Matatĩa Amós macũno ijiahye. Amós Nahúm macũno ijiahye. Nahúm Esli macũno ijiahye. Esli Nagai macũno ijiahye. <sup>26</sup>Nagai Maat macũno ijiahye. Maat Matatĩa macũno ijiahye. Matatĩa Semeĩ macũno ijiahye. Semeĩ Josec macũno ijiahye. Josec Judá macũno ijiahye. <sup>27</sup>Judá Joanán macũno ijiahye. Joanán Resa macũno ijiahye. Resa Zorobabel macũno ijiahye. Zorobabel Salatiel macũno ijiahye. Salatiel Neri macũno ijiahye. <sup>28</sup>Neri Melqui macũno ijiahye. Melqui Adi macũno ijiahye. Adi Cosam macũno ijiahye. Cosam Elmadam macũno ijiahye. Elmadam Er macũno ijiahye. <sup>29</sup>Er Josué macũno ijiahye. Josué Eliezer macũno ijiahye. Eliezer Jorim macũno ijiahye. Jorim Matat macũno ijiahye. <sup>30</sup>Matat Levĩ macũno ijiahye. Levĩ Simeo macũno ijiahye. Simeo Judá macũno ijiahye. Judá José macũno ijiahye. José Jonam macũno ijiahye. Jonam Eliaquim macũno ijiahye. <sup>31</sup>Eliaquim Melea macũno ijiahye. Melea Mena macũno ijiahye. Mena Matata macũno ijiahye. Matata Natán macũno ijiahye. <sup>32</sup>Natán Davi macũno ijiahye. Davi Isaĩ macũno ijiahye. Isaĩ Obed macũno ijiahye. Obed Booz macũno ijiahye. Booz Salmón macũno ijiahye. Salmón Naasón macũno ijiahye. <sup>33</sup>Naasón Aminadab macũno ijiahye. Aminadab Admin macũno ijiahye. Admin Arni macũno ijiahye. Arni Esrom macũno ijiahye. Esrom Fare macũno ijiahye. Fare Judá macũno ijiahye. <sup>34</sup>Judá Jacob macũno ijiahye. Jacob Isaac macũno ijiahye. Isaac Abrahã macũno ijiahye. Abrahã Taré macũno ijiahye. Taré Nacor macũno ijiahye. <sup>35</sup>Nacor Serug macũno ijiahye. Serug Ragau macũno ijiahye. Ragau Peleg macũno ijiahye. Peleg Heber macũno ijiahye. Heber Sala macũno ijiahye. <sup>36</sup>Sala Cainán macũno ijiahye. Cainán Arfaxad macũno ijiahye. Arfaxad Sem macũno ijiahye. Sem Noé macũno ijiahye. Noé Lamec macũno ijiahye. <sup>37</sup>Lamec Matusalẽ macũno ijiahye. Matusalẽ Enoco macũno ijiahye. Enoco Jared macũno ijiahye. Jared Mahalaleel macũno ijiahye. Mahalaleel Cainán macũno ijiahye. <sup>38</sup>Cainán Eno macũno ijiahye. Eno Sete macũno ijiahye. Sete Adán macũno ijiahye. Adán Cohãcjũ yeriquiro ijiahye.

**Watĩno ñañene ye dutimahye Jesure**  
(Mt 4.1-11; Mr 1.12-13)

**4** <sup>1</sup>Jesu Espĩritu Santo dutiriro saha ye pehoriquiro ijiro, Jordā wame tiri ma cahapũ ijiriquiro tojoaa wahahye. Tiquiro sa tojoaa wahagũ Espĩritu Santo pehe tiquirore masa marienopũ neahye. <sup>2</sup>Topũ esaro cuarenta decori ijiahye. Sa yero watĩno pehe Jesure ñañene yegũ cahmemahye. Sa yero ñañene ye dutimahye tiquirore. Ti decorire ne Jesu ihyerahye. Sa yero ti decori pihitigũ waro tiquiro ɸjũa ahbahye.

<sup>3</sup>Tiquiro sa ɸjũa ahbagũ ihñano watĩno ohõ saha nimahye Jesure:  
—Mũhũ Cohãcjũ macũ ijigũ, ahria ɸtãre ihyaye dojomehneña, nimahye Jesure.

<sup>4</sup>Jesu ohõ saha ni yũhtiahye:

—Yeraja. Cohãcjũ yere tiquina ojoari pũpũ ohõ saha nine: “Masare ihyaye mehna dihita catieraro cahmene. Ijipihtiye Cohãcjũ ye yahuye mehna ijiro cahmene”, nine Cohãcjũ, ni yũhtiahye Jesu watĩnore.

<sup>5</sup>Tiquiro sa nidi bato watĩno pehe tiquirore cũnũ ɸhũmũnũ buipũ ne mũja saro, duita ijipihtiye macarine ihñõ dijoahye Jesure. <sup>6</sup>Sa ihñono Jesure yahuahye:

—Ijipihtiye ahri macari yũhũre tiquiro ohori ijire. Sa yegũ yũhũ cahmediquirore oho masiaja. Sa yegũ ahri macarine, ahri macari cjenare dutiati gũhũre, tiquina cũoye mehna mũhũre ohoutja. <sup>7</sup>Yũhũre mũhũ ño peogũ ahri macari ijipihtiye macarine mũhũre ohoutja, niahye watĩno Jesure.

<sup>8</sup>Jesu ohõ saha ni yũhtiahye tiquirore:

—Mũhũre ño peoeraja. Ohõ saha nine Cohãcjũ yere tiquina ojoari pũ: “Mũhũ pũhtoro Cohãcjũ dihitare ño peoya. Tiquiro ye dutiye dihitare yeya”, ni ojoahye Cohãcjũ yere, niahye Jesu watĩnore.

<sup>9-11</sup>Tiquiro sa nidi bato Jerusalẽpũ watĩno pehe tiquirore ne cã, Cohãcjũ wũhũ buipũ ne sahye. Ne sa tuhasa tiquirore ohõ saha nimahye:

—Cohãcjũ yere tiquina ojoari pũ ohõ saha nine: “Cohãcjũ tiquiro yequina angelere mũhũre ihña ihbo dutirota. Sa yeye tiquina pehe mũhũre ihña ihboeta, ‘Mũhũpũ ɸtãpũ pũhari’, niñe”, ni ojoahye Cohãcjũ yere tiquina ojoari pũpũ. Tiquiro sa nidi poto ijigũ mũhũ Cohãcjũ macũ ijigũ, yehpãpũ uhpu dijia ihñõña yũhũre. Mũhũre tiquina yedohogũ ihñõña yũhũre, nimahye watĩno Jesure.

<sup>12</sup>Jesu uhpu dijia ihñõ dueraro ohõ saha ni yũhtiahye tiquirore:

—Cohãcjũ yere tiquina ojoari pũ ohõ saha nine: “Mũsa pũhtoro Cohãcjũ tiquiro nidire ‘¿Poto ijiajari?’ ni masi duana, Cohãcjũre ye ihñõ duti tuhueraacãhña”, nine Cohãcjũ yere tiquina ojoari pũpũ, niahye Jesu watĩnore.

<sup>13</sup>Sa yero watĩno ijipihtiye ñañene Jesure ye dutimahye. Sa duti tuhasaro mehenogã duhu cãriahye.

## Galilea yehparɁ Jesu buhe dɁcahye

(Mt 4.12-17; Mr 1.14-15)


<sup>14</sup>Came Jesu GalileapɁ tojoaa wahahye. Sa yero tiqiro Espiritu Santo tutuaye mehna yeahye. TopɁ ijiphtiorɁ masa tiqirore quti tiahye. <sup>15</sup>Judio masa buheye wɁhɁsepɁ Jesu gɁhɁ buhee tiahye. Sa ye ijiphtiyequina masa tiqirore quehnoano yahuducuahye.

## Nazare cjēna Jesure ne cahmedahye

(Mt 13.53-58; Mr 6.1-6)

<sup>16-17</sup>Came NazarepɁ Jesu tiqiro masariropɁta esahye. TopɁ esa, saurú ijigɁ tiqiro sa yeducuro saha judio masa tiquina buheri wɁhɁpɁ sajá sahye. TopɁ tiqiro Cohăcĵŭ yere tiquina ojoari pŭre buhero taro topɁ ducuahye. Tiqiro sa ducugŭ ihŭaŭe to cjēna pehe Cohăcĵŭ yere yahu mɁhtariqiro Isaia mɁnano tiqiro ojoari pŭre tiqirore ohoahye. Ti pŭpɁ Jesu ahri yahuyere bocaro buheahye:

<sup>18</sup>Cohăcĵŭ yaqiro Espiritu yɁhɁ mehna ijiro, yɁhɁre dutiri. Tiqiro pejesɁoyequinare quehnoaŭe buheyere yahu dutiro ohori yɁhɁre. Sa yero peresupɁ ijyequina gɁhɁre tiquinare tiqiro yɁhdɁoatire yahu dutiro ohori yɁhɁre. Caperi bajueyequina tiquina quehnoano ihŭatire ohori



(San Lucas 4.16-17)

yũhũre. Sa yero masa ñano tiquina yenhriquinare wioacjũre yũhũre ohori. <sup>19</sup>Mari puhtoro Cohãcjũ tiquiro yequinare pecapũ wahaboriquinare tiquiro yũhdũoatire yũhũre yahu dutiro ohori, ni buheahye Jesu.

<sup>20</sup>Sa ni buhe tuhasa Jesu ti pũre quehnoari tunu torẽ, wũhũ cjũnore wia tuhasa, nuju sahye. Tiquiro nuju sagũ ihñañe topũ ijieyequina ijipihtiyequina tiquiro dihitare ihñañe. <sup>21</sup>Tiquina sa yegũ tiquiro tiquinare yahu dũcahye:

—Ahri mianogãta yũhũ buhero saha Cohãcjũ tiquiro nidiro sahata waharo nine, niahye Jesu.

<sup>22</sup>Tiquiro sa nigũ tũhoye “Ahriquiro quehnoariquiro ijire”, ni tũhotuahye tiquina. Sa yeye tiquina tiquiro quehnoano yahuducugũ tũhoye, tũho maria wahahye. Sa yeye ohõ saha niahye tiquina basi:

—¿Yohnah, José macũno ijierajari ahriquiro? niahye tiquina basi.

<sup>23</sup>Tiquina sa nigũ masino Jesu yahuahye tiquinare:

—Yũhũ buheyere tũho duerana, ohõ saha ni tũhoture mũsa yũhũre: “Duturu dohatiro tiquiro basi aco ti masine duturu waro tiquiro ijiyere ihñono. Mũhũ gũhũ duturu tiquiro ye ihñono saha mũhũ nidiro saha ijigũ Cohãcjũ tutuaye mehna ye ihñõña usãre. Capernaupũre Cohãcjũ tutuaye mehna ye ihñõñohti mũhũ. Usã gũhũre sa ye ihñõña, mũhũ buheyere ‘Poto tjire’, usã niato saha”, ni duare mũsa yũhũre. <sup>24</sup>Ahrire yahutja mũsare. Cohãcjũ yere yahu mũhtariquirore tiquiro ya maca cjẽna ño peoerare. Sa yena yũhũre ño peoerare mũsa ohõpũ yũhũ masarigu ijigũ. <sup>25</sup>Sata ijiahye panopũre. Panopũ Elia tiquiro ijiri pjere ihtia cũhma ape cũhma deco waro ne acoro ahtaerahye. Sa yero ijipihtiropũta ne ihyaye mariedahye. <sup>26</sup>Ti pjere peyequina wape wiha numia Israe yehpapũ tiquina ijiepegũta Cohãcjũ Elia mũnanore tiquinare yedoho dutiro ohoerahye. Tiquiro ya macare sa ye dutieraperota ape yehpapũ Sidõ cahapũ ijiri macapũ Sarepta wame tiri maca cjõno wape wihorore yedoho dutiro Elia mũnanore ohoahye Cohãcjũ. <sup>27</sup>Came Cohãcjũ yere yahu mũhtariquiro Eliseo mũnanao tiquiro ijiri pjere Israe yehpapũ peyequina cami bũcũ mũna wiha tiquina ijiepegũta ihcãquiro Israe masũnore ne quehnoa wahagũ yerahye Eliseo mũnanao. Tiquiro ya yehpa cjẽnare yeraperota Naamán wame tiriquiro Siria yehpa cjũno dihitare quehnoa wahagũ yeahye tiquiro. Sa yero Israe masare yedohoeraro, Israe masa ijieyequina pehere yedohoahye Cohãcjũ, niahye Jesu tiquinare.

<sup>28</sup>Tiquiro sa nigũ tũhoye ijipihtiyequina ti wũhũpũ ijieyequina usua yũhdũa wahahye. <sup>29</sup>Sa yeye tiquina wahcãdũca, Jesure ne wijia, ti maca dũhtũ cahapũ ijiri cũnũpũ tiquirore tudoque dijio duamahye. <sup>30</sup>Tiquina sa ye duepegũta Jesu tiquina watoata wahaa wahahye.

### Watĩnore cũoriquiro Jesure piti cahye

(Mr 1.21-28)

<sup>31</sup>Came Jesu Galilea yehpapũ ijiri macapũ Caperna wame tiri macapũ esa, saurũ ijigũ masare buheahye. <sup>32</sup>Quehnoano masi pehoriquiro tiquiro



buegũ tuhoye masa tuho maria wahahye. <sup>33</sup>Ti wũhũpũ watĩnore cœoriqiro ijiahye. Tutuaro sañuducuahye:

<sup>34</sup>—Mũhũ Jesu Nazare cjũ usãre cariboeracãhña mũhũ. ¿Dũhse yegũ tagũ nijari usãre? ¿Mũhũ usãre butigũ yegũ tagũ nijari? Cohãcjũ macũ, quehnoagũ mũhũ ijigũ yũhũ masiaja, ni sañuducuahye Jesure.

<sup>35</sup>Tiquiro sa nigũ tuhororo Jesu tuhtiahye watĩnore:

—Dihta mariahña. Duhuya tiquirore, niahye Jesu.

Tiquiro sa nidi bato masũnore watĩno pehe yehpapũ doque quehe sa tunugũ yeahye. Tiquiro sa yeri bato tiquiro pehe quehnoa wahahye.

<sup>36</sup>Topũ ijieyquina ijipihtieyquina tiquiro sa wahagũ ihñañe, ihña maria wahahye. Sa ye tiquina basi ohõ saha ni yahuducuahye:

—¿Yabe boro buheye ijijari ahri sa wahagũ yeye? Yohnah. Tutuaro mehna pũhtoro yero saha ahriqiro watĩare dutire. Sa yeye tiquiro dutiro sahata tiquina masare duhure, ni yahuducuahye tiquina basi.

<sup>37</sup>Tiquiro sa yegũ ihñañe ti yehpapũ ijipihtiropũ masa Jesure quitĩ dahreahye.

### **Jesu Simo Pedro mareonore dutire yũhdũoahye**

*(Mt 8.14-15; Mr 1.29-31)*

<sup>38</sup>Judio masa tiquina buheri wũhũre wijia, Simo ya wũhũpũ sajã sahye Jesu. Topũ Simo mareono dohatiro niahye. Tutuaro ujuaye tiahye. Sa ye tiquina ticoro dohatigũ yahuahye Jesure. <sup>39</sup>Tiquina yahuri bato tiquiro ticoro cahapũ esa, ujuayere suru dutiahye. Tiquiro sa suru dutiri bato ticorore ujuaye surua waha, duita quehnoa wahahye. Ticoro sa waharo wahcã nuju sa, ticorota tiquinare ihyayere peoahye.

### **Peyequina dohatiyequinare yũhdũoahye Jesu**

*(Mt 8.16-17; Mr 1.32-34)*

<sup>40</sup>Asũ sajãri bato ijipihtieyquina masa tiquiro cahapũ ijieyquina dohatiyequinare Jesu cahapũ ne sahye. Dohatiyequina peyequina sijoro saha ijieye dohatiyere cœoahye. Sa yero Jesu tiquiro omocari mehna tiquina bui ña peo, ijipihtieyquinare tiquina dohatiyere quehnoano yũhdũoahye.

<sup>41</sup>Watĩa gũhũre Jesu duhu dutigũ tiquina duhuye sañuducuahye:

—Mũhũ potota Cohãcjũ macũ ijire, niahye tiquina Jesure.

Jesu Cohãcjũ ohoriquiro tiquiro Cristo ijigũ watĩa masiahye. Sa yero Jesu tiquinare yahuducu dutierahye, “ ‘Cristo ijire’, ni yahu siteari”, nino.

### **Galilea yehpapũ buheahye Jesu**

*(Mr 1.35-39)*

<sup>42</sup>Bohrea mũja tagũ Jesu ti macapũ ijiriquiro waha, masa marienopũ esahye. Tiquiro sa esari bato masa tiquirore maca cã, boca saye, ohõ saha niahye:

—Usã ya macapũ tojoaya usã mehna. Ape sie wahaeguta, nimahye tiquina Jesure.

<sup>43</sup>Tiquina sa niepegūta tiquiro pehe ohō saha ni yūhtiahye:

—Cohācjū tiquiro pūhtoro ijiyere quehnoañe buheyere apeye macaripū gūhūre buhe duaja yūhū. Cohācjū yūhūre ohoi tire yahuacjūre, niahye Jesu tiquinare.

<sup>44</sup>Sa yero Judea yehparū ijiye wūhūserū, judio masa tiquina buheye wūhūserū tiquiro buhe tiniahye.

**Jesu tiquiro buheyequinare peyequina wahi wejēgū yeahye**

*(Mt 4.18-22; Mr 1.16-20)*

**5** <sup>1</sup>Ape deco Jesu Genesare wame tiri ditara dūhtū caharū esahye. Topū tiquiro ijiḡ ihñañe peyequina masa Cohācjū yere tūho duaye tiquirore nūnū tā sahye. Quehnoano wahpa dūca saa wahahye masa pari. <sup>2</sup>Pūa yucūsa padūropū pahsaye yucūsarire Jesu ihñahye. Ti yucūsari cjēna yohyeyequina maja sadūca, tiquina wēñecjūre coseye niahye. <sup>3</sup>Sa yero Jesu Simo yariarū sajāhye. Sajā tuhāsa tia yucū sare dia dūhtū caharū cuñariare weje buho dutiahye. Sa yero yucūsarū duji, masare buheahye. <sup>4</sup>Buhe tuhāsa, Jesu Simore ohō saha niahye:

—Deco cjūnogā tu wioya. Sa yena mūhū mehna cjēna mehna mūsa wēñecjūre doque ñoña wahi ñeheanaja, niahye Jesu.

<sup>5</sup>Tiquiro sa nigū tūhoro Simo Jesure yūhtiahye:

—Pūhto, wahi wejē bohreami ūsā mia ñamine. Bohreepenata ne ihcāquirogā wejēdahti ūsā. Sa wejēdapenata mūhū dutiro saha doque ño tuhunata, ni yūhtiahye Simo.

<sup>6</sup>Sa ni tuhāsa tiquina doque ñohāhye. Sa tiquina doque ñogū tiquina wēñecjūre peyequina wahi sajāhye. Peyequina tiquina sajāḡū wēñecjū tūhūna wahamahye. <sup>7</sup>Sa wahagū ihñañe aperia cjēnare tiquina mehna cjēnare pijioahye.

—Mūsa gūhū yedohona ahtaya ūsāre, ni pijioahye Simo gūhū.

Tiquina sa yedohori bato pūaria yucūsa quehnoano miniparo bocahye wahire. <sup>8</sup>Simo Pedro sa wahi peyequina tiquina sajāḡū ihñano, Jesu caharū dūsepe curi mehna quehe sa, tiquirore niahye:

—Yūhū pūhto, mūhū mehna ijibogū ijieraja yūhū. Ņagū ijiaja yūhū. Sa yegū yūhūre duhuya, niahye Simo Jesure.

<sup>9</sup>Tiquiro, ijipihtiyequina tiquiro mehna cjēna gūhū peyequina wahi sajāḡū ihñañe, ihña maria wahahye tiquina gūhū. <sup>10</sup>Pūaro Simo mehna cjēna Zebedeo pohne Santiago, tiquiro bahūro Ņu mehna, tiquina gūhū ihña maria wahahye. Tiquina sa ihña mariagū ihñano Jesu Pedrore yahuahye:

—Ihña mariedacāhña. Yojobūre mūhū wahire ñehe cahmecoagū mūhū ijiro saha Cohācjū yequina ijiatiquinare piji cahmecoagū ijigūta mūhū, niahye Jesu Simore.

<sup>11</sup>Tiquiro sa nidi bato tiquina yucūsarire ditara dūhtū caharū weje mo cū cā, tiquina ye ijipihtiyere topūta cū cā, Jesu mehna wahāa wahahye.

**Jesu cami b̄c̄u m̄na wihirore cami yatiḡu yeahye**

*(Mt 8.1-4; Mr 1.40-45)*

<sup>12</sup>Jesu ape macap̄u tiquiro ijiḡu cami b̄c̄u m̄na wihiro tiquirore piti cahye. Sa piti caro tiquiro Jesure ih̄na, d̄sepe curi mehna quehe sa, tutuaro siniahye:

—P̄hto, m̄hu ȳh̄re ȳhd̄o duaḡu ȳhd̄o, ni siniahye.

<sup>13</sup>Tiquiro sa nidi bato Jesu tiquirore ña peoro oh̄o saha niahye:

—Tire ye duaja. Yojoꝛ̄p̄u quehnoaḡu ijiya m̄hu, niahye.

Tiquiro sa niḡuta tiquiro cami ahbari yatia wahahye. <sup>14</sup>Sa yero Jesu tiquirore dutiahye:

—Ahri ȳh̄u oh̄o saha yerire apequinare yahuerac̄h̄na. Pahi cahap̄u wahaya yojoꝛ̄p̄ure. Sa yeḡu m̄hu paḡure quehnoari paḡu waharire ih̄ñoña tiquirore. Coh̄c̄j̄u dutiye Moiser̄e tiquiro c̄uri nidiro saha yeya. Sa yeḡu pahire p̄aro minic̄j̄are ohoya m̄hu cami ȳhd̄urire ijipih̄tequinare ih̄hoḡu t̄hu, niahye cami b̄c̄u m̄na c̄uomediquire.

<sup>15</sup>“Yahuerac̄h̄na”, tiquiro sa niepeḡuta ijipih̄tirop̄u masa Jesure quiti dahre nemoahye. Tiquina sa quiti dahreḡu t̄hoye masa peyequina tiquiro cahap̄u esahye. Dohatiyequina ȳhd̄u duaye, tiquina ḡhu tiquiro cahap̄u esahye.

<sup>16</sup>Tiquina sa esaep̄eḡuta Jesu masa marienop̄u Coh̄c̄j̄ure sinino wahaa wahahye.

**Jesu tini masieniquirore ȳhd̄oahye**

*(Mt 9.1-8; Mr 2.1-12)*

<sup>17</sup>Ape deco Jesu buheḡu fariseo masa, judio masare buheyequina ḡhu top̄u dujiahye. Tiquina peye macari Galileap̄u ijiye macari c̄j̄ena, Judeap̄u ijiye macari c̄j̄ena, Jerusal̄e c̄j̄ena ijiahye. Sa yero Jesu Coh̄c̄j̄u tutuaye mehna dohatiyequinare ȳhd̄oahye. <sup>18</sup>Meheñequinaḡa m̄na tini masieniquirore tiquiro cuñari cahsero mehna yo w̄na wihiahye. Sa yeye tiquirore Jesu cahap̄u c̄u duaye, w̄h̄p̄u yo saj̄a duamahye tiquina tiquirore. <sup>19</sup>Sa saj̄a duepeta masa peyequina ijiḡu tiquina tiquirore yo saj̄a masiedahye. Sa yeye tiquirore w̄h̄u buip̄u yo m̄jahye. Yo m̄ja sa, mehenoḡa p̄o we, ti cop̄ep̄u tini masieniquirore tiquiro cuñari cahsero mehna duhu dijioahye Jesu cahap̄u ijiequina watoa. <sup>20</sup>“Jesu ahriquire tiquiro dohatiyere ȳhd̄uḡu yerota”, ni t̄hotuahye tiquina. Tiquina sa ni t̄hotuḡu masino Coh̄c̄j̄ure tiquina wac̄u tutuayere masino, Jesu tini masieniquirore oh̄o saha ni yahuahye:

—Ȳh̄u acaȳu, m̄hu ñañe yeyere ȳh̄u coh̄a tuhasa, niahye Jesu tiquirore.

<sup>21</sup>Tiquiro sa niḡu t̄hoye fariseo masa, judio masare buheyequina ḡhu tiquina basi oh̄o saha ni t̄hotumahye: “Ahriquire sa ni yahuducuerac̄h̄do. Mas̄no mari yero saha ijiro, tiquiro ñañe yeyere coh̄a masiedare. Coh̄c̄j̄u dihita masa tiquina ñañe yeyere coh̄a masine”, ni, t̄hotumahye tiquina.

<sup>22</sup>Jesu tiquina t̄hotuyere masino, oh̄o saha niahye:

—¿D̄h̄se yena sa ni t̄hotuajari m̄sa? <sup>23</sup>“M̄hu ñañe yeyere ȳh̄u coh̄a tuhasaja”, ȳh̄u niḡu, “Ni mehoḡu ijire”, ȳh̄re nine m̄sa

quehnoano masiedapenata. “Wahcādūca wahaya”, yūhū nigū tiquiro tinigū ihñana yūhū nidi poto ijigū duita masinata. <sup>24</sup>Yūhū masū Cohācjū ohorigū ahri yehpapū ñañe yeyere cohā masiaja yūhū. Masa tiquina ñañe yeyere cohācjūre cūri Cohācjū yūhūre. Yūhū sa cohārire mūsa masiato saha ohō saha ye ihñoutja mūsa ihñatire, niahye Jesu.

Sa ni tuhasa tini masieniquirote ohō saha niahye:

—Mūhūre niita niaja. Wahcādūcaya. Mūhū cuñari cahserore ne cāhña mūhū ya wūhūpū, niahye tiquirote.

<sup>25</sup>Tiquiro sa nigū tūhorota ijipihtiyequina tiquina ihñonopū wahcādūca, tiquiro cuñari cahserore ne, tiquiro ya wūhūpū tojoa wahahye. Sa waharo tiquiro Cohācjūre ño peoro, bucueye mehna quehnoano yahuducuahye. <sup>26</sup>Tiquiro sa yegū ihñañe masa pehe ijipihtiyequina ihña maria wahahye. Tiquina ihña maria waha, Cohācjūre ño peoye, bucueye mehna quehnoano yahuducuahye:

—Miare sijoro saha ijiyere ihñañ mari, niahye tiquina.

### **Jesu Levíre pijiahye**

*(Mt 9.9-13; Mr 2.13-17)*

<sup>27</sup>Sa ye tuhasa waha, Leví wame tiriqirote tiquiro dahrari tucūpū ijiriqirote boca sahye Jesu. Leví pehe pūhtoa ye ijiatire masare wapa ne cohteriquiro ijiyahye. Sa boca saro tiquirote ohō saha niahye:

—Yūhū mehna cjū ijiacjū ahtaya, niahye tiquiro Levíre.

<sup>28</sup>Tiquiro sa nigū Leví pehe ijipihtiye tiquiro dahrayere duhu cā, Jesu mehna wahaa wahahye.

<sup>29</sup>Came Leví ya wūhūpū Jesu ya bose deco yeye niahye. Topū peyequina wapa ne cohteyequina, apequina Leví gūhū mehna dujiyahye.

<sup>30</sup>Tiquina mehna Jesu gūhū dujigū ihñañe meheñequinagā fariseo masa, judio masare buheyequina mehna usua, Jesu buheyequinare sinituahye.

—¿Dūhsena ñano yeyequina, wapa ne cohteyequina mehna ihyajari mūsa? ni tuhtiahye tiquina.

<sup>31</sup>Tiquina sa nigū tūhoro Jesu yūhtiahye tiquinare. Ohō saha ni queoye mehna buheahye:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. <sup>32</sup>Sa yegū ñañequina dihitaré tiquina ñañene būjūa witi dutigū, quehnoañe pehere comesagū yegū tūhū nii yūhū. Tiquina basi “Quehnoana ijiaja ūsā”, ni tūhotuyequinare yedohogū ahtaerū yūhū, niahye Jesu.

### **Sijiyere Jesure sinituahye apequina**

*(Mt 9.14-17; Mr 2.18-22)*

<sup>33</sup>Sa yeye meheñequinagā masa Jesure ohō saha ni sinituahye:

—Ñu buheyequina peye tahari Cohācjūre ño peoye tehe, sijire. Sa yeye, tiquina peye tahari Cohācjūre sinine. Fariseo buheyequina gūhū tiquina yero saha yere.

Tiquina sa yepegũta mũhũ buheyequina pehe ihya, sihnine. Sa ye Cohãcjũre ño peoye tehe, sijierare. ¿Dũhse yeye sa yerajari tiquina? niahye tiquina Jesure.

<sup>34</sup>Tiquina sa nigũ Jesu tiquiro tũhotuye mehna quiti dahre buhero taro tiquinare ohõ saha ni yũhtiahye:

—Ohõ saha ijire ti: Omoca dũhteropũ tiquina pijioriquina omoca dũhteriquiro mehna ijiye, siji masiedare. Sata yũhũ buheyequina gũhũ yũhũ mehna ijiye, siji masiedare. Yũhũ omoca dũhteriquiro yero saha ijijaja. Omoca dũhteriquiro bose deco tiquiro yegũ tiquiro mehna cjẽna ihyeyequina ijierare. <sup>35</sup>Yũhũ Pacũ Cohãcjũ yũhũre tiquiro nedi bato pũritare yũhũ buheyequina mehna ijisi yũhũ. Sa yeye ti pjerũta yũhũ buheyequina gũhũ sijieta, niahye Jesu.

<sup>36</sup>Panopũ cjẽ buheye wahma buheye mehna tiquina buhe more duagũ ihũano ohõ saha ni nemoahye Jesu tiquinare queoye mehna buhero.

—Ne wahma suhtirore meheni cahserogã tũhrẽ ne, mũna suhtirore sere ohõno cahmedare. Mari sa sere ohõna wahma cahserore tũhrẽ cohãna njaja. Sa yero wahma cahsero mũna suhtiro mehna ihcãno saha bajuerare. <sup>37</sup>Sa yena ne ùhse co bisiye core wahiquiro cahsero ajuropũre mũna ajuropũre pose yero cahmedare. Sa yegũ ùhse co bisiye pahmuñepũ mũna ajurore tũhrẽ cãhre. Sa tũhnũgũ ùhse co gũhũ, ajuro gũhũ cohãa wahare. <sup>38</sup>Sa yena ùhse co wahma core wahma ajuropũ pose yero cahmene. (Sata wahma buheye mũna buheye mehna buhe moredaro cahmene.) <sup>39</sup>Mũna core masa tiquina sihnidi bato, wahma core cahmedare tiquina. Ohõ saha nine masa. “Mũna co wahma co bui cjũnogã quehnoañe ijire”, nine masa, niahye Jesu tiquinare.

### Judio masa tiquina sori decore trigore peheahye Jesu buheyequina (Mt 12.1-8; Mr 2.23-28)

**6** <sup>1</sup>Ape deco saurũ ijigũ Jesu gũhũ trigo wesepũ esahye. Topũ esa, tiquiro buheyequina pehe trigo parorire pehe, ti pjerire sahquẽ site dijio, ti pjerire ihya cã wahaah wahahye tiquina. <sup>2</sup>Tiquina sa yegũ ihũañe meheñequinagã fariseo masa tiquinare sinituahye:

—¿Dũhse yena mũsa saurũ mari sori deco ijiepegũta Cohãcjũ tiquiro dutierari decore dahrajari mũsa? niahye fariseo masa.

Tiquina sa nigũ tũhoro Jesu tiquinare yũhtiahye “Yũhũ buheyequina yũhdũdũcaye niedare”, nino taro:

<sup>3-4</sup>—Davi mũnanano tiquiro mehna cjẽna mehna ùjũa ahbaro, Cohãcjũ wũhũpũ sajã, Cohãcjũ ye pãre ihyahye. Sa ihyaro tiquiro mehna cjẽna gũhũre ti pãre ihya dutiro ohoahye. Ti pãre pahia dihita ihyae tiahye. Cohãcjũ dutiye ti pãre apequinare ihya dutierare. ¿Davi mũnanano tire tiquiro yerire buherari mũsa? (Ti pãre ihyaro Cohãcjũre yũhdũdũcaro niedahye. Miare ahri pjerire ihyaye yũhũ buheyequina gũhũ Cohãcjũre yũhdũdũcaye niedare.) <sup>5</sup>Yũhũ masũ Cohãcjũ ohorigũ ahri deco saurũ decore masa tiquina yeatire yahugũ ijigũ pũhto ijijaja, niahye Jesu.

### Omoca bħhariquiro quitu

(Mt 12.9-14; Mr 3.1-6)

<sup>6</sup>Ape deco saurú ijigũ Jesu judio masa tiquina buheri wũhũrũ sajã saro, buheahye masare. Topũ omoca poto pehe bħhariquiro ijiahye. <sup>7</sup>Meheñequinagã judio masare buheyequina, fariseo masa gũhũ Jesure yahusã duamahye. “Saurú decore masunore dohatiyere yũhdũoboaga Jesu”, ni, ihña nũnũ yahusã duamahye tiquina Jesure. <sup>8</sup>Jesu tiquina tũhotuyere masino, omoca bħhariquirore ohõ saha niahye:

—Wahcãdũcaya. Ohõpũ ahtaya, niahye tiquiro.

Tiquiro sa nidi bato omoca bħhariquiro pehe wahcãdũca, topũ ducuahye. <sup>9</sup>Sa yero Jesu tiquinare sinituahye.

—Mũsare sinitutja: ¿Saurú ijigũ yabere ye dutiajari Cohãcjũ dutiye? ¿Quehnoañene yegũ quehnoaedajari? ¿Ñañene yegũ pehere quehnoaboagari, mũa tũhotugũ? Saurú ijigũ masunore masogũ quehnoarĩne. Saurú ijigũ masunore wejẽgũ pehere quehnoaedare. Ñarĩne, niahye Jesu tiquinare.

<sup>10</sup>Sa nino Jesu tiquinare ijipihtiyequinare ihñadoqueo, omoca bħhariquirore ohõ saha niahye tja:

—Mũhũ omocare siõ potoya, niahye tiquiro.

Tiquiro sa nigũta omoca bħhariquiro pehe siõ potogũta, omoca quehnoa wahahye. <sup>11</sup>Tiquiro sa yegũ ihñañe tiquina tiquiro mehna tutuaro usuahye.

—¿Dũhse yenatari mari ahriquirore? niahye tiquina basi.

### Jesu tiquiro buheyequinare docere tiquiro ohoatiquinare bese docoahye

(Mt 10.1-4; Mr 3.13-19)

<sup>12</sup>Ti decorire Jesu cũnũrũ Cohãcjũre sinino mũjaa wahahye. Topũ ijiro, ñamine Cohãcjũ mehna yahuducu bohreahye. <sup>13</sup>Bohrearopũ tiquiro buheyequinare tiquiro cahapũ pijioahye. Pijio tuhasa, tiquina mehna cjẽnare doce waro tiquiro ohoatiquinare bese docoahye. Sa ye tiquiro cũriquina wame tiahye. <sup>14-15</sup>Ahriquina ijiahye Jesu tiquiro bese docoriquina: Simo ijiahye. Simore Pedro ni pisuahye Jesu pehe. Simo bahũro Andre, Santiago, Ñũ, Felipe, Bartolomé, Mateo, Tomasu, Santiago ijiahye. Santiago pehe Alfeo macũno ijiahye. Sa ye Simo celote ya curua cjũno ijimediquiro, <sup>16</sup>Juda Santiago bahũro, Juda Iscariote tiquina ijiahye tiquiro bese docoriquina. Juda Iscariote pehe Jesure ihña tuhtiyequinare ihñootiquiro ijiahye.

### Jesu peyequina masare buheahye

(Mt 4.23-25)

<sup>17</sup>Sa ye Jesu tiquiro buheyequina mehna cũnũ buipũ ijiriquina dijia taye, peyequina apequina tiquiro buheyequina mehna dijia wihidũca, quehnoari paapũ ducuahye tiquina. Ijipihtiropũ Judea yehpapũ ijije macari cjẽna, Jerusalẽ cjẽna, Tiro wame tiri maca cjẽna, Sidõ wame tiri maca cjẽna pajiri ma dũhtũ cahapũ ijije

macari cjēna masa peyequina tiqiro cahapū wihiahye. <sup>18</sup>Tiquina Jesu buheyere tuhoye tehe, tiquina dohatiyere cohāgū cahmeahye. Watia cwoyequina gūhū tiqiro cahapū wihi, quehnoa wahahye. <sup>19</sup>Jesu tiqiro tutuaye mehna yūhdugū yeahye tiquinare. Sa ye tiquina ijipihyequina tiqirore dahra tuhuye ahtahye.

**Jesu bucueye, bājua witiye gūhure buheahye**

*(Mt 5.1-12)*

<sup>20</sup>Came Jesu tiqiro buheyequinare ihña, yahuahye:

—Musa pejesona, (musa ñañene bājua witina), Cohācjū tiqiro puhtoro ijirorū wahanata musa. Sa yena musa bucuenata.

<sup>21</sup>Yojorūre musa ūjua ahbana, yapina ijinata. Sa yena bucuenata.

Yojorū utina ijina, came musa bājūnata. Sa yena musa bucuenata.

<sup>22</sup>Yūhū masū Cohācjū ohorigū ijiaja. Sa yena yeere yena musa ijiri buhiri apequna musare tiquina ihña tuhtiepegūta bucuena ijire musa. Musare tiquina cohāiepegūta bucuenata. Musare tiquina ñano yahuducuepegūta “Ñana ijire”, musare tiquina niepegūta musa pehe bucuenata. <sup>23</sup>Musare tiquina sa yegū ihñano ūhmūserū musa esagū pajiro quehnoano yerota Cohācjū musare. Sa yena tutuaro bucuena ijia. Quehnoano jeripohna tina ijia. Musare ihña tuhtiequina tiquina acaye panorū cjēna sata ñano yeahye Cohācjū yere yahu mūhtariquina gūhure.

<sup>24</sup>“Sa yena musa yojorū peye cōna ahri yehparū musa quehnoano iji cā tuhasari. Sa yena ñano yūhdūna ijinata musa.

<sup>25</sup>Yojorū yapina musa ūjua ahbanata. Musa sa ijirina ñano yūhdūnata.

Yojorūre musa bājūrina ijina camerūre utinata. Sa yena ñano yūhdūnata.

<sup>26</sup>“Cohācjū yere yahu mūhtana ijiaja”, ni mehoñequinare “Quehnoañequina ijire”, nimahye peyequina panorū cjēna. Sa nimediquina tiquina acaye yojorū cjēna gūhū sata “Quehnoañequina ijire”, ni boaga ihquēquina musa mehna cjēnare. Tiquina sa ninohrina musa ijina ñano yūhdūnata musa gūhū, ni buheahye Jesu.

**Musare ihña tuhtiequina tiquina ijiepegūta tiquina gūhure cahña**

*(Mt 5.38-48; 7.12)*

<sup>27</sup>Sa yero ohō saha ni buhe nemoahye Jesu:

—Yūhure tuho duanare, musareta nigu niaja. Musare ihña tuhtiequina tiquina ijiepegūta tiquina gūhure cahña. Musare ihña tuhtiequinare quehnoano yeya. <sup>28</sup>Musare “Ñano yūhdūhro”, niñequina tiquina ijiepegūta quehnoa dutiya tiquinare. Musare ñano yeyequina tiquina ijiepegūta “Tiquina gūhū quehnoano ijiahro”, ni sini basaya Cohācjūre. <sup>29</sup>Ihcāquiro musa wahsupure tiqiro quēgū, ape sie gūhure quē dutiya tiqirore. Musa bui cā suhtirore tiqiro ehmagū musa camisa gūhure sa oho cāhña tiqirore. <sup>30</sup>Musare sinidiquirore tiqiro sinino punota ohoya tiqirore. Musa yere tiqiro negū tiqirore sinitueracāhña pari turi tire. <sup>31</sup>Apequna musare tiquina quehnoano yegū cahmene musa. Tiquinare musa quehnoano yegū cahmeno saha quehnoano yeya tiquina gūhure. Tiquina quehnoano yerapegūta musa pehe tiquinare quehnoano yeya.



<sup>32</sup>Musare cahĩnequina dihitare musa cahĩgũ ti ne dũhseati ijierare apequina pehere musa cahĩedagũ. Nãnequina gũhu sata yere. <sup>33</sup>Sa yena musare quehnoano yeyequina dihitare musa quehnoano yegũ ti gũhu ne dũhseati ijierare apequina pehere musa quehnoano yeragũ. Tire nãnequina gũhu yere. <sup>34</sup>Sa yero “Yũhũre wiaya tire”, musa niñequina dihitare musa wasogũ ne ti dũhseati ijierare. Nãnequina gũhu apequinare “Yũhũre wiaya tire”, tiquina niñequinare wasore. <sup>35</sup>Sa yena musa pehe musare ihña tuhtiyequina gũhũre cahĩña. Sa yena tiquinare quehnoano yeya. Apequiore wasona “Yũhũre ne wiasi ahriquiore”, ni tuhotuena tiquiore wasoya. Cohãcjũ pehe tiquiore “Quehnoare”, nieñequina gũhũre, nãnequina gũhũre quehnoano yere. Tiquiro yero saha yeya musa gũhu. Musa sa yegũ Cohãcjũ tutuaro quehnoano yerota musare. Sa yena Cohãcjũ tutua yũhdũariquiore uhmũse cjũno pohna ijinata. <sup>36</sup>Mari Pacu uhmũse cjũno tiquiro paja ihñariro sahata musa gũhu masare paja ihñaña, ni yahuahye Jesu.

**Apequina gũhũre “Nãnequina ijire”, niedacãhña**  
(Mt 7.1-5)

<sup>37</sup>Sa yero tiquinare yahu nemoahye:

—Apequinare “Nãnequina ijire”, niedacãhña musa. Musa sa niedagũ Cohãcjũ musa gũhũre “Nãna ijire”, nisi. Apequina musare tiquina ñano yerire tiquina ñano nidi gũhũre boya musa. Musa sa bogũ ihñano Cohãcjũ musa gũhũre musa ñañe yerire borota. <sup>38</sup>Apee borore cuona apequinare ohoya. Musa sa ohogũ Cohãcjũ gũhu musare ohorota. Sa ohoro quehnoano queoro musare pajiro ohorota. Quehnoano wahpa yũhdũro ohorota. Apequinare musa ohoriro punota Cohãcjũ gũhu musa gũhũre ohorota, niahye Jesu tiquinare.

<sup>39</sup>Sa ni tuhasa Jesu quti mehma buhero ohõ saha ni yahu nemoahye:

—Caperi bajueyequina sehsharo tiquina basi quehnoano tuã cã masiedare. Sa tuã cãñe, tiquina pũaropũ bora maa sajãa wahaeta coperũ. (Sata Cohãcjũ yere masieñequina apequinare buhe masiedare. Sa ye tiquina ijipihtiyequina pecarũ wahaeta.) <sup>40</sup>Buheyequina tiquinare buheriquiore masi yũhdũdũcaerare. Sa ijiepetã ijipihtiyequina buheyequina tiquina quehnoano buhe pehori bato tiquinare buheriquiro yero saha ijiepetã, niahye Jesu.

<sup>41</sup>Sa ni tuhasa apeye quti mehma yahu nemoahye:

—Mari queoye mehma buhegũ ohõ saha yena ijire musa: Musa acayũro tiquiro capearũ meheni pohcarogã tiquiore bora sajãgũ ti pohcarogãre quehnoano ihñare musa. Musa ya capearũ pajiri pji ijiepegũta ti pjine ne ihñedare musa. Meheni pohcarogãre musa ihñano saha musa acayũro tiquiro ñano yeye pehere quehnoano ihñare musa. Musa basi musa ñañene tutuaro yepenata tire masiedare musa pajiri pjine musa ihñedaro sahata. ¿Dũhse yena sa yeajari musa? <sup>42</sup>Ohõ saha nina yero saha ijire musa: “Yũhu acayũ, ñañene yegu nine mũhu. Sa yegu tire duhuya”, nina yero saha ijire musa. Sa nina ijiepenata pajiro ñañene yere musa pehe. ¿Dũhse yena musa ñañene yepenata tire masiedajari musa? Masa ihñono dihita quehnoano iji mehona ijire musa sa yena. Pajiri pjine

musa capeapu ijiri pjine musa ne muntaboriro saha musa ñano yeye pehere duhu muntaña. Musa sa yeri bato musa acayuro tiquiro ñano yeyere duhugü ye masiboaga meheni pohcarogãre musa neboriro saha, ni bueahye Jesu.

**Masa yahuducuyere tũhona tiquina ijeye tiyere masiaja mari**

*(Mt 7.17-20; 12.34-35)*

<sup>43</sup>Sa yero queoye mehna buhero ohõ saha ni yahu nemoahye tiquire:

—Quehnoadu yucugü ñañene dũca tierare. Sa yero ñadu quehnoañene dũca tierare. <sup>44</sup>Yucu dũcare masina tũre masine musa. Potagũ higuera pacare dũca tierare. Sa yero pota bucugũ uhse tõhorine dũca tierare. <sup>45</sup>Sata ijire masa gũhũ. Quehnoariquiro tiquiro tũhotuyepũ quehnoañene ijire. Sa yero tiquiro quehnoañene yere quehnoadu quehnoañene dũca tiro saha. Ñariquiro tiquiro tũhotuyepũre ñañene ijire. Sa yero tiquiro ñañene yere ñadu ñañene dũca tiro saha. Mari tũhotuyepũ marine ti ijiro saha yahuducujaja mari, ni yahuahye Jesu.

**Pua wũhũ yeyequina quitire yahuahye Jesu**

*(Mt 7.24-27)*

<sup>46</sup>Sa yero tiquire yahu nemoahye:

—Musa yũhũre “Puhto”, nine. Sa niepenata yũhũ dutiye pehere yerare musa. ¿Dũhse ijiro boro sa yerajari? <sup>47</sup>Ijipihtiyequina yũhũre cahmeñequina yũhũ yahuyere tũhore. Sa yeye yũhũ dutiyere yũhdũdũcaerare. Ohõ sahata ijire yũhũre yũhdũdũcaeyequina: <sup>48</sup>Wũhũ dahreriquiro yero saha ijire tiquina. Tiquiro uhcuãñe coperire sehe, wũhũre doco dũcare. Ti wũhũ quehnoano tiquiro yeri wũhũ ijiro dia minigũ tutuaro aco tutuepegũta ti wũhũ quehnoano tojoare. <sup>49</sup>Sa yeye yũhũ dutiyere tũhoepeta yũhdũdũcayequina pehe wũhũre quehnoano yerariquiro yero saha ijire. Ti wũhũre buigã doco, quehnoano ye dũcaerare. Tiquiro sa yeri wũhũ ijiro dia minigũ aco tutuagũ duita ti wũhũ cohõ burũa wahare. Sa yero ti wũhũ tutuaro bora quehea wahare, niahye Jesu.

**Surara pũhtoro cahacjũnore tiquiro dohatigũ Jesu yũhdũoahye tiquire**

*(Mt 8.5-13)*

**7** <sup>1</sup>Ti quitire masare yahu tuhasa Jesu gũhũ Capernaupũ esahye. <sup>2</sup>Topũ ijiriquiro cien surara pũhtoro tiquiro cahacjũnore tutuaro cahĩahye. Tiquiro cahacjũno pehe tutuaro dohatiro, yariaropũ niahye. <sup>3</sup>Sa yero Jesu yeyere tũhoro, judio masa bucũnare Jesu cahapũ ohoahye pũhtoro pehe.

—Dohatiriquirore yũhdũogũ ahtaya, ni, yahu dutiro bucũnare ohoahye pũhtoro.

<sup>4</sup>Tiquina Jesu cahapũ esa, ohõ saha ni tutuaro mehna yahuahye tiquire:

—Surara pũhtoro usãre ohori. Tiquiro cahacjũnore dohatiriquirore yũhdũgũ cahmedi tiquiro. Tiquiro pũhtoro pehe quehnoariquiro ijire. Tiquiro sa ijigũ yedohoya tiquire. <sup>5</sup>Mari ya maca cjẽnare tiquiro cahĩne. Sa yero tiquiro usã buheri wũhũre tiquina yeri wapare wapa yere, niahye bucũna Jesure.

<sup>6</sup>Tiquina sa ni yahugũ tũhoro Jesu pehe tiquina mehna wahahye. Surara pũhtoro ya wũhu cahagãpũ tiquiro esagũ pũhtoro pehe tiquiro mehna cjẽnare Jesure ohõ saha ni yahu dutiro ohoahye:

—Pũhto, quehnoanota. Ahtaeracãhña. Quehnoagu ijieraja yũhu. Ya wũhũpũ mũhũre sajã ta dutibogu ijieraja yũhu. <sup>7</sup>Sa yegu mũhu cahapũ wahaeraja. Yũhu sa ijiepegũta mũhu masiñe mehna yũhdũ dutiya mũhu tiquirore. Mũhu sa yegũ yũhu cahacjũno quehnoanota. <sup>8</sup>Yũhũre yũhu bui ijiyequina apequina pũhtoa dutire. Sa yegu yũhu gũhu surarare dutiaja. Ihcãquirore “Wahaya”, yũhu nigũ tiquiro wahare. Apequirore “Ahtaya”, yũhu nigũ tiquiro ahtare. Yũhu cahacjũnore “Ahrire yeya”, yũhu nigũ tũre tiquiro yere. Mũhu gũhu dutigũta ijire. Sa yero mũhu dutiro saha tiquiro dohatiriquiro yũhdũrota, ni yahu dutiahye surara pũhtoro.

<sup>9</sup>Tiquiro sa nigũ tũho maria waharo, peyequina masa tiquiro mehna ijiyequinare majaredũca sa, yahuahye:

—Mũsare niita niaja. Tiquiro surara pũhtoro Israe masũno ijieriquiro Cohãcjũre tutuaro wacũ tutuare. Tiquiro cahacjũnore yũhu yũhdũgũ yeatire masi tuhasare. Israe masare ne ahriquiroro yero saha ijiyequinare ihñeda tũru yũhu, niahye Jesu.

<sup>10</sup>Tiquiro sa nidi bato surara pũhtoro Jesu cahapũ tiquiro ohoriquina tiquina pũhtoro ya wũhũpũ tojoaa wahahye. Tojoa sa dohatiriquiro yũhdũriquirorpũre ihñahye tiquina.

### Jesu wape wihoro macũnore masoahye

<sup>11</sup>Came cjũnogã Nai wame tiri macapũ Jesu tiquiro buheyequina mehna peyequina masa mehna wahahye. <sup>12</sup>Ti macare sajãri sopecaha cahapũ tiquiro esagũ yariariquirore masa ne wijia taye niahye. Yariariquiro pacoro wape wihoro ijiahye. Ihcãquirota ijiriquiro yariahye. Sa ye to cjẽna masa peyequina ticoro mehna wahahye. <sup>13</sup>Tiquina sa wahagũ ihñano Jesu ticorore paja ihñahye.

—Utieracãhña, niahye Jesu ticorore.

<sup>14</sup>Sa nino yariariquiro tiquiro masa putire ña peoahye. Tiquiro sa ña peogũ ihñañe ti putire wũayequina pehe esadũcahye.

—Macũ, yũhu mũhũre ohõ saha niaja. Wahcã nujuña, niahye Jesu.

<sup>15</sup>Tiquiro sa nidi bato yariariquiro mũnano wahcã nuju, yahuducuahye. Sa yero Jesu tiquirore tiquiro pacorore wiahye. <sup>16</sup>Tiquiro sa yegũ ihñañe tiquina ijipihyequina cuea wahahye. Sa yeye tiquina Cohãcjũre ño peo, ohõ saha niahye:

—Cohãcjũ yere yahu mũhtariquiro masi yũhdũariquiro yojopũ pũritare mari watoa ijire, niahye tiquina.

—Cohãcjũ marine tiquiro yequinare yedohoro wihi tuhasare, niahye apequina.

<sup>17</sup>Sa yeye ijipihyequina Judea yehpa cjẽnare ti yehpa dũhtũ cahapũ ijiye macari cjẽnare Jesu yerire masa yahu site pehoahye.

**Ñu wame yeriquiro tiquiro buheyequinare Jesure sinitu dutiahye**  
(Mt 11.2-19)

18 Sa ye Jesu yerire ihñañe Ñure yahuahye tiquiro buheyequina. Sa tiquina yahugũ tũhoro pũarore tiquiro cahapũ pijio, 19 Jesure sinitu dutiro ohoahye Ñu. Ohõ saha ni sinitu dutiahye:

—¿Ñu “Yũhũ bato apequiro ahtarota”, tiquiro nidigũta ijajari mũhũ? ¿Tiquiro nidigũ mũhũ ijieragũ apequirore cohtenatarĩ usã? ni sinitu dutiahye Ñu pũaro tiquiro buheyequinare.

20 Sa ye tiquina Jesu cahapũ esa, sinituahye tiquirore:

—Ñu wame yeriquiro mũhũre sinitu dutiro ohori usãre. ¿Ñu “Yũhũ bato apequiro ahtarota”, tiquiro nidigũta ijajari mũhũ? ¿Tiquiro nidigũ mũhũ ijieragũ apequirore cohtenatarĩ usã? ni sinituahye tiquina Jesure.

21 Ti pjeta peyequina dohatieyquinare, watĩa cũoyequinare, caperi bajueyequinare yũhdũgũ yeahye Jesu. 22 Sa yero Ñu ohoriquinare Jesu yũhtiahye:

—Yojopũre mũsa ihñarire mũsa tũhorire Ñure yahuna wahaya: Ohõ saha niñã: “Caperi bajueyequina ihñare. Tini masieñequina tinine. Cami ahbariquina quehnoa wahare. Tũhoerariquina tũhoa wahare. Yariariquina masaa wahare. Tiquina ijipihtieyquinare quehnoa wahagũ yei yũhũ. Sa yegũ pejesũoyequinare quehnoañe buheyere yahuaja. 23 Yũhũre tũhoriquiro ‘Poto ijire’, nidiquiro tiquiro bucueriquiro ijire”, Ñure ni yahuna wahaya, niahye Jesu.

24 Ñu buheyequina tiquina wahari bato Jesu pehe Ñu tiquiro ijiye tiyere yahu dũcahye peyequina masare:

—Masa marienopũ esana, taare wiñnono wẽdoqueo mũjagũ ihñana eserari mũsa. 25 “Quehnoañe suhti sañariquirore ihñana wahauhna”, niedari mũsa masa marienopũ wahana. Quehnoañe suhti sañañequina wapa bũjũyere cũoyequina pũhtoia ye wũhusepũ ijire. Masa marienopũ ijierare.

26 Masa marienopũ esana Cohãcjũ yere yahu mũhtariquirore ihñana esari mũsa. Ijirota ijire. Ñu Cohãcjũ yere yahu mũhtariquiro ijire. Apequina Cohãcjũ yere yahu mũhtariquina yũhdũoro ijiriquiro ijire tiquiro pehe.

27 Panopũ Cohãcjũ yere tiquina ojoari pũpũ Ñure ohõ saha ni yahuahye:

Mari Pacũ tiquiro macũnore ohõ saha niahye: “Mũhũ pano mũhũre yahuyuatiquirore ohogũtja. Mũhũ wihiatore quehnoyurota tiquiro”, niahye Cohãcjũ, ni ojoahye panopũre Ñure.

28 Mũsare poto niita niaja. Apequina masa ijipihtieyquina bui ijire Ñu. Ahri decoripũre tiquiro sa ijiepegũta Cohãcjũ tiquiro pũhtoro ijioropũre ijipihtieyquina docapũ ijiriquiro pũrita Ñu bui ijire, niahye Jesu masare.

29 Tiquiro sa nigũ tũhoye ijipihtieyquina masa, wapa ne cohteyequina mehna Ñu tiquiro wame yenohriquina ijiye ohõ saha ni tũhotuahye Cohãcjũre. “Cohãcjũ poto yeriquiro ijire”, ni tũhotuahye tiquina. 30 Fariseo masa pehe, judio masare buheyequina gũhũ Ñu wame yenohriquina iji duerahye. Sa ye tiquinare Cohãcjũ yequina tiquiro ye duagũ cahmedahye tiquina.

<sup>31</sup> Sa yero Jesu pari turi yahuahye:

—¿Yojopu cjená masa disequina yero saha ijiajari tiquina, mûsa tûhotugû?  
<sup>32</sup> Tiquina macanagã yero saha ijire. Apequina tiquina cahmeno saha yeragû bucuere tiquinagã. Doeri cjê duaropu apepe dujiye, ohõ saha ni pisuducure tiquinagã basi: “Mûsa basatire usã putipemi. ¿Dûhsena mûsa basaerari usã putipegû? Usã tutuaro ñehe quea utipe, sañuducumi. ¿Mûsa pehe dûhsena usã mehna utiperari?” niducuyequina yero sahata ijire yojopu cjená gûhu. Yojopu cjená tiquina cahmeno saha usã yeragû ihñañe bucuere tiquina gûhu. <sup>33</sup> Ñu wame yeriquiro Cohãcjûre ño peoro taro sijiro, vinore sihniedare. Tiquiro sa sihniedagû ihñana, “Watînore cûore. Sa yero tûho masieniquiro ijire”, nîmedi mûsa tiquirore. <sup>34</sup> Yûhu masû Cohãcjû ohorigu ijigu, yûhu ihya sihniaja. Yûhu sa yegû ihñana ohõ saha nine mûsa yûhu pehere. “Thñaña. Ahriquiri pajiro ihyariquiri, queheriquiro ijire. Wapa ne cohteyequina, ñano yeyequina gûhu tiquina mehna piti tiriquiri ijire tiquiro”, nine mûsa yûhure. Sa nina macanagã yero saha yahuducuna ijire mûsa. Mûsa cahmeno saha usã yeragû bucuere mûsa. <sup>35</sup> Sa masiedapenata usã ye ihñorire ihñana, Cohãcjû yere usã masigû masinata mûsa, ni yahuahye Jesu.

#### **Simo wame tiriquiri fariseo masuno ya wûhuru ijiahye Jesu**

<sup>36</sup> Fariseo masuno tiquiro ya wûhuru ihya dutiro pijiahye Jesure. Tiquiro sa pijigû Jesu tiquiro ya wûhuru esa, tiquina ihyari mesa caharu nuju sahye. <sup>37-38</sup> Ti macarure ñañe yericoro ijiahye. Jesu fariseo masuno ya wûhuru tiquiro dujigû ticoro tûhoahye. Sa tûhoro alabastro mehna yeriare ehme sitiye pose tiriare ne cãhta, Jesu behero peheru wihiduca, utiahye. Sa utiro, Jesu dahpocãrine ticoro yahco co mehna weo, ticoro poari mehna wûhoahye. Tiquiro dahpocãri wûagû ihñano ticoro tiquiro dahpocãrine ihmi, ehme sitiye mehna pio peoahye. <sup>39</sup> Ticoro sa yegû ihñano fariseo masuno Jesure pijiriquiro tiquiro basi ohõ saha ni tûhotumahye: “Ahricoro tiquirore ñehe tuhuricoro ñañe yericoro ijire. Ahriquiri Jesu Cohãcjû yere yahu mûhtariquiri ijiro tire masiboaga”, ni, tûhotumahye. <sup>40</sup> Tiquiro sa ni tûhotuyere masino Jesu yahuahye tiquirore:

—Simo, yojopu pûritare mûhure yahu duaja, niahye Jesu.

—¿Buhegu, yûhure dûhse ni yahu duajari mûhu? niahye Simo.

<sup>41</sup> Tiquiro sa nigû Jesu ohõ saha ni queoye mehna buhe yahuahye:

—Pûhtorore pûaro wapamoñequina ijiahye. Ihcãquiri wapamoriquiri quinientos niñeru cjoerire wapamoahye. Apequiri pehe cincuenta niñeru cjoerire wapamoahye. <sup>42</sup> Sa ye tire tiquina wapa ye masiedagû ihñano tiquiro tiquina wapamoñene wapa ye dutierahye. ¿Yojopu pûritare diquiri pehe wapamoriquiri tiquiro pûhtorore cahî yûhdûrotari? ni sinituahye Jesu.

<sup>43</sup> Simo yûhtiahye:

—Ôbah, pajiro wapamoriquiri mehenogã wapamoriquiri yûhdûoro tiquiro pûhtorore cahîboaga, niahye Simo.

—Poto yûhtiri mûhu yûhure, niahye Jesu.

<sup>44</sup>Sa ni tuhasa tiqirore pio peoricorore majare ihña, Jesu Simore yahu nemoahye:

—Ahricorore ihñaña mǎhǎ. Mǎhǎ ya wǎhǎpǎ yǎhǎ sajǎ wihiri bato yǎhǎ dahpocǎrine coseati acore yǎhǎre ohoerari mǎhǎ. Ahricoro pehe ticoro yahco co mehna yǎhǎ dahpocǎrine weo, ticoro poari mehna wǎori yǎhǎre. <sup>45</sup>Mǎhǎ pehe yǎhǎre piti ca ihmiedari. Ahricoro pehe ohǎpǎ yǎhǎ dujiro puno yǎhǎ dahpocǎrine ihmidi. <sup>46</sup>Mǎhǎ pehe yǎhǎ dapure ǎhse mehna pio peerari. Ticoro pehe yǎhǎ dahpocǎrine ehme sitiye mehna pio peori. <sup>47</sup>Sa nigǎ mǎhǎreta yahuguta niaja. Ahricoro ticoro ñañe yeye pe yǎhǎduaye ijire. Sa ijieperota ticoro tutuaro cahine yǎhǎre. Sa yegu ticoro ñañene bou. Sa yeye tiquina ñañene mehenogǎ yǎhǎ bonohriquina mehenogǎ cahine yǎhǎre, niahye Jesu Simore.

<sup>48</sup>Sa ni tuhasa tiqiro ticorore yahuahye:

—Yojopǎ pǎritare mǎhǎ ñañe yeyere bou, niahye Jesu.

<sup>49</sup>Tiqiro sa nigǎ tǎhoye Jesu mehna dujiyequina tiquina basi ohǎ saha ni yahuducuahye:

—Ahriqiro potota ñañe yeyere boriqiro ijire. ¿Dǎhse ijiriqiro boro ijijari ahriqiro ñañene boriqiro? niahye tiquina basi.

<sup>50</sup>Sa yero Jesu numinore ohǎ saha ni yahuahye:

—Yǎhǎre mǎhǎ wacǎ tutuagǎ mǎhǎre pecapǎ wahaborigore yǎhǎduoaja. Cuero marieno mǎhǎ ya wǎhǎpǎ tojoaa wahaya, niahye Jesu ticorore.

### Numia Jesure yedohoahye

**8** <sup>1</sup>Came bǎjǎye macaripǎ, daye macarigǎpǎ gǎhǎre esa, Cohǎcjǎ tiqiro pǎhtoro ijiyere quehnoañe buheyere yahuahye Jesu. Doce tiqiro buheyequina pehe tiqiro mehna ijiahye. <sup>2</sup>Sa ye numia gǎhǎ watǎ cuomediquina numia, dohatimediquina numia Jesu quehnoa wahagǎ tiqiro yeriquina numia tiqiro mehna tiniahye. “María”, tiquina nidicorore “Magdalena”, ni pisue tiahye ticorore. Ticorore siete watǎre Jesu cohǎhye to pano. Sa yero ticoro gǎhǎ Jesu mehna tiniahye. <sup>3</sup>Chuzá wame tiriqiro Herodere yedohomediquiro namono Juana gǎhǎ Jesu mehna tiniahye. Susana wame tiricoro gǎhǎ arequina numia mehna peyequina tiquina cuoye mehna Jesu gǎhǎre yedohoahye.

### Jesu oteriqiro quitire yahuahye

(Mt 13.1-9; Mr 4.1-9)

<sup>4</sup>Sa ye peye macari cjǎna Jesu cahapǎ cahmecoahye. Tiquina sa cahmecoari bato Jesu tiqiro tǎhotuye mehna queoye mehna tiquinare yahuahye buhero taro:

<sup>5</sup>—Oteriqiro otero wahahye. Tiquiro sa otegǎ apeye pjeri maha dǎhtǎ cahapǎ bora quehe sahye. Sa yeye ti pjerire masa cuhta diho cǎhaye. Sa ye minicǎa pari pehe ti pjerire ihyahye. <sup>6</sup>Sa ye apeye pjeri ǎtǎ paca watoa bora quehe sahye. Topǎ yehpǎpǎ aco mariedahye. Sa ye ti pjeri pihni wahcǎdǎca ñaia wahahye. <sup>7</sup>Apeye

pjeri taa watoa bora quehe sahye. Taa pehe ti oteye mehna pihniahye. Taa pehe dia yũhdũa waha, oteyere wejẽahye. <sup>8</sup>Apeye pjeri quehnoari yehparũ bora quehe sahye. Quehnoano pihni, dũca tiahye. Sa ye peye dũca tiahye, niahye Jesu.

Sa ni tuhasa ohõ saha tutuaro ni nemoahye:

—Ahrire quehnoano tũhoya mũsa, niahye tiquiro.

### **Jesu queoye mehna tiquiro buherire yahuahye**

*(Mt 13.10-17; Mr 4.10-12)*

<sup>9</sup>Came tiquiro buheyequina ti queoyere masi duaye, Jesure sinituahye: —¿Ahri queoye mehna dũhse ni yahugũ nijari mũhũ? ni, sinituahye tiquina.

<sup>10</sup>Tiquina sa nigũ Jesu yũtiahye:

—Cohãcjũ masa pũhoro tiquiro ijyere panopũ apequina tiquina masiedarire mũsare masigũ yerota Cohãcjũ. Apequina pehere sa yerare tiquiro. Tiquinare queoye mehnata buheitja. Yũhũ sa yegũ tiquina yũhũ buheyere tũhoepeta masisi, niahye Jesu tiquiro buheyequinare.

### **Jesu oteriquiro quitire yahu pehoahye**

*(Mt 13.18-23; Mr 4.13-20)*

<sup>11</sup>Sa ni tuhasa tiquinare yahu nemoahye:

—Ohõ saha ni yahure ahri quti: Oteye pjeri quehnoañe buheye yero saha ijire. <sup>12</sup>Sa ye maha dũhtũ cahapũ borari pjeri pehe quehnoañe buheye yero saha ijire. Sa yero masa quehnoañe buheyere tiquina tũhogũ ihñano watĩno pehe ahta, ti buheyere masi dutierare masare. Minicjũa ti pjerire tiquina dote nediro saha yere. Tiquiro sa yeragũ tiquina Cohãcjũre wacũ tutuaboa. Tiquina sa wacũ tutuagũ ihñano Cohãcjũ pehe tiquinare pecapũ wahaboriquinare yũhdũoboa. <sup>13</sup>Utã pjeri watoa borari pjeri quehnoañe buheye yero saha ijire. Sa ye masa quehnoañe buheyere tũho, bucueye mehna tire tũho nene. Sa tũho nepeta utã watoa ijyere cjũ nũhcori marieñe cjũ yero saha ahriquina masa gũhũ tutuerare. Sa tutueraye yeequina tiquina ijiri buhiri apequina tiquinare ñano yegũ ihñañe yee pehere duhu cãhre. <sup>14</sup>Sa ye taa watoa borari pjeri quehnoañe buheye yero saha ijire. Sa ye masa quehnoañe buheyere tũhoepeta, ahri yehpa cjẽne pajiro bujũa witi tũhotu, niñeru pehere cahĩ, ahri yehpa cjẽne bucuere tiquina. Sa yeye ti pehe quehnoañe buheyere cahmotagũ, masa pehe quehnoañe pehere yerare. <sup>15</sup>Sa ye quehnoari yehparũ borari pjeri quehnoañe buheye yero saha ijire. Sa yeye masa quehnoañe buheyere tũhoye, quehnoano mehna ti buheyere yũhdũdũcaerare. Sa ye yucũgũ dũca tiro saha quehnoañe buheyere tũhoyequina pehe Cohãcjũ tiquiro cahmeno saha quehnoañene yere, niahye Jesu.



**Jesu sihãria quitire buheahye***(Mr 4.21-25)*

<sup>16</sup>Sa ni tuhasa apeye queoye mehna buheahye tiqiro:

—Ne sihãriare dihi sutu docapũ cüedare masa. Sa ye tiare cumuno docapũ cüedare. ðhmũanopũ tiare duhu peore wũhũpũ sajã tayequina tiquina quehnoano ihña sajã tato saha. <sup>17</sup>Ijipihtiye tiquina masiedarire came masa masieta. Sihãria buhriogũ mari ihña masino saha panopũ tiquina masiedarire masieta masa.

<sup>18</sup>Sa yena mũsa tũhona quehnoano tũho nũnũña. Quehnoano tũho nũnũriqiro, quehnoano masinota. Tũho nũnũediqiro “Mehenogã tũhoaja”, tiqiro niepegũta ti pehere boaa waharota, niahye Jesu.

**Jesu acaye tiqirore pijiahye***(Mt 12.46-50; Mr 3.31-35)*

<sup>19</sup>Came Jesu bahana tiquina pacoro mehna tiqiro cahapũ wahaye nimahye. Masa peyequina ijigũ tiqiro cahapũ eserahye. <sup>20</sup>Sa yero ihcãqiro Jesure yahuahye:

—Mũhũ paco mũhũ bahana mehna sopecahapũ ducuri. Mũhũre ihñañe taye niñohti, niahye tiqiro Jesure.

<sup>21</sup>Tiqiro sa nigũ Jesu ohõ saha ni yahuahye ijipihtiyequinare:

—Cohãcjũ buheyere tũhoyequina, tire yũhdũdũcaeyequina tiquinata yũhũ paco yũhũ bahana yero saha ijire, niahye Jesu tiquinare.

**Jesu wihnonore yũsu dutiahye***(Mt 8.23-27; Mr 4.35-41)*

<sup>22</sup>Ape deco Jesu tiqiro buheyequina mehna yucũsapũ sajãhye.

—Isa, pehãũhna, ni, tiquina ijipihtiyequina tia mehna ditarapũ pehãa wahahye.

<sup>23</sup>Sa pehãno carĩa wahahye Jesu. Tiquina sa pehãducuropũ tutuaro wihnono wẽahye. Wihnono wẽgũ bujũye pahcõri wahcã, tiquinare mio cãmahye. Sa waharo miono cua yũhdũahye tiquinare. <sup>24</sup>Sa wahagũ ihñañe, acũaa waha, Jesu cahapũ waha, tiqirore wahcõahye.

—Buhegũ, mari yariana tana niajũ, niahye tiquina.

Tiquina sa nigũ Jesu pehe wahcã, wihnonore,

—To punota wẽ duhuya, niahye.

Sa nino pahcõri gũhũre,

—Yũsũa wahaya, niahye.

Tiqiro sa nigũta wihnono yũhdũa wahahye. Sa ye pahcõri gũhũ yũsu dijiaa wahahye. <sup>25</sup>Sa wahari bato Jesu tiquinare ohõ saha niahye:

—¿Mũsa yũhũre wacũ tutuerajari? niahye tiqiro.

Tiqiro sa nigũ tiquina pehe cue, acũaa waha, tiquina basi ohõ saha ni yahuducuahye:



(San Lucas 8.23)

—¿Yohou, dũhse ijiriquiro boro masũno ijijari ahriquiro? Ahri wihnono, pahcõri gũhũ tiquiro dutigũ yũhdũdũcaerare tiquirore, niahye tiquina basi.

**Watĩa cũoriquirore yũhdũoahye Jesu**

(Mt 8.28-34; Mr 5.1-20)

<sup>26</sup>Sa ye tiquina ape sie pahrẽpũ Gerasa cjẽna ya yehpapũ pehã sahye. Ti yehpa Galilea yehpa poto ijiahye. <sup>27</sup>Topũ Jesu tiquiro maja sadũcagũ waro to cjũno watĩa cũoriquiro tiquiro cahapũ ahtahye. Tiquiro yoari pje suhti marieniquiro ijiro, tiquiro ya wũhũpũre ne ijierahye. Sa yero masa coperi utãpũ tiquina seheri coperi cahapũ ijie tiahye tiquiro. <sup>28-29</sup>Sa ye peye tahari watĩa tiquirore ñeheahye. Sa yero tiquiro peresupũ ijigũ tiquiro omocarine, dahpocãrine come dari mehna dũhteriquiro ijieperota, ti darire tuã sure mũjahye. Sa ye watĩa pehe tiquirore masa marienopũ ne cã mũjaje tiahye. Sa yero tiquiro Jesure ihũadoqueo, tutuaro saũuducu, Jesu cahapũ dũsepe curi mehna quehe sahye. Tiquiro sa yegũ ihũano Jesu pehe tiquirore dutiahye:

—Ahriquiro mehna ijieracãhña. Wahaya watĩa, niahye.

Tiquiro sa nigũ tũhoro watĩa cũoriquiro tutuaro saũuducu, sinituahye Jesure:

—¿Jesu, ũhmũse cjũ Cohãcjũ macũ yabere yei tũũ nijari mũhũ yũhũre? Yũhũre ñano yeracãhña, niahye watĩa cũoriquiro.

<sup>30</sup>Tiquiro sa nigũ Jesu pehe sinituahye tiquirore:

—¿Dũhse wame tiajari mũhũ? niahye.

Peyequina watía tiquiro mehna ijiahye. Sa yero ohō saha niahye tiquinare c̄oriquiro.

—Watía peyequina wame tiaja usā, ni, ȳhtiahye watía c̄oriquiro.

31—Ūhc̄uāri copep̄ usāre waha dutieracāhña, ni, tutuaro siniahye watía pehe.

32Ti pjere top̄ c̄un̄ dahpotop̄ yesea peyequina ihyaye niahye.

Tiquina top̄ ihyagū ihñañe watía ohō saha ni siniahye Jesure:

—Sisequina yesea cahap̄ waha dutiya usāre. Tiquina mehna iji dutiya usāre, ni, siniahye watía.

Tiquina sa nigū t̄horo Jesu tiquinare yesea cahap̄ waha dutiahye.

33Tiquiro sa waha dutiri bato watía pehe mas̄no mehna ijimediquina waha, yesea cahap̄ esahye. Tiquina cahap̄ tiquina esari bato yesea pehe pari c̄j̄p̄ oma maa buhaa waha, ditarap̄ bora ñojoa mini yaria pihtia wahahye.

34Yeseare cohteyequina yesea tiquina sa minigū ihñañe, cue, oma cāa wahahye.

Sa oma cā macap̄ esa, ti maca c̄j̄nare, ihquē wuh̄se ijiro c̄j̄na ḡh̄re tiquina ihñarire yahu siteahye. 35Tiquina sa yahu siteri bato masa ihñañe wahahye. Sa ye Jesu cahap̄ esa, watía c̄uomediquire suhti sañariquiro t̄ho masiniquiro tiquiro d̄j̄ḡ ihñahye tiquina. Tiquina ijipih̄yere ihñañe, tiquina cue niahye. 36Watía c̄uomediquire tiquiro quehnoa waharire ihñañequina apequinare tiquina ihñarire yahuahye. 37Ti pjeta Gerasa yehpa c̄j̄na peyequina Jesure tutuaro cueye, tiquirore waha dutiahye. Tiquina sa waha dutigū Jesu yuc̄sap̄ sajā, waharo taro niahye.

38Watía c̄uomediquire Jesu wahato pano tutuaro sinimahye tiquirore:

—M̄h̄ mehna waha duaja, ni sinimahye.

39Tiquiro sa nigūta Jesu tiquirore ȳhtiahye:

—M̄h̄ ya macap̄ wahaya. Sa wahaḡ Coh̄c̄j̄ m̄h̄re tiquiro yerire yahuya apequinare, niahye Jesu.

Tiquiro sa nidi bato waha, tiquiro ya macap̄ esaro, mas̄no pehe Jesu tiquirore yerire ijipih̄yequina tiquiro ya maca c̄j̄nare yahuahye.

### **Jairo maconore ȳh̄d̄oro, dii m̄na wihoro dohatiducuricoro**

#### **ḡh̄re ȳh̄d̄oahye Jesu**

*(Mt 9.18-26; Mr 5.21-43)*

40Ape sie pah̄r̄p̄ Jesu pari turi tiquiro pehā sagū ihñañe masa peyequina tiquirore cohte, bucueye mehna piti cahye tiquirore. 41-42Top̄ judio masa buheri w̄h̄ cohteriquiro Jairo wame tiriquiro Jesu cahap̄ esa, tiquiro dahpoc̄ari cahap̄ dusepe curi mehna quehe sahye tiquirore ño peoro. Tiquiro macono yariaro niahye. Ticoro ihc̄acorota ijiricoro doce c̄hm̄ari c̄oricoro ijiahye. Sa yero tiquiro ya w̄h̄p̄ Jesure p̄ji cāhye. “Añ”, ni, tiquiro mehna wahahye Jesu ḡh̄.

Mahap̄ tiquina sa wahagū pe ȳh̄d̄ayequina masa ijiye, wahpa ȳh̄d̄ahye.

43Sa yero apecoro numino doce c̄hm̄ari waro dii m̄na dohatiducuricoro top̄ ijiahye. To pano duturuare ijipih̄yere ticoro ye niñeru mehna wapa yemahye ticoro aco ye dutiro. Tiquina sa aco yep̄ḡta m̄nanota ijiducu cāhye ticoro. 44Sa yero

ticoro Jesu behero pehepũ ahta, tiquiro suhtiro sohtoare ticoro ñehe tuhugũta ticoro dohatiye pihtia wahahye. <sup>45</sup>Ticoro sa ñehe tuhugũ tuhoturo Jesu sinituahye.

—¿Noa yũhũ suhtirore ñehe tuhuajari? niahye tiquiro.

Ijipihtiyequina “Ñehe tuhuera”, niahye. Sa ye Pedro gũhũ ohõ saha niahye:

—Buhegũ, bihsarĩne. Sa yeye masa peyequina mũhũre ñehe tuhure.

¿Dũhsegũ sa ni sinituajari mũhũ? niahye tiquina Jesure.

<sup>46</sup>Tiquina sa nigũ Jesu yũhtiahye:

—Mianogãta yũhũ yũhdũgũ yei ihcãcorore. Sa yegu yũhũre ticoro ñehe tuhugũ masiaja, niahye tiquiro.

<sup>47</sup>Tiquiro sa nigũ tũhoro ticoro duhti masiedaro, nanarerico Jesu cahapũ dũsepe curi mehna quehe sahye tiquirore ño peoro. Sa ye ijipihtiyequina masa tiquina tũhoropũ ticoro dohatiyere, Jesure ticoro ñehe tuhurire, ticoro quehnoa waharire yahuahye ticoro. <sup>48</sup>Ticoro yahu tuhasagũ Jesu ticorore yahuahye:

—Maco, yũhũre mũhũ wacũ tutuaye mehna quehnoago tojoare jojorũre. Bucueye mehna wahaya, niahye ticorore.

<sup>49</sup>Tiquiro sa nini watoa Jairo ya wũhũpũ ijiriquiro yahuro wihiahye:

—Mũhũ macogã yariaa wahari. Sa yegu buheriquirore piji cãhtaeracãhña, niahye tiquiro.

<sup>50</sup>Tiquiro sa nigũ tũhoro, Jairore ohõ saha ni yahuahye Jesu:

—Bũjũa witi tuhotueracãhña. Yũhũre wacũ tutuaya. Ti dihitare yeya. Mũhũ sa yegũ ticorogã masaa waharota, niahye Jesu.

<sup>51</sup>Sa ni tuhasa tiquiro ya wũhũpũ esa, Pedro, Ñu, Santiago, dohatirico ropacũsumũa topequinata ne sajãhye. Apequina pehere Jesu sajã dutierahye.

<sup>52</sup>Topũ ijipihtiyequina masa tiquina ñehe quea utiri watoa sajã sahye Jesu.

—Utieracãhña. Ticorogã yarierare. Carĩno nine, niahye tiquiro.

<sup>53</sup>Tiquiro sa nigũ tũhoye tiquina pehe ticoro yariarico ijigũ masiñe, Jesure bũjuahye. “Sa ni maca cãno nine”, ni bũjuahye. <sup>54</sup>Sa yero Jesu ticorogã omocare ñehe, pisuahye:

—Mehenicorogã wahcãña, niahye.

<sup>55</sup>Tiquiro sa nigũta yariarico masaa waha, wahcãdũca sahye ticorogã. Ticoro wahcãdũcari bato Jesu ticorore ihyayere oho dutiahye.

<sup>56</sup>Ticoro sa masagũ ihñañe ticoro pacũsumũa ihña maria wahahye. Sa yero Jesu tire apequinare yahu dutierahye.

### Jesu doce tiquiro buheyequinare buhe dutiro ohoahye

(Mt 10.5-15; Mr 6.7-13)

**9** <sup>1</sup>Sa ye Jesu docere tiquiro buheyequinare pijio, tiquiro tutuayere ohoahye tiquinare. Watĩare tiquina cohãtire, dohatiyequinare yũhdũgũ yeati gũhũre tiquiro tutuayere ohoahye tiquinare. <sup>2</sup>Sa ye tuhasa tiquinare Cohãcjũ tiquiro pũhtoro ijiyere buhe dutiro, dohatiyequinare yũhdũo dutiro ohoahye tiquinare. <sup>3</sup>Ohõ saha ni dutiahye Jesu tiquinare:

—Musa wahana apee borore nedacãhña. Tua ðure, ajurore, ihyayere, niñerure nedacãhña. Musa sañano dihitare saña cãhña. Apeye suhtire nedacãhña. <sup>4</sup>Ijipihtiyē macaripũ musare tiquina carĩno ohogũ ti wũhũpũta ijiniña. Coã wahanapũ wijiaya ti wũhũre. <sup>5</sup>Apeye macari cjẽna musare tiquina cahmedagũ ihñana ti macarine yũhdũ cãa wahaya. Sa wahana musa dahpocãri cjẽ dihta esa wahãrīre wejẽ site cũña musa tiquinare tiquina ye buhirire masigũ yena, niahye Jesu.

<sup>6</sup>Tiquiro sa nidi bato tiquiro buheyequina pehe waha, ijipihtiyē macaripũ quehnoañe buheyere yahu tiniahye. Sa ye dohatiyequinare yũhdũoe tiahye.

### **Jesu tiquiro yerire Herode tũhoahye**

*(Mt 14.1-12; Mr 6.14-29)*

<sup>7</sup>Sa ye Herode Galilea yehpa cjẽna pũhtoro Jesu yerire tũhoahye. “¿Noa boro ijijari tiquiro Jesu?” nieperota ne masiedahye. Ihquẽquina ohõ saha nimahye Jesure. “Ñu wame yeriquiro mũnana masa mũjahye. Sa yero ‘Jesu’, tiquina nidiquiro tiquirota ijire”, nimahye ihquẽquina. Tiquina sa nigũ tũhoro Herode Jesure ðũhse ni masiedahye. <sup>8</sup>Sa ye apequina “Tiquiro Elia mũnana yojopũ bajuaro nine”, nimahye. Apequina pehe “Cohãcjũ yere yahu mũhtariquina panopũ cjẽna mehna cjũno yojopũ masa bajuaro nine”, nimahye Jesure. <sup>9</sup>Tiquina sa ni yahuducuepegũta ohõ saha ni tũhotuahye Herode: “Ñu ðapure ðate sure duti tuhasaũ yũhũ. ¿Yojopũre ijiriquiro masa tiquina yahuriquiro noa boro ijiboagari tiquiro pehe?” ni, tũhoturo tiquiro Jesure ihña duamahye.

### **Jesu cinco mil masare ihyayere ohoahye**

*(Mt 14.13-21; Mr 6.30-44; Jn 6.1-14)*

<sup>10</sup>Sa ye Jesu tiquiro ohoriquina tiquiro cahapũ tojoa sa, tiquina yerire yahuahye Jesure. Tiquina yahu tuhasagũ Jesu tiquina dihitare Betsaida wame tiri macapũ siho wahahye. <sup>11</sup>Tiquina waharire masiñe, masa peyequina tiquinare nũnũ tã cãa wahahye. Jesure tiquina mũmũ sagũ ihñano piti cahye Jesu tiquinare. Sa yero tiquiro Cohãcjũ pũhtoro ijiyere tiquinare yahu, dohatiyequinare yũhdũgũ yeahye.

<sup>12</sup>Ñamicahapũ doce tiquiro buheyequina tiquiro cahapũ esa, Jesure yahuahye:

—Ohõ masa marienopũ ijire. Ohõ majano cjẽ wũhũsepeũ ahriquina masare ohoya. Carĩato, tiquina ihyati gũhũre maca dutiya tiquinare, niahye tiquina Jesure.

<sup>13-14</sup>Tiquina sa nigũ Jesu yũhtiahye tiquinare:

—Sa niedacãhña. Ihyayere ohoya tiquinare, niahye.

Tiquiro sa nigũ tũhoye tiquina yũhtiahye:

—Ihcã omope paca pã paca, pũaro wahi to punota cũoaja mari. ¿Ahriquina peyequina masa tiquina ihyatire dũboagari usã? niahye tiquiro buheyequina.

Peyequina masa tiquina ijigũ ihñañe sa niahye tiquiro buheyequina. Topũre cinco mil mũmũ ijiahye. Sa yero Jesu yahuahye tiquiro buheyequinare:

—Cincuenta masare ihcã curua duji dutiya. Apeye cururi gũhure topequinata duji dutiya, niahye Jesu tiquiro buheyequinare.

<sup>15</sup>Tiquiro sa nigũ buheyequina tiquiro dutiriro sahata ye, ijipihtyequina masare duji dutiahye. <sup>16</sup>Duji duti tuhasa Jesu ihcã omope paca pã pacare puaro wahire ne, umuanopũ ihña mũoahye. Sa ihña mũono Cohãcjũre “Quehnoare”, niahye. Tiquiro sa nidi bato pã pacare nuha, tiquiro buheyequinare masare iti dutiro ohoahye. <sup>17</sup>Sa ye tiquina ijipihtyequina masa ihya, yapi yũhdũa wahahye. Tiquina yapi wehorire doce puhũse ne cahmecoa wahpo dapoahye tiquiro buheyequina.

**Jesu potota Cristo tiquiro ijiyere Cohãcjũ ohoriquiro tiquiro  
ijiyere yahuahye Pedro**  
(Mt 16.13-19; Mr 8.27-29)

<sup>18</sup>Ihcã deco Jesu ihcãquirola ijiro, Cohãcjũre sinino niahye. Tiquiro sinini watoa tiquiro buheyequina tiquiro cahapũ esahye. Sa yero Jesu sinituahye tiquinare:

—¿Noa boro ijiagari yũhũ, masa yũhũre tiquina tũhotugũ? ni sinituahye.

Tiquiro sa sinitugũ tũhoye tiquiro buheyequina yũhtiahye:

<sup>19</sup>—“Ñu wame yeriquiro ijire”, nine mũhũre. Apequina “Elia ijire”, nine. Apequina “Cohãcjũ yere yahu mũhtariquina mehna cjũno panopũ cjũno masa bajuaro nine yojoapũre”, nine, ni yũhtiahye tiquiro buheyequina pehe tiquirore.

<sup>20</sup>Tiquina sa nidi bato Jesu tiquinare sinituahye tja:

—¿Musa pehe musa tũhotugũ, noa boro ijiagari yũhũ? ni, sinituahye tja.

—Mũhũ Cristo Cohãcjũ ohorigũ ijire, ni yũhtiahye Pedro.

**Jesu tiquiro yaria masa wijiatire yahuahye**  
(Mt 16.20-28; Mr 8.30-9.1)

<sup>21</sup>Sa ye Pedro “Cristo ijire mũhũ”, tiquiro nidire apequinare Jesu yahu site dutierahye tiquiro buheyequinare. <sup>22</sup>Sa ni yahu site dutiera tuhasa ohõ saha ni nemoahye:

—Yũhũ masũ Cohãcjũ ohorigũ tutuaro ñano yũhdũta. Sata yũhdũro cahmene yũhũre. Sa ye mari judio masare buheyequina, bucũna, pahia puhũtoa mehna yũhũre cahmeda, yũhũre wejẽeta. Tiquina wejẽdi bato ihtia deco wahaboro masa wijiatũtja, niahye Jesu tiquinare.

<sup>23</sup>Came ijipihtyequinare ohõ saha ni yahuahye Jesu:

—Ihcãquirola yaquirola iji duaro, tiquiro cahmeno ye duamedire duhu cãnota. Sa yero yaquirola tiquiro ijiri buhiri ñano yũhdũeperota yũhũre duhusi. Sa yero yeere yeducuriquirola ijirota. <sup>24</sup>Masũno yũhũre wacũno marieno tiquiro esa tuharo tiquiro cahmeno saha yero, pecapũ waharota. Sa yero yeere sa yeducuriquirola ijipihtye decori yũhũ mehna umũsepeũ ijiducurota. <sup>25</sup>¿Ihcãquirola masũno ahri yehpa cjẽne ijipihtiyere cõoriquiro Cohãcjũre cahmedaro pecapũ waharo, yabere wapatajari tiquiro? Sa ijiriquirola ne wapataerare.

<sup>26</sup>Ihquẽquina yũhũre, yũhũ buheye gũhũre bue tisãboaga. Tiquina sa yegũ

ihñagu yũhu gũhu yũhure sa yeyequinare bue tisãgutja. Yũhu masu Cohãcjũ ohorigu quehnoañequina angele mehna usã asi siteropũ, yũhu Pacu tiquiro asi siteropũ tojoa tagu tiquinare bue tisãguta. <sup>27</sup>Poto niita niaja musare. Yojoþure ihquẽquina musa ohõþure ijieyequina musa yariato pano Cohãcjũ ijipihtieyequina bui þahoro tiquiro iji ducagũ ihñanata musa, niahye Jesu tiquinare.

### Jesu tiquiro pagure comesahye

(Mt 17.1-8; Mr 9.2-8)

<sup>28</sup>Sa ye ocho decori tire tiquiro yahuri bato Jesu Pedroro, Ñure, Santiagore tiquina dihitare pijahye. Sa ye waha, Cohãcjũre siniñe waha, cunþurũ mũjaa wahahye tiquina. <sup>29</sup>Cohãcjũre tiquiro sinini watoa Jesu ya wuhdoa comesahye. Sa yero tiquiro suhtiro asi siteri suhtiro quehnoano yehseri suhtiro wahahye. <sup>30</sup>Tiquiro sa wahari watoa þuaro umua tiquiro mehna yahuducuye niahye. Yahuducuyequina pehe Elia mñnano, Moise mñnano gũhu ijiahye. <sup>31</sup>Tiquina ummuse cjẽ asi siteye mehna bajuahye. Jesu camegãta Jerusalẽþu tiquiro yariatire tiquina Jesu mehna yahuducuye niahye. <sup>32</sup>Pedro gũhure wũjua purĩ yuhduahye. Sa carĩepeta acua, wahcã wihi, Jesu tiquiro asi siteyere ihñañe, þuaro tiquiro mehna ducuyequina gũhure ihñahye. <sup>33</sup>Moise mñnano gũhu tiquina wahato panogã Pedro Jesure ohõ saha nimahye:

—Þuhto, mari ohõre ijigũ quehnoa duare. Ihtia wuhugã yematja. Mũhu ya wuhugã, Moise ya wuhugã, Elia ya wuhugã yematja, nimahye Pedro.

Sa nieperota tiquiro nidire ne masiedahye. <sup>34</sup>Tiquiro sa ni yahuducuri watoa tiquinare ehmeo curua cahmotahye. Sa cahmotagũ ihñañe tiquina cuea wahahye. <sup>35</sup>Sa yero ehmeo puhiarũ yahuducuye bisiro ca tahye:

—Ahriquiru yũhu macu, yũhu beseriquiro ijire. Quehnoano tuhoya tiquirore, nino ca tahye ehmeo curua puhiarũ.

<sup>36</sup>Tiquiro sa nidi bato Jesu dihitare ihñahye tiquina. Came tiquina ihñarire apequinare yahuerahye. Ne ihcãquirore yahuerahye.

### Jesu watĩno cuoriqirogãre yuhduoahye

(Mt 17.14-21; Mr 9.14-29)

<sup>37</sup>Ape deco tiquina cunþurũ tiquina dijia tagũ peyequina masa Jesure piti cahye. <sup>38</sup>Sa yero tiquina mehna cjũno Jesure pisuahye:

—Buhegu, mũhure tutuaro ahrire sini duaja yũhu. Yũhu macu ihcãquirota ijire. Sa yegu tiquirore ihña basaya mũhu. <sup>39</sup>Watĩno tiquirore ñehe, sañuducu tunu nanaregũ ye, sahpo tua wahagũ yee tire. Sa yero watĩno yũhu macure ñano yuhduagũ ye, ne duhu duerare. <sup>40</sup>Mũhu buheyequinare watĩnore cohã dutigu tutuaro sinimi. Yũhu sa siniepegũta tiquina tiquirore cohã masiedari, niahye tiquiro Jesure.

<sup>41</sup>Tiquiro sa nigũ Jesu pehe ohõ saha niahye tiquiro buheyequinare:



—Yojopu cĵena mŭsa ñana ijire. ¿Yũhũre ne wacũ tutuerabutiajari? Yoabutiari pje mŭsare buhemi yũhũ. ¿Noho puno yoiari pje yũhũre mŭsa cariboboagari? ni tuhtiahye Jesu.

Sa ni tuhasa watĩa cŭoriqiro pacũrore ohũ saha niahye:

—Mũhũ macũre ne cãhtaya, niahye.

<sup>42</sup>Tiqiro sa nidi bato tiqiro macũno Jesu cahapũ tiqiro ahtari watoa watĩno pehe tiqirore yehparũ doque quehe sa, tunu nanaregũ yeahye. Tiqiro sa yegũ Jesu watĩnore waha dutiahye. Tiqiro sa dutigũ watĩnore cŭoriqirogã yũhdũa wahahye. Sa yero Jesu pehe tiqirogãre wiahye tiqiro pacũrore. <sup>43</sup>Ijipihtiyequina masa Cohãcjũ tutuaye mehna tiqiro quehnoa wahagũ ihñañe, ihña maria wahahye.

### **Pari turi Jesu tiqiro yaria masa wijiatire yahuahye**

*(Mt 17.22-23; Mr 9.30-32)*

Masa Jesu tiqiro yerire tiquina ihña, ihña maria wahagũ Jesu pehe tiqiro buheyequinare ohũ saha ni yahuahye:

<sup>44</sup>—Mianogãta yũhũ yahuatire boeracãhña mŭsa. Yũhũre Cohãcjũ tiqiro ohorigũre apeqiro yũhũre ñehe dutiro ohorota masare, niahye Jesu.

<sup>45</sup>Tiqiro sa niepegũta tiquina pehe tiqiro yahuyere quehnoano tũhoerahye. Tiqiro yahurire tiquinare masino basioerahye. Ti pjeta Cohãcjũ tiquinare tire tũho dutiero niahye. Sa ye tiquina cueye, tire tiqirore sinituerahye.

### **Jesu buheyequina tiquina mehna cĵũnore pũhto sũ duamahye**

*(Mt 18.1-5; Mr 9.33-37)*

<sup>46</sup>Came Jesu buheyequina cahme sehña soye niahye:

—¿Mari mehna cĵũno diqiro pehe pũhtoro sajãnotari? niñe niahye tiquina basi.

<sup>47</sup>Tiqina sa nigũ Jesu pehe tiquina tũhotuyere masino, nijinogãre tiqiro cahapũ ducu duti, tiqiro buheyequinare yahuahye:

<sup>48</sup>—Yeere yena tana ahriqirogãre cahmena, yũhũ gũhũre cahmene mŭsa. Sa yena yũhũre cahmena, yũhũre ohoriqiro gũhũre cahmene mŭsa. Mŭsa mehna cĵũno mŭsa cahacĵũno ijiro tiqiro gũhũ pũhtoro ijirota, niahye Jesu.

### **Marine ihña tuhtiriquiro ijieraro, mari mehna cĵũno ijire**

*(Mr 9.38-40)*

<sup>49</sup>Came Ñu Jesure ohũ saha ni yahuahye:

—Buhegũ, mũhũ wame mehna watĩare cohãriqirore usã ihñañ. Mari mehna cĵũno tiqiro ijieragũ ihñana tire tiqirore ye dutierũ usã, niahye Ñu Jesure.

<sup>50</sup>Tiqiro sa nigũ Jesu Ñure apequina buheyequina gũhũre ohũ saha ni yahuahye:

—Sa niedacãhña mŭsa tiqirore. Marine ihña tuhtiriquiro ijieraro, tiqiro mari mehna cĵũno ijire, niahye Jesu tiqiro buheyequinare.

### Jesu Santiagore, Ñu gühure tuhtiahye

<sup>51</sup>Ti pjere Jesu ñhmüsepü tiquiro wahato panogã, “Jerusalêpü wahautja”, niahye tiquiro. Sa nino topü waharo niahye. <sup>52</sup>Sa ye Jesu tiquiro pano ohoriquina waha, Samaria yehpa cjã macapü esa, topü Jesu tiquiro ijiatire quehno duamahye. <sup>53</sup>Jesu Jerusalêpü waharo taro niahye. Topü wahatiquiro tiquiro ijigũ tühoye, to cjëna tiquirore cahmedahye. <sup>54</sup>Tire tühoye Santiago, Ñu mehna yahuahye Jesure:

—Pũhto, mũhũ cahmegũ ñhmüse cjã peca mehna tiquinare wejẽ dutinata, nimahye tiquina tiquirore.

<sup>55</sup>Tiquina sa nigũ Jesu majare ihña, tuhtiahye tiquina pũarore.

<sup>56</sup>Sa tuhti tuhasa, ape macapü Jesu gũhũ waha wahahye.

### Apequina Jesu mehna wahamahye

(Mt 8.19-22)

<sup>57</sup>Ti mahapü tiquina wahagũ, ihcãquiro Jesure yahuahye:

—Mũhũ mehna waha duaja noho mũhũ waharopü, niahye tiquiro.

<sup>58</sup>Tiquiro sa ni tuhasagũ Jesu yũhtiahye:

—Ihquẽquina nũcũ cjëna wahiquina tiquina coperi cõore. Minicjũa gũhũ tiquina suhti cõore. Yũhũ masũ Cohãcjũ ohorigũ pehe yũhũ carĩni wũhũ cõoeraja, niahye Jesu.

<sup>59</sup>Came apequirore Jesu pijiahye:

—Yũhũ mehna cjũ ijiajũ ahtaya, niahye.

Tiquiro sa nigũ yũhtiahye Jesure:

—Pũhto, yũhũ pacũ tiquiro yariagũ yarĩgutja. Sa ya tuhasagũ pũrita mũhũ mehna wahagutja, niahye tiquiro.

<sup>60</sup>Tiquiro sa nigũ Jesu yahuahye:

—Yũhũre cahmeeñequina yariariquina yero saha ijire. Tiquina pehe yariariquinare yaahro. Sa yegũ mũhũ pehe Cohãcjũ tiquiro pũhtoro ijiyere quehnoañe buheyere buhegũ ahtaya, niahye Jesu tiquirore.

<sup>61</sup>Sa yero apequiro Jesure ohõ saha niahye:

—Pũhto, mũhũ mehna wahautja. Mũhũ mehna yũhũ wahato pano yũhũ acayere cohe tinii wahautja, niahye tiquiro Jesure.

<sup>62</sup>Tiquiro sa nigũ Jesu yahuahye tiquirore:

—Dahrariquiro dahra dueraro tiquiro dũhseatiquiro ijierare. Tiquiro yero sahata ijiriquiro ohõ saha ijire: “Cohãcjũ yere ye duaja”, nieperota tire yerare. Tiquiro Cohãcjũ yaquiro ijiboriquiro ijierare, niahye Jesu.

### Jesu setenta y dos buheyequinare buhe dutiro ohoahye

**10** <sup>1</sup>Came Jesu apequina buheyequinare setenta y dos buheyequinare bese, macaripü tiquiro wahato pano ohoyuahye. Ti macarine pũeyequina dihita ohoyuahye tiquiro. <sup>2</sup>Sa ohoyuro ohõ saha ni yahuahye tiquinare queoye mehna buhero:

—Trigo peye ti bucua tuhasagũ peye ijigũ dahraye pajiro ijire. Sa ijiepegũta dahrayequina pehe meheñequinagã ijire. Sata quehnoañe buheyere tuhoatiquina peyequina ijigũ pajiro ijire mari dahraye. Sa ijiepegũta meheñequinagã dahrari masa yero sahata quehnoañe buheyere buheatiquina gũhu meheñequinagã ijire. Sa yena quehnoañe buheyere buheatiquinare apequinare tiquiro ohoatire siniña Cohãcjũre musa. <sup>3</sup>Wahaya musa. Musare yũhu ohogũ musa oveja pohne yayia watoa tiquina ijiro sahata musa gũhu ñañequina usuayequina watoa ijinata. <sup>4</sup>Niñeru ajurore, paji cjũri ajuro gũhure, dahpo suhtire nedacãhña. Musa mahapu tinina apequinare boca sa yahuducueracãhña. Poto wahaya. <sup>5</sup>Ijipihtiye musa sajãñe wũhũsepũ sajãna, “Ahri wũhũ cjẽna quehnoano ijahro”, ni mũhtaña. <sup>6</sup>Ti wũhũ cjẽna quehnoano mehna ijiequina cahmequeno marieñequina tiquina ijigũ, tire niña tiquinare. Quehnoano mehna tiquina ijieragũ ihñana ti wũhũ cjẽnare sa niedacãhña. <sup>7</sup>Ihcã wũhũpũ sajã saducana tiquina quehnoañequina ijigũ ti wũhũpũta tojoaya. Topũ tiquina duhu peorire ihya, sihniña. Dahrayequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña musa gũhu. Sa yena ihcã wũhũpũta musa esari wũhũpũta ijina, ti maca cjẽ wũhũsepũ carĩ tiniedacãhña. <sup>8</sup>Macapũre musa esana to cjẽna pehe musare tiquina cahmeñequina ijigũ ti ihyayere tiquina duhu peorire ihyaya. <sup>9</sup>To cjẽna dohatiyequinare yũhduoya. Sa yena ohõ saha niña to cjẽnare: “Cohãcjũ yojoapũre mari pũhtoro tiquiro ijati mehenogã dahsare”, niña tiquinare. <sup>10</sup>Ape macapũ musa esagũ tiquina pehe musare cahmedaboaga. Tiquina cahmedagũ ihñana ti maca decopũ waha, ohõ saha niña tiquinare. <sup>11</sup>“Ahri maca cjẽ dihtare dahpocãri cjẽ dihtare wejẽ site cohãna niaja usãre musa cahmedari buhiri ihñona. Sa yena ahrire wacũña. Cohãcjũ mari pũhtoro yojoapũre tiquiro ijati mehenogã dahsare”, niña tiquinare. <sup>12</sup>Musare poto niita niaja. Sodoma cjẽna ña yũhduayequina ijiahye. Tiquina sa ijiepegũta pihtiati deco ijigũ Cohãcjũ tiquiro buhiri dahreati deco ijigũ Sodoma cjẽna yũhduoro musare cahmeeñequina pehere buhiri dahrerota, niahye Jesu.

**Apeye macari cjẽna Cohãcjũre yũhduocayequina ijire**  
(Mt 11.20-24)

<sup>13</sup>Came Jesu ohõ saha niahye macari cjẽnare:

—Corazĩn cjãna, musa ñano yũhduñata. Betsaida cjãna, musa gũhu ñano yũhduñata. Musa ye macaripũre Cohãcjũ tutuaye mehna ye ihñomi. Tiro wame tiri macare, Sidõ wame tiri maca gũhure tiquiro tutuaye mehna yũhu ye ihñogũ ihñañe panopũ to cjẽna pehe tiquina ñañene bujua witiboaga. Sa ye quehnoañene comesaboaga. Duita tiquina masa dija suhtire saña, tiquina basi peca cjẽ nujuare tiquina bui dahra site peoboaga tiquina ñañene bujua witiyere ihñõne. <sup>14</sup>Cohãcjũ tiquiro buhiri dahreati deco ijigũ Tiro cjẽna, Sidõ cjẽna yũhduoro musa pehere musa ñari buhiri musare tutuaro buhiri dahrerota tiquiro. <sup>15</sup>Capernau cjãna, musa esa tuharo uhmũsepũ waha duamene. Musa sa waha duepegũta musa ñari buhiri musare Cohãcjũ pecapũ cohãnota, niahye Jesu.

<sup>16</sup>Sa ni tuhasa Jesu tiquiro buheyequinare yahuahye:

—Mūsare tūhoyequina yūhū gūhūre tūhore. Mūsare cahmeeñequina, yūhū gūhūre cahmedare. Sa yeye yūhūre cahmeeñequina, tiquina yūhūre ohoriquiro gūhūre cahmedare, niahye Jesu tiquinare.

### Setenta y dos buheyequina tojoa wihiahye

<sup>17</sup>Came setenta y dos buheyequina bucueye mehna tojoa wihiahye:

—Pūhto, mūhū wame mehna mūhū tutuaye mehna watīare usā dutigū tiquina pehe usāre yūhdūducaerare, niahye tiquina Jesure.

<sup>18</sup>Tiquina sa nigū Jesu yūhtiahye tiquinare:

—Ūhmūsepū mia sitedoque dijioro sahata, watīno tiquiro bora dijia tagū ihñau. <sup>19</sup>Quehnoano tūhoya. Mūsare yūhū tutuayere ohou yūhū. Sa yegū añaa parire, cutipa parire, watīnore marine ihña tuhtiriquirore mūsa yūhdūducatire ohou yūhū. Sa ye tiquina mūsare ñano ye masiedare. <sup>20</sup>Yūhū sa ohoepegūta watīa mūsare tiquina yūhdūducaeragū ihñana ti dihitare bucueraçāhña. Ahri pehere bucueya. Ūhmūsepū Cohācjū yequina tiquina wamene tiquiro ojoa ohōri tjpū mūsa wamene tiquiro ojoa ohōgū ihñana, ti pehere bucueya mūsa, niahye Jesu tiquinare.

### Jesu bucueahye

(Mt 11.25-27; 13.16-17)

<sup>21</sup>Ti pjere Espīritu Santo Jesure tutuaro bucuegū yeahye. Sa yero Jesu ohō saha niahye:

—Mai, mūhū ūhmūsepū gūhūre yehpapū gūhūre pūhto ijire. Masi yūhdūducayequinare mūhū yahuerarire ihyo ijieyequina pehere yahuri mūhū. Mūhū sa yegū ihñagu “Quehnoa yūhdūare”, niaja. Sata ijire mai. Mūhū ye duariro sahata, mūhū cahmediro sahata tiquinare mūhū yere yahuri mūhū, niahye Jesu.

Sa ni tuhasa apequinare ohō saha niahye:

<sup>22</sup>—Yūhū Pacū ijipihtiyere yūhūre ohori. Yūhū Pacū dihita yūhūre masine. Yūhū gūhū tiquirore masiaja. Yūhū beseriquina gūhū tiquirore masine, yūhū masi dutiyequina ijiye. Topequinata yūhū Pacure masiaja usā, niahye Jesu.

<sup>23</sup>Tiquiro sa nidi bato tiquina sehsharo ijigū Jesu tiquiro buheyequinare ohō saha niahye:

—Ahri ijipihtiyere mūsa ihñana bucuena ijire. <sup>24</sup>Ijirota ijire. Peyequina Cohācjū yere yahu mūhtariquina, ihquē yehpari çjēna pūhtoa gūhū yojorū mūsa ihñarire ihña duamahye tiquina gūhū. Sa ye mūsa tūhori gūhūre tūho duamahye, niahye Jesu.

### Quehnoariquiro Samaria çjūno quitire yahuahye Jesu

<sup>25</sup>Ti pjeta judio masare buheriquiro Jesu cahapū wihi, Jesure tiquiro ñano yahuducugū ye duamahye:

—¿Buhegu, yũhu ijipihtiye decori Cohãcjũ mehna iji duagu dũhse yeboagari yũhu? ni, sinituahye tiquiro Jesure.

<sup>26</sup>Tiquiro sa nigũ Jesu yũhtiahye tiquirore:

—¿Dũhse ni yahujari Cohãcjũ yere tiquina ojoari pũpu? ¿Cohãcjũ tiquiro ni ojoarire dũhse ni tuhotuajari mũhu? niahye Jesu tiquirore.

<sup>27</sup>Jesu sa nigũ tiquiro yũhtiahye:

—Ohõ saha niahye Cohãcjũ: “Tutuario mũsa jeripohnari mehna, quehnoano mũsa tutuaye mehna, mũsa wacũñe mehna Cohãcjũre cahĩña. Sa ye mũhu basi mũhu cahĩno saha mũhu cahapũ ijyeyequina gũhũre cahĩña”, niahye tiquiro Jesure.

<sup>28</sup>Tiquiro sa nigũ Jesu yũhtiahye:

—Potota nine mũhu. Tire yeya. Sa yegu ijipihtiye decori Cohãcjũ mehna ijigũta mũhu, niahye tiquirore.

<sup>29</sup>“Ahriquiroy Cohãcjũ dutiyere ye pehoriquiroy ijire”, masa tiquirore tiquina ni ihũagũ cahmeahye judio masare buheriquiro. Sa cahmeno tiquiro Jesure ohõ saha ni sinituahye:

—¿Noa boro ijiboagari yũhũre mũhu cahĩ dutiriquiro? niahye tiquiro.

<sup>30</sup>Tiquiro sa nigũ Jesu ohõ saha ni queoye mehna piti dahre buheahye:

—Ihcã deco Jerusalẽpu ahtariquiroy Jericõpu wahariquiroyre mahapũ tiquiro tinigũ yaqueyeyequina tiquirore ñeheahye. Sa ñeheñe, tiquiro suhtirore tu we ne, tiquirore tutuario quẽahye. Sa tutuario quẽ, tiquiro yariaro taro yegũ duhuahye tiquina tiquirore. <sup>31</sup>Ti pjeta pahi ti mahapũ ahtahye. Sa ahtaroy tiquina



(San Lucas 10.30)

quēdiqirore ihñaperota maha ape sie dũhtũ caharũ yũhdũ cãa wahahye. <sup>32</sup>Sa ye Cohãcũ wũhũrũ dahrariqiro gũhũ pejecũoriqiro caharũ esa, tiqirore ihña, maha ape sierũ yũhdũ cãa wahahye. <sup>33</sup>Sa ye Samaria cjũno pehe topũ waha, yoa cjũnopũ pejecũoriqirore ihña, tiqirore paja ihñahye. <sup>34</sup>Sa yero tiqiro pejecũoriqiro caharũ esa, uhse, vino mehna moredire tiqiro camine pio peohaye. Pio peo tuhasa suhtiro cahsero mehna dũhteahye tiqiro camine. Tuhasa, pejecũoriqirore tiqiro yaqiro burro bui duhu peo, carĩni wũhũrũ ne cãhye tiqirore. Topũ ijiro, Samaria cjũno quehnoano ihña ihboahye tiqirore. <sup>35</sup>Ape deco tiqiro carĩni wũhũ urũrore rũa cjoe niñeru cjoerire oho, ohõ saha niahye: “Ahriqirore ihña ihboya. Ahri esa tuhaeragũ pari turi tojoa tagũ wapa ye pehoutja”, niahye Samaria cjũno wũhũ urũrore, niahye Jesu.

<sup>36</sup>Sa ni tuhasa judio masare buheriqirore sinituahye Jesu:

—¿Ahriquina ihtiaro mũmũa diqiro pehe ijjajari pejecũoriqirore cahĩdiqiro? niahye Jesu.

<sup>37</sup>Tiqiro sa nigũ tũhoro buheriqiro pehe Jesure yũhtiahye:

—Pejecũoriqirore yedohoriqiro ijiaga tiqirore cahĩdiqiro, niahye tiqiro Jesure.

—Wahaya. Mũhũ gũhũ masare sata yei wahaya, niahye Jesu buheriqirore.



(San Lucas 10.34)

### Marta, María gũhũ cahapũ tiniahye Jesu

<sup>38</sup>Sa ye Jesu tiqiro buheyequina mehna tiquina wahagũ, ape macapũ tiquina tinigũ, Marta wame tiricoro tiquinare ticoro ya wũhũpũ sajã ta dutiahye. <sup>39</sup>Ticoro bahoro María tiqiro dahpocãri cahapũ duji, tiqiro buheyere tuhoahye. <sup>40</sup>Ticoro sa yegũ ihãano Marta ticoro dahraye peye ijigũ usuahye. Sa yero ticoro Jesure yahuahye:

—¿Pũhto, yũhũ ihcõta dahragũ yũhũre yũhũ baho ticoro yedohoeragũ mũhũre quehnoajari, mũhũ ihãagũ? Ticorore yũhũre yedoho dutiya, niahye Marta Jesure.

<sup>41</sup>Ticoro sa nigũ Jesu yũhtiahye:

—Marta, dahraye peye cũogo pajiro tuhoture mũhũ. <sup>42</sup>Cohãcjũ tiqiro yere tuho dutire. María quehnoañene yero taro, tire cahmene. Sa yegũ yũhũre ticoro tuhogũ “Yedohogo wahaya”, niedaja ticorore, niahye Jesu Martare.

### Jesu Cohãcjũre siniñene buheahye

(Mt 6.9-15; 7.7-11)

**11** <sup>1</sup>Ihcã deco Jesu Cohãcjũre sinino niahye. Tiqiro sini tuhasagũ, ihcãqiro tiqiro buheyequina mehna cjũno tiquiore ohõ saha niahye: —Pũhto, Ñu tiqiro buheyequinare tiqiro buheriro sahata Cohãcjũre siniñene usã gũhũre buheya mũhũ, niahye tiqiro Jesure.

<sup>2</sup>Tiqiro sa nigũ tuhoro Jesu tiquinare yahuahye:

—Ohõ saha Cohãcjũre siniña: “Usã Pacũ, uhmũse cjũ mũhũ quehnoagũ sa ijiducure. Yojoũre ijipihtiequina pũhto ijiya. <sup>3</sup>Sa yegũ decoripe usã ihyatire ohoducuya usãre. <sup>4</sup>Apequina usãre tiquina ñañe yerire usã boaja. Sa yegũ mũhũ gũhũ usã ñañe yerire boya. Sa yegũ usã ñañene ye duagũ usã tutuaro cahmegũ ihãagũ tire usãre ye dutieguta”, ni siniña Cohãcjũre, niahye Jesu tiquinare.

<sup>5</sup>Came Jesu qiti mehna tiqiro buheyequinare ohõ saha ni buheahye:

—Ihcãqiro ñami decopũ tiqiro acayũro ya wũhũpũ waha, tiquiore siniahye: “Yũhũ acayũ, ihtiarĩa pã pacare ohoya yũhũre. <sup>6</sup>Apeqiro yũhũ acayũro tinino ahtariqiro mianogãta ya wũhũpũ wihiri. Sa yegũ tiquiore yũhũ nuati mariedare”, niahye tiqiro acayũrore. <sup>7</sup>Tiqiro sa nigũ tiqiro acayũro wũhũ puhĩarũ ijiriquiro yũhtiahye: “Yũhũre cariboeracãhã. Sopecaha bihariro ijire. Yũhũ, yũhũ pohna mehna carĩna niaja. Wahcãno pjeraga yũhũre mũhũre ihyayere ohoborigũ”, niahye tiqiro acayũro. <sup>8</sup>¿Dũhse waharotari sinidiquiore? Poto niaja mũsare. Tiqiro acayũro ijieperota, ihyaye ohoboriqiro wahcã duerahye. Tiqiro wahcã duerapegũta ihyaye sinidiquiro pehe bũe tiro marieno tiqiro yoari pje siniducugũ ijipihtie tiqiro sinidiro sahata ohorota. <sup>9</sup>Sa yegũ ahrire mũsare ni yahugũ niaja: Cohãcjũre siniña. Sa sinina mũsa nenata. Mũsa sinidire bocanata. Tiquiore sa siniducuya. Mũsa sa yegũ tiqiro ohorota. <sup>10</sup>Ijipihtiequina Cohãcjũre siniñequina neeta. Sa ye tiquina sinidire bocaeta. Sa yero ijipihtiequina Cohãcjũre sa siniducyequinare tiqiro tiquinare ohorota.



<sup>11</sup>¿Musa pohna musare wahire tiquina sinigũ añare ohoboagari musa tiquinare? <sup>12</sup>¿Musa pohna canaca dũere tiquina sinigũ cutipare ohoboagari musa tiquinare? Ne ohosi. <sup>13</sup>Musa ñana ijiepenata musa pohnare quehnoañene ohoe tiri musa. Sa yero Cohãcjũ pehe musa ohori yũhdũoro quehnoañene ohore musare. Tiquiro mari Pacũ uhmũse cjũno Espĩritu Santore ohorota tiquirore siniñequinare, niahye Jesu tiquiro buheyequinare.

—Jesu watĩno tutuayere cũore, ni, yahusãhye masa  
(Mt 12.22-30; Mr 3.20-27)

<sup>14</sup>Ti pjere Jesu watĩnore cohãno niahye. Watĩno pehe yahuducu masiedagũ yeahye masũnore. Sa yero watĩno masũnore tiquiro duhuri bato masũno pehe yahuducu dũcahye. Tiquiro yahuducugũ tũhoye masa peyequina tũho maria wahahye. <sup>15</sup>Tiquina sa tũho mariepegũta apequina pehe ohõ saha niahye:

—Ahriquiroye Jesu watĩare tiquiro cohãgũ Beelzebũ wame tiriquiroye watĩa pũhtoro pehe tiquirore yedohore, niahye apequina.

<sup>16</sup>Apequina “¿Jesu Cohãcjũ tiquiro ohoriquiro ijajari?” ni masi duaye tiquirore Cohãcjũ tutuaye mehna ye ihũno dutimahye. <sup>17</sup>Tiquina sa dutigũ tũhoro “Watĩno tutuaye mehna watĩare cohãre”, ni, tiquina tũhotuyere masino, tiquinare ohõ saha ni yahuahye Jesu, “Watĩno ye tutuaye mehna watĩare cohãgũ niedaja”, nino taro:

—Ihcã yehpa cjẽna tiquina basi cahmequeñe, ti yehpa cjẽna yaria pihtia wahaboaga. Sa ye ihcã wũhũ cjẽna tiquina basi cahmequeñe, ti wũhũ cjẽna waha pihtia wahaboaga. <sup>18</sup>Sa ye, watĩno yequina watĩa tiquina basi cahmequeñe, tiquina watĩa gũhũ waha pihtia wahaboaga. Ihcã curua iji masiedaboaga. Musa yũhũre ohõ saha nine. “Tiquiro watĩno tutuaye mehna watĩare cohãre”, musa yũhũre nina niaga. <sup>19</sup>¿Yũhũre musa nidi poto ijigũ musa mehna cjẽna watĩare cohãñe watĩno tutuaye mehnata cohãjari tiquina gũhũ, musa ihñagũ? Musa mehna cjẽna watĩare cohãñe, watĩno tutuaye mehna cohãñe niedare. Ahrire masina watĩno tiquiro tutuaye mehna watĩare yũhũ cohãedagũ masinata musa. <sup>20</sup>Sa yegũ yũhũ pehe watĩare cohãgũ Cohãcjũ tutuaye mehna cohãja. Ahrire masina, Cohãcjũ tiquiro pũhtoro iji dũcayere masinata musa.

<sup>21</sup>Tutuariquiroye tiquiro ye wamoahye mehna tiquiro ya wũhũre tiquiro ihña ihbogũ tiquiro yere apequina yaque masiedare. <sup>22</sup>Tiquiro sa ihña ihboepẽgũta apequiroye tutua yũhdũriquiroye tiquiro mehna cahmeque, tiquirore yũhdũdũca, tiquiro ye wamoare ehma cã, tiquiro yere ehma cãhre. Ohõ sahata ye yũhdũdũcaro cahmene watĩare. <sup>23</sup>Ihcãquiroye yũhũre cahmedaro, yũhũre ihña tuhtiriquiroye ijire. Ihcãquiroye yũhũre yedohoeraro yũhũre ñano yero nine, ni buheahye Jesu.

Watĩno pari turi masũnore tiquiro sajãri quitire yahuahye Jesu  
(Mt 12.43-45)

<sup>24</sup>Sa yero tiquiro tũhotuye mehna ohõ saha ni queoye mehna buheahye tiquinare:

—Watĩno masũno mehna ijiriquiro waha, tiquiro aco marieni yehparũ tinino, tiquiro ijiatore macamahye. Bocaeraro, ohõ saha ni tũhotuahye: “Masũno yũhũ duhuriquiro mehna pari turi ijigũ wahaũtja”, ni, tũhotuahye tiquiro. <sup>25</sup>Sa nino tiquiro tojoa waha, masũnore bocahye. Sa tiquiro bocagũ masũno pehe quehnoariquiro ijimahye. <sup>26</sup>Sa yero watĩno apequina siete watĩare tiquiro yũhdũoro ñañequinare pijiro wahahye. Tiquiro sa pijigũ tiquina ijipihitiyequina watĩa masũno mehna ijiahye. Sa yero masũno pehe to pano ihcãquiro watĩnore cũoro, ñariquiro ijimahye. Camerũ pehere peyequina watĩare cũoriquiro ijiro, to pano tiquiro ijiriro yũhdũoro ña yũhdũariquiro ijiahye, niahye Jesu.

### Jesu bucueyere yahuahye

<sup>27</sup>Tire tiquiro sa nigũ masa watoa ijiricoro numino Jesure yahuahye: —Mũhũre pohna tiricoro, mũhũre apũoricoro bucuericoro ijire, niahye Jesure.

<sup>28</sup>Ticoro sa ni tuhasagũ tũhoro Jesu ticore yũhtiahye: —Cohãcjũ yahuducuyere tũhoyequina tiquiro dutiyere yeyequina tiquinata ijiaga bucueyequina, niahye Jesu ticore.

### Masa ñañequina Jesure Cohãcjũ tutuaye mehna ye ihũo dutiahye (Mt 12.38-42; Mr 8.12)

<sup>29</sup>Sa ye peyequina masa Jesu caharũ tiquina wihigũ, tiquiro tiquinare yahu nemoahye:

—Yojorũ cjẽna ñañequina ijire. Yũhũre poto nigũ yũhũ ijiyere tiquina masi duaye, Cohãcjũ tutuaye mehna yũhũ ye ihũogũ ihũa duamene. Tiquina sa ihũa duepegũta Jona panorũ cjũno Cohãcjũ tutuaye mehna tiquiro yeri dihitare ihũonota Cohãcjũ tiquinare. <sup>30</sup>Jona Cohãcjũ yere yahu mũhtariquiro ijiro, tiquiro Nĩnive wame tiri maca cjẽnare Cohãcjũ yere tiquiro masigũ yeriro sahata yũhũ masũ Cohãcjũ ohorigũ masigũ yeaja yojorũ cjẽnare. <sup>31</sup>Buhiri dahreati deco ijigũ pũhtoro sur cjõno panorũ cjõno ducu, yojorũ cjẽnare “Ñana ijire mũsa”, ni, yahusãnota ticoro. Ticoro Salomo panorũ cjũno tiquiro masiñene tũho duaro yoarorũ ahri yehpa ape sierũ ijiricoro Salomore tũhoro ahtahye. Sa yero quehnoano yero niahye yojorũ cjẽna yũhdũoro. Sa yero ticoro yahusãnota yojorũ cjẽnare. Sa nigũ mũsare poto niita niaja. Yojorũ mũsare yũhũ buheye Salomo tiquiro buheri yũhdũoro ijire. <sup>32</sup>Buhiri dahreati deco ijigũ Nĩnive wame tiri maca cjẽna gũhũ ducu, yojorũ cjẽnare “Ñana ijire mũsa”, ni yahusãeta tiquina. Jona tiquinare Cohãcjũ yere tiquiro yahugũ tũhoye, tiquina ñañene bujũa witi, quehnoañene cahmeahye tiquina pehe. Sa cahmeñe quehnoano yeye niahye yojorũ cjẽna yũhdũoro. Sa ye tiquina gũhũ yojorũ cjẽnare “Ñana ijire mũsa”, ni yahusãeta. Mũsare poto niita niaja. Yojorũ mũsare yũhũ buheye Jona tiquiro buheri yũhdũoro ijire, ni yahuahye Jesu.

**Masa tiquina tūhoturo sahata yere**

*(Mt 5.15; 6.22-23)*

<sup>33</sup>Sa yero queoye mehna buhero ohō saha ni yahu nemoahye tiquinare: —Masa sihāriare sihāne n̄oedare. Tiare sihāne dihi sutu docap̄ duhu dapoerare. Tiare uhm̄sep̄ duhu peore wuh̄p̄r̄ sajā tayequina tiquina quehnoano ihña sajā tatore yeye. <sup>34</sup>Sihāria quehnoano buhriogū mari quehnoano ihña masino sahata quehnoañene tūhotuyeye mehna quehnoano ye masinata m̄sa. M̄sa tūhoturo sahata yere m̄sa. Quehnoañene tūhotuna quehnoano yere m̄sa. Quehnoañene tūhotuerana ñañe pehere yere m̄sa. <sup>35</sup>Sa yena quehnoano yeya. M̄sa tūhotuyep̄r̄ ñañene wac̄iedacāhña. Ñañene ne cahmedacāhña. <sup>36</sup>Tuhasa m̄sa tūhotuyep̄r̄ quehnoañe ijigū, ñañe ne mariedagū quehnoañe dihitare tūhotunata, ni buheahye Jesu.

**Fariseo masare, judio masare buheyequina gūh̄re Jesu tuhti yahuahye**

*(Mt 23.1-36; Mr 12.38-40; Lc 20.45-47)*

<sup>37</sup>Jesu tiqiro buhe tuhasagū ihña, fariseo masano tiqirore tiqiro ya wuh̄p̄r̄ ihya dutiro pijahye. Sa yero Jesu tiqiro ya wuh̄p̄r̄ sajā sa, tiquina ihyarop̄r̄ tiquina mehna nuju sahye. <sup>38</sup>Tiqiro sa nuju sagū fariseo masano pehe Jesure ihña n̄n̄no judio masa tiquina omo coseducuro sahata tiqiro omo coseragū ihñano ohō saha ni tūhotuahye: “Yohou. ¿Ahriqiro d̄h̄sero omo coserajari usā yero saha?” ni tūhotuahye. <sup>39</sup>Tiqiro sa ni tūhotugū masino Jesu tiqirore yahuahye:

—M̄sa fariseo masa sihniñe parire, wapari gūh̄re bui pehe dihitare m̄sa cosero sahata quehnoañene ye ihñore m̄sa buigā warona. Sa yepenata Cohācjū yere queoro yerare. Apequina yere ehma m̄jare m̄sa. Sa yena ñañe dihitare tūhoture m̄sa. <sup>40</sup>Tūho masiedare m̄sa. Cohācjū m̄sa pagurire yeriqiro m̄sa tūho masiñe gūh̄re yeahye. ¿Tire masiedajari m̄sa? <sup>41</sup>Sa yena m̄sa yere pejec̄oyequinare ohoya m̄sa. M̄sa sa yena quehnoañene tūhotuna ijinata.

<sup>42</sup>M̄sa fariseo masa ñano yūhd̄nata. Moa yero saha ijiyere ihyayere ocagū yeyere c̄ona mehenogā ohomene m̄sa. Cohācjūre ño peona tana pahiare ohomene m̄sa. Sa ohoepenata quehnoañene yerare m̄sa. Sa yena masare paja ihñedare m̄sa. Sa yena Cohācjūre ño peoerare m̄sa. Oteye d̄cagāre m̄sa nedire mehenogā Cohācjūre m̄sa ohogū quehnoarīne. Sa ohona ohō saha ye nemoña: Quehnoañene yeya. Sa yena paja ihñaña masare. Sa yena Cohācjūre ño peoya m̄sa.

<sup>43</sup>M̄sa fariseo masa ñano yūhd̄nata. Buheri wuh̄p̄r̄ ijina, quehnoañe dujiye dihitare duji duare m̄sa. Doeri cjē duarop̄r̄ apequina p̄h̄toare quehnoano ño peo tiquina sinino saha m̄sare piti cagū cahmene m̄sa.

<sup>44</sup>Ñano yūhd̄nata m̄sa. Masa cope n̄ori cope yero saha ijire m̄sa. Ti cope cahagā masa ijieye, puhiar̄p̄r̄ cjūno ahbariqirore ihñedare tiquina. (Sata masa m̄sa cahagā ijieye, m̄sa tūhotuyep̄r̄re ñañe ijiyere masiedare tiquina,) niahye Jesu tiquinare.

45 Tiquiro sa nigũ tũhoro judio masare buheyequina mehna cjũno Jesure yahuahye:

—Buhegu, tire nigu usã gãhũre ñano nii niaga mũhũ, niahye tiquiro Jesure.

46 Tiquiro sa nigũ Jesu yũhtiahye:

—Ijirota ijire. Judio masare buhena mũsa gãhũ ñano yũhdũnata.

Mũsa apequinare tiquina ye masiedarire ye dutire mũsa tiquinare. Sa ye dutiepenata mũsa pehe tiquinare ne mehenogã yedohoerare ti dutiyere tiquina yeati pehere.

47 Sa yena mũsa ñano yũhdũnata. Cohãcjũ yere yahu mũhtariquina panopũ cjẽna tiquina masa coperire quehnoano quehnomene mũsa tiquinare ño peoro saha yena. Mũsa sa yepegũta panopũ cjẽna mũsa acaye pehe tiquinare wejẽahye. 48 Mũsa acaye panopũ cjẽna pehe Cohãcjũ yere yahu mũhtariquinare tiquina wejẽdiro sahata mũsa gãhũ yeboaga. Sa yena yojopũre ti masa coperire quehnomene mũsa. Sa quehnona mũsa acaye tiquinare tiquina wejẽdire wacũre mũsa. Sa tiquina wejõrĩre wacũna “Quehnoa cãhre”, ni wacũre mũsa.

49 Cohãcjũ tiquiro masiĩne mehna ohõ saha ni yahuahye: “Yeere yahu mũhtariquina gãhũre yũhũ buhe duti cũriquina gãhũre ohoutja tiquinare. Sa yeye tiquina yũhũ ohoriquinare apequinare wejẽ, apequinare ñano yeeta”, niahye Cohãcjũ. 50-51 Ahri yehpare Cohãcjũ tiquiro bajumehnedi bato Caĩ pehe Abere wejẽahye. Sa ye Cohãcjũ yere yahu mũhtariquinare Abe bato ijiyequina gãhũre ñañequina wejẽahye. Came Zacariare Cohãcjũ wũhũpũ Cohãcjũre ño peori altar cahapũ mũsa acaye wejẽahye. Ijipihtiyequina tiquinare tiquina wejẽdi buhiri yojopũ cjẽnare Cohãcjũ buhiri dahrerota. Sata ijire. Mũsare nigũta niaja. Ijipihtiyequina tiquinare tiquina wejẽdi buhirire yojopũ cjẽnare Cohãcjũ buhiri dahrerota.

52 Mũsa judio masare buhena, mũsa ñano yũhdũnata. Cohãcjũ masiĩene tiquina ojoari pũrine cũoepenata apequinare yahuerare mũsa. Mũsa basi Cohãcjũ yere tũhoerare. Sa yena apequina tiquiro yere tiquina tũho duepegũta tire mũsa tiquinare tũho dutierare, niahye Jesu tiquinare.

53-54 Tiquiro sa nigũ tũhoye judio masare buheyequina, fariseo masa gãhũ tiquiro mehna usua, tiquirore ñano yahuducuahye. Sa ye Jesu tiquiro ñano yũhtigũ tũho duaye, tiquina peye ni meho cũ sinitumahye tiquirore, tiquirore yahusã duaye.

### Tiquina ni mehoducurire Jesu yahuahye

(Mt 16.6; 10.26-27; Mr 8.15)

**12** 1 Sa ye Jesu cahapũ masa peyequina cahmecoa, wahpa yũhdũahye. Topũ Jesu tiquiro buheyequinare ohõ saha ni yahu dũcahye:

—Quehnoano wacũ masiĩna mũsa. Fariseo masa tiquina ye pãre pugũ yeyere ihñana quehnoano wacũ masiĩna. Tiquina ni mehoducurire nigu niaja “Pãre pugũ yeye”, nigu. 2 Ijipihtiyere apequina tiquina masiedarire came masieta. 3 Sa yero ñamipũre tiquina nũo yahuducurire buhrioropũ bajugũ

yero sahata Cohăcĵũ yahurota. Bihari tucũpũ apeqũirore cahmono caha tiquina nidire masa peyequina watoa yahurota Cohăcĵũ, ni yahuahye Jesu.

**Masa tiquina cueatĩquirore yahuahye Jesu**

*(Mt 10.28-31)*

4Sa yero Jesu yahu nemoahye tiquinare:

—Poto niita niaja mũsare. Masare wejẽnequina wejẽ tuhasa pari turi tiquina wejõriquina mũnare ñano ye nemo masiedare. Sa yena mũsare wejẽ duayequinare cueracãhña. 5Yojopũre mũsa cueatĩquirore mũsa ño peotĩquirore yahutja. Cohăcĵũ pehere cue, ño peoya. Tiquiro mũsa yariari bato pecapũ cohã masine mũsare. Sata ijire. Poto nigũ niaja. Cohăcĵũ pehere cue, ño peoya.

6Ihcã omopequina siripia wapa mariedare. Sa wapa mariedapegũta ihcãquirogãre Cohăcĵũ ne boerare. 7Sa yero mũsa poarire ne ihcã poa da dũhsaro marieno masi pehere Cohăcĵũ. Sata mũsa ijiye tiye gũhũre masi pehere Cohăcĵũ. Sa masino mũsare ihña ihboducure. Siripia yũhdũoro Cohăcĵũ cahĩne mũsa pehere. Sa yena tiquirore ño peona, cueracãhña mũsa, niahye Jesu.

**Jesu yequina mũsa ijiyere yahuya masare**

*(Mt 10.32-33; 12.32; 10.19-20)*

8Sa ye Jesu yahu nemoahye:

—Mũsare niita niaja. Ihcãquiro “Jesu yaquiro ijiaja”, masare tiquiro nigũ ihñagu, yũhũ masũ Cohăcĵũ ohorigũ “Tiquiro yaquiro ijire”, ni yahutja Cohăcĵũ yequina angelere. 9Ihcãquiro “Jesu yaquiro ijieraja”, masare tiquiro nigũ, yũhũ gũhũ “Tiquiro yaquiro ijierare”, ni, yahutja Cohăcĵũ yequina angelere.

10Ihcãquiro yũhũre ñano tiquiro ni yahuducugũ ti ñañene Cohăcĵũ bo masine. Sa boeperota ihcãquiro Espĩritu Santo pehere tiquiro ñano ni yahuducugũ ti ñañene ne Cohăcĵũ bosĩ.

11Mari judio masa buheri wũhũpũ pũhtoa cahapũ apeqũina mũsare ne sajã “Ñañequina ijire”, ni yahusãeta. Tiquina sa yahusãgũ mũsa yahuducuatire “Acuehi, masiedaboaga”, ni tuhoturacãhña. 12Tiquina mũsare yahusãgũta Espĩritu Santo mũsa yahuducuatire yahurota, niahye Jesu.

**Doeri cĵẽ upũro quitire yahuahye Jesu**

13Sa ye masa mehna cĵũno Jesure ohõ saha ni yahuahye:

—Buhegu, usã pacũ tiquiro yariari bato tiquiro ye usãre tojoare. Sa yegu yũhũ wahmine tire yũhũ gũhũre queoro tu wa dutiya, niahye tiquiro Jesure.

14Tiquiro sa nigũ Jesu yũhtiahye:

—Ne ti borore tu wabogu ijieraja yũhũ, niahye Jesu tiquirore.

15Sa ni tuhasa Jesu ijipihtiyequinare yahuahye:

—Quehnoano yeya mũsa. Doeri cĵẽne, apee boro gũhũre cahĩedacãhña. Peye sũoepenata ti mehnata bucueducueraja mari, niahye Jesu.

16Sa ni tuhasa Jesu quti mehna yahuahye tiquinare:

—Doeri cjē upuro quehnoari yehpare cūoahye. Sa ye ti yehparū tiquiro otegū quehnoano dūca tiahye. <sup>17</sup>Sa yero tiquiro basi ohō saha ni tūhotumahye: “Dūca ihboye wūhuse ne esa tuhaerare. <sup>18</sup>Yojoṛure ohō saha yeitja: Yojoṛu yūhu ihboye wūhūserē cohā cā, mūna wūhūse yūhdūoro wahma wūhūse yeitja. Ti wūhūserū yūhu oteye dūcare, ijipihtiyere yeere ihboutja. <sup>19</sup>Yūhu sa yeri bato, ohō saha ni, tūhotutja yūhu basi: ‘Yūhu peye apee boro cūogu ijiaja. Quehnoano soutja. Sa yegū ihya, sihni, bucueitja’, ni tūhotutja yūhu basi”, ni tūhotumahye tiquiro. <sup>20</sup>Tiquiro sa ni tūhotugū Cohācjū tiquirore yahuahye: “Mūhu ne tūho masiegū ijire. Mia ñamita mūhu yariagūta. Mūhu sa wahagū mūhu ye, mūhu cahīdi butia waharota”, niahye Cohācjū tiquirore, niahye Jesu masare.

<sup>21</sup>Tire nino, masare ohō saha ni yahuahye Jesu:

—Sata wahaeta doeri cjē opana Cohācjūre wacūēnequina. Sa yero peye doeri cjēne, niñerure tiquiro ye ijia ti dihitare ihboriquiro Cohācjūre wacūedarō, tiquiro pejecuoriquiro yero saha ijirota, Cohācjū tiquiro ihñagū. Sa yero Cohācjū tiquirore ihña bucuere, niahye Jesu.

### **Cohācjū tiquiro pohne ihña ihbore**

*(Mt 6.25-34)*

<sup>22</sup>Sa ye Jesu tiquiro buheyequinare ohō saha ni yahuahye:

—Ahrīre mūsare nigū niaja: Mūsa ihyatire, mūsa suhti sañatire, pajiro bujua witi tūhotueracāhña. <sup>23</sup>Cohācjū mūsare bajumehnenō, ihyatiquina dihitare yerari mūsare. Sa yero suhti sañatiquina dihitare yerari mūsare tiquiro.

<sup>24</sup>Minicjua parire Cohācjū tiquiro ihña ihboyere masiña. Tiquina weseri marieñequina ijire. Sa ye ihyayere tiquina ihboye wūhūse tiquinare mariedare. Tiquina sa ijigū ihñano tiquinare Cohācjū tiquina ihyatire ohore. Minicjua yūhdūoro mūsa pehere cahīne Cohācjū. <sup>25</sup>Pajiro mūsa tūhotuye mehna ti mūsare ihcā hora cati nemogū yerare. Sa yero mūsa pajiro tūhotuye dūhseati ijierare. <sup>26</sup>Sa ye pajiro mūsa tūhotuye mehna ne mehenogā ye masiedare mūsa. ¿Sa yena pajiro mūsa tūhotuye ti dūhseati ijierapegūta dūhse yena mūsa ihyatire, mūsa sihniatire, mūsa sañatire pajiro bujua witi tūhotuajari?

<sup>27</sup>Nūcu cjē cohōrire tūhotuya. Ti cohōri ti basi suhtire yerare. Sa yerapeta quehnoañe suhti sañañequina yero saha quehnoano bajure ti cohōri. Salomo mūnāno quehnoañe suhtire sañariquiro tiquiro ijiepegūta ti cohōri pehe tiquiro yūhdūoro quehnoa yūhdūaye cohōri waro ijire. <sup>28</sup>Cohōrire quehnoañe cohōri yere Cohācjū pehe. Tiquiro sa yepegūta cohōri pehe meheñe decorigā ijiducume ñai bora dijiaa wahare. Mehenogā iji, ape deco pecarū ūjūa wahare. Ti sa ijiepegūta cohōrire quehnoañe cohōri ijigū yere Cohācjū. Sa yero Cohācjū cohōrire tiquiro quehnoañe cohōri tiquiro yeriro yūhdūoro mūsa gūhūre quehnoano yerota. Suhtire ohorota. Mehenogā Cohācjūre wacū tutuare mūsa. <sup>29</sup>Sa yena mūsa ihyatire, mūsa sihniatire pajiro bujua witi tūhotueracāhña. <sup>30</sup>Cohācjūre cahmeeñequina pehe ahri yehpa cjēna pehe tire sa macaducuye nine. Mari Pacū ūhmūse cjūno ijipihtiyē mūsa cahmeeñe

masine. Tiquiro sa masigũ pajiro bujua witi tuhoturacãhña. <sup>31</sup>“Cohãcjũ yũhu pũhoro ijire”, ni tuhutu, tiquirote cahmeña mũa. Mũa sa yeri bato Cohãcjũ pehe mũa cahmeñe dũhsagũ ohorota, ni yahu nemoahye Jesu.

**Uhmũsepu mari peye cwo masiaja**

(Mt 6.19-21)

<sup>32</sup>Sa yero tiquinare yahu nemoahye:

—Yũhu cahña, meheñequinagã ijiepenata, cueracãhña mũa. Cohãcjũ tiquiro pũhoro ijiropure tiquiro mehna mũa ijigũ cahmene tiquiro. <sup>33</sup>Sa yena mũa yere dua pehoya. Tire dua, ti niñerure ne, pejescoyequinare ohoya. Sata mũa yegũ uhmũse cjẽ mũa wapataye ne pihtisi. Uhmũsepu mũa ye ijero ne pihtierare. Topure mũa yere nea masiedare yaqueriquiro. Sa ye mecasia gũhu tire tua masiedare. <sup>34</sup>Uhmũsepu mũa ye ijigũ uhmũse cjẽ dihitare tuhutonata mũa, niahye Jesu.

**Jesu tiquiro tojoa tatire cohte dutiahye tiquiro yequinare**

<sup>35-36</sup>Sa ni tuhasa tiquinare yahu nemoahye:

—Mũa yere quehnoyu tuhasariquina yero saha yeere sa yeducuna ijina yũhure cohteya. Dahra cohteyequina tiquina pũhoro omoca dũhteri bose decopũ tiquiro wahagũ tiquiro tojoa tatire tiquina cohtere. Tiquina sa cohteriro saha yũhu tojoa tatire cohteya mũa gũhu. Pũhoro tiquiro wũhũpũ wihi, sopecahare tiquiro dotegũ tuhoye tiquina duita pũo sũre tiquirote. <sup>37</sup>Dahra cohteyequina tiquina pũhoro wihigũ tiquiro cahmeno sahata yeducuyequina ijije, bucuyequina ijjeta. Tiquina sa yegũ ihñano pũhoro pehe dahra cohteriquiro yero saha comesarota. Sa yero dahra cohteyequinare duji dutiro, tiquiro tiquina ihyayere peorota. <sup>38</sup>Tiquiro wihiri pje ñami decopũ, o bohreagũpu ijiepegũta dahra cohteyequina pehe tiquiro wihiri pjere tiquirote quehnoano cohteyequina ijije, bucuyequina ijjeta tiquina. <sup>39</sup>Ahrire wacũña. Yaqueriquiro wũhũpũ tiquiro wihiatore pano ti wũhu cjũno masiedare. Wũhu cjũno yaqueriquiro tiquiro wihiatore masino, yaqueriquirote sajã ta dutieraboaga. Sa yero wacũeno mehna ahtare yaqueriquiro. <sup>40</sup>Sa yena mũa gũhu cohteya. Yũhu masũ Cohãcjũ ohorigũ wacũeno mehna ahtautja. Sa yena yeere sa yeducuna ijina cohteya mũa, niahye Jesu tiquinare.

**Apequiro dahra cohteriquiro tiquiro pũhoro tiquiro ño peogũ,**

**apequiro pehe ño peoerahye**

(Mt 24.45-51)

<sup>41</sup>Tiquiro sa nigũ Pedro pehe sinituahye Jesure:

—¿Ahri quitire yahugũ usãre nigũ nijari? ¿O ijipihtiyequinare sa nigũ nijari? niahye Pedro.

<sup>42</sup>Tiquiro sa nigũ Jesu tiquiro tuhutuye mehna ohõ saha ni queoye mehna buheahye tiquinare:



—Dahra cohteriquiro tiquiro pũhtoro ño peoriquiro tũho masiniquiro ohõ sahata ijire. Pũhtoro tinino waharo, dahra cohteriquirore tiquiro ya wũhũre cũre. Tiquiro cũnohriquirõ pehe dutiriquiro ijirota. Sa yero tiquiro ihyari pje ijigũ apequina dahra cohteyequinare ihyayere itire. <sup>43</sup>Came pũhtoro tiquiro wihigũ dahra cohteriquiro pehe tiquiro pũhtoro tiquiro dutiriro sahata ye pehoriquiro ijiro, tiquiro bucueriquiro ijirota. <sup>44</sup>Poto nigũta niaja mũsare. Tiquiro sa yegũ tiquiro pũhtoro ijipihtiyẽ tiquiro yere ihña ihboriquiro cũnota tiquirore. <sup>45</sup>Apequiro dahra cohteriquiro pehe “Yũhũ pũhtoro yoari pje bajuerare”, niboaga. Sa nino apequina dahra cohteyequinare mũmũare, numia gũhũre quẽ mũja, pajiro ihya, sihni, queheboaga. <sup>46</sup>Tiquiro sa yeri bato wacũeno mehna tiquiro pũhtoro wihirota. Sa wihiro tiquirore ñano buhiri dahrerota. Sa yero Cohãcjũre yũhdũdũcayequinare tiquiro cohãnopũ tiquirore cohãnota.

<sup>47</sup>Sa yero dahra cohteriquiro tiquiro pũhtoro cahmeñene masiniquiro ijieperota tire tiquiro yeragũ, tiquiro quehnoano dahraeragũ tiquiro pũhtoro pehe tiquirore yuta da mehna tananota. <sup>48</sup>Apequiro pehe dahra cohteriquiro tiquiro pũhtoro cahmeñene masieniquiro ijiro quehnoano yeragũ ihñano tiquiro pũhtoro pehe derogã tiquirore tananota. Cohãcjũ pajiro masare ohoro pajiro tiquinare apequinare oho dutirota. Sa yero tiquiro cahmeñene masigũ yere masare. Quehnoano tiquiro masigũ yenhriquinare quehnoano yũhti dutire tiquiro, niahye Jesu.

### Jesu masare cahme tu wagũ yere

(Mt 10.34-36)

<sup>49</sup>Sa ni tuhasa Jesu tiquinare yahuahye tja:

—Peca mũjũa weriro sahata yũhũ ahri yehpũpũre masa tiquina ñañe yeyere cose wegũ ahtagũ nii. Yojoopũ pũrita peca mũjũa wero saha ñañe marieñequina masa tiquina ijigũ tutuaro cahmeaja yũhũ. <sup>50</sup>Yũhũ ñano yũhdũtja. Yũhũ sa ñano yũhdũatire cohtegũ, ñano jeripohna tiaja yũhũ. <sup>51</sup>¿Dũhse ni tũhotuajari mũsa yũhũre? ¿“Tiquiro masare tiquiro buheri bato apequina tiquina basi ihña tuhtisi”, ni tũhotuajari mũsa yũhũre? Sa ijierare. Masare yũhũ buheri bato ihquẽquina yeere tũhoeta. Apequina pehe tiquinare ihña tuhtietã. Ihcãno saha ijisi masa. Mũsare nigũta niaja. Masa yũhũ buheyere tũhoye, pũa curua cahme tu waeta. <sup>52</sup>Yojoopũre ihcã wũhũ cjẽna ihcã omopequina masa yũhũ buheyere tũhoye, pũa curua tiquina basi cahme tu waeta. Ihcã curua ihtiaro, ape curua pũaro ijietã. <sup>53</sup>Tiquiro pacũro tiquiro macũnore ihña tuhtirota yaquiro tiquiro ijiri buhiri. Tiquiro macũno gũhũ tiquiro pacũrore ihña tuhtirota yaquiro tiquiro ijiri buhiri. Sa yero ticoro pacoro maconore ihña tuhtirota yacoro ticoro ijiri buhiri. Sa yero apecoro macono gũhũ ticoro pacorore ihña tuhtirota yacoro ticoro ijiri buhiri. Sa yero ticoro mareono ticoro macũ namonore ihña tuhtirota yacoro ticoro ijiri buhiri. Sa yero apecoro macũ namono gũhũ ticoro mareonore ihña tuhtirota yacoro ticoro ijiri buhiri. Sa waharota, yũhũ buheyere tiquina tũhogũ, niahye Jesu.

**Quehnoari deco ijiatire, ñari deco ijiatire masa tiquina  
masiñene yahuahye Jesu  
(Mt 16.1-4; Mr 8.11-13)**

<sup>54</sup>Sa ye Jesu masare ohō saha ni yahuahye tja:

—Ahrie pehepə acoro cururire ihñana, duita “Acoro ahtarota”, nine mūsa. Mūsa sa nidi bato acoro ahtare. <sup>55</sup>Sa yena surpə wihnono ahtagū “Asiri deco ijirota”, nine mūsa ahri yehpapə ijina. Mūsa sa nidi bato cūhmari deco ijire. <sup>56</sup>Mūsa masa ihñonopə quehnoano iji mehoducuna ijire. Mūsa ahri yehpare ūhmūse gūhūre ihñana, quehnoari deco ijiatire, ñari deco ijiati gūhūre masine mūsa. ¿Sa yena yojopə cĵē decorire masiepenata dūhsena ahri yehpa cĵāna yojopūre mūsa dūhse wahatire masiedajari mūsa? niahye Jesu.

**Mūsare ihña tuhtiriquiro mehna mūsa cahmequedire cahmeque duhuya  
(Mt 5.25-26)**

<sup>57</sup>Sa ni tuhasa ohō saha ni yahu nemoahye:

—¿Mūsa poto yeatire yojopə masiedajari mūsa? <sup>58</sup>Apequiro mūhūre yahusāno waharo buhiri dahre dutiri wūhūpə waha dutiboaga. Topə wahana “Pari turi mūhūre sa yesi”, nigū cahmeque duhuya. Mūhū sa duhueragū tiquiro buhiri dahre dutiriquiro cahapə neaboaga mūhūre. Sa yero buhiri dahre dutiriquiro pehe mūhūre surarare tiquiro ohogū, mūhūre surara peresu yeeta. <sup>59</sup>Mūhūre nigū niaja. Topə ijiniita mūhū. Tee tiquina wapa ye dutirire mūhū wapa ye pehogupə wijiagata mūhū, niahye Jesu.

**Mūsa ñañe yerire bĵjūa witi, quehnoañe pehere comesaya**

**13** <sup>1</sup>Ti pjere meheñequinagā masa Jesure ohō saha ni yahue tiahye: —Galilea cĵēna wahiquirore wejē ūjūa mūo Cohācĵūre tiquina ño peori watoa Pilato pehe tiquinare wejēahye. Tiquiro sa wejēgū wahiquiro dii mehna masa dii moreahye, ni, yahuahye tiquina Jesure.

<sup>2</sup>Tiquina yahu tuhasagū Jesu yūhtiahye:

—¿Galilea cĵēna Pilato tiquiro wejēgū wejōriquina mūnare dūhse ni tūhotuajari mūsa? ¿Tiquina sa yariagū apequina Galilea cĵēna yūhdūoro ñañequina tiquina ijiri buhiri sa yeyari Cohācĵū tiquinare, mūsa tūhotugū? <sup>3</sup>Ijierare. Mūsare niita niaja. Mūsa pehe mūsa ñañene bĵjūa witierana, quehnoañe pehere comesaerana, mūsa gūhū yariana pecapə wahanata. <sup>4</sup>Sa ye sohō ijiriquina diez y ocho masa Siloé wame tiri wūhū ūhmūari wūhū tiquina bui wihnoa dijiaro, tiquinare wejē pehoahye. ¿Sa waha yariaye, apequina Jerusalē cĵēna yūhdūoro ñañequina ijiyari tiquina, mūsa tūhotugū? <sup>5</sup>Ijierare. Mūsare niita niaja. Mūsa ñañene bĵjūa witierana quehnoañe pehere comesaerana, mūsa gūhū yarianata. Sa yena pecapə wahanata, niahye Jesu tiquinare.

### Higueragu dũca mariedũ quitire yahuahye Jesu

<sup>6</sup>Sa ni tuhasa apeye queoye mehna piti dahre yahuahye tiquinare: —Wese upũro tiquiro wesepũ higueragure cũoahye. Sa yero tiquiro tũ dũcare macano wahamahye. Bocaerahye. <sup>7</sup>Bocaeraro tiquiro wese dahrariquiore yahuahye. “Tũhoya yũhũre. Ihtia cũhma waro higueragu dũcare macamaja. Dũca mariedare. Tũ dũca mariedagũ ture quẽ cohã cãhũa. Tũ ya wesepũ ijigũ apedũre otero basioerare. Apedũ tũ ihyaborire ihyaboaga tũ dũca mariedũ pehe”, niahye wese upũro tiquirore dahra cohteriquirore. <sup>8</sup>Tiquiro sa nigũ tũhoro dahra cohteriquiro ohõ saha niahye: “Pũhto, ahdũ ihcã cũhma waro ducurĩahdo. Tũ nũhcoripũ yũhũ sehẽgũtja. Tuhasa, wahiquiro cũhta mehna ti copere yautja. <sup>9</sup>Yũhũ sa yeri bato tũ ape cũhma dũca tiro dũca tiboaga. Tũ dũca mariedagũ mũhũ quẽ cohã dutigũta”, niahye dahra cohteriquiro wese upũrore, ni, yahuahye Jesu.

### Saurũ deco ijigũ Jesu dohatiricore yũhdũoahye

<sup>10</sup>Ti pjere saurũ deco ijigũ Jesu judio masa buheri wũhũpũ buhero niahye. <sup>11</sup>Topũ watĩno cũoricoro ijiahye. Watĩno pehe diez y ocho cũhmari waro dohatigũ yeahye ticorore. Sa yero pari tjũ ducuricoro ijiro, poto ducu masiedahye. <sup>12</sup>Ticoro sa ijigũ ihũano Jesu ticorore ihũa, pisuahye:

—Numio, mũhũ dohatiye pihitia wahare, ni, pisuahye Jesu.

<sup>13</sup>Tiquiro pisuri bato ticorore tiquiro ña peogũ duita ticoro quehnoano poto dũca sahye. Sa waharo “Cohãcjũ tutuagu, quehnoagu ijire mũhũ”, ni ño peoahye ticoro. <sup>14</sup>Jesu ticorore saurũ deco ijigũ tiquiro yũhdũogũ ihũano judio masa buheri wũhũ cohteriquiro pehe tiquiro mehna usuahye. Sa usuaro tiquiro masare ohõ saha niahye:

—Seis decori ijire mari dahraye decori. Sa yena mũsa dohatiyequinare yũhdũo duana, ti decorire tire yeya. Saurũ mari sori decore tire yeracãhũa, niahye ti wũhũre cohteriquiro.

<sup>15</sup>Tiquiro sa nigũ Jesu ohõ saha ni yũhtiahye:

—Masa ihũono dihita quehnoana iji mehona ijire mũsa. Mũsa wecũre, burro gũhũre cũona saurũ decore tiquina dũhteri dare pã, tiquinare ne buha, sihni dutiboaga. <sup>16</sup>Yojopũ ahricorore Abrahã mũnana acayorore watĩno diez y ocho cũhmari waro ticorore dohatigũ yere. ¿Saurũ deco ijigũ ticorore yũhdũo dutierajari mũsa? niahye Jesu.

<sup>17</sup>Tiquiro sa nigũ tũhoye, tiquina bũoro wahahye. Sa ye apequina pehe ijipihtiyequina Jesu yerire ihũa, bucueahye.

**Mostaza pje queoyere yahuahye Jesu***(Mt 13.31-32; Mr 4.30-32)*

<sup>18</sup>Sa ye Jesu queoye mehna buheahye masare:

—¿Ne Cohācjū masa puhtoro tiquiro ijiye yabe boro yero saha ijjajari? Ahri quiti mehna tire tiquiro puhtoro ijiyere yahutja yuhū. <sup>19</sup>Mostaza pjegã yero saha ijire. Ti pjegãre oteriquiro tiquiro ya wesere otere. Tiquiro oteri bato ti pjegã pihnine. Sa ye tū bucūagū minicjua pari ti dūp̄arip̄u suhti suhare, niahye Jesu. (Sa nino ohō saha nino niahye. Mostaza pjegã pajidu tū bucūariro saha uhmuse cjūnore mari puhtore masiñequina meheñequinagã tiquina iji mūhtaep̄egūta camep̄u tiquina peyequina wahaeta.)

**Pã pugū yeye queoyere yahuahye Jesu***(Mt 13.33)*

<sup>20</sup>Sa yero pari turi Jesu queoye mehna buheahye:

—¿Ne Cohācjū masa puhtoro tiquiro ijiye yabe boro yero saha ijjajari? <sup>21</sup>Pãre pugū yeye yero saha ijire. Tire numino ihcã ajuro trigore aco mehna quehnoano tire dahra morene pã bucūatire. Ticoro sa yegū pãre pugū yeye pehe trigore quehnoano sehśaa wahare, niahye Jesu. (Sa nino ohō saha nino niahye. Pãre pugū yeye trigore ti sehśaa wahariro saha uhmuse cjūnore mari puhtore peyequina masa ijipiltiro cjēna masieta.)

**Meheni sopecahagã quitire yahuahye Jesu***(Mt 7.13-14, 21-23)*

<sup>22</sup>Sa ye Jesu bujūye macarip̄u, daye macarigāp̄u gūhūre buhe cã, Jerusalēp̄u esaro taro niahye. <sup>23</sup>Tiquiro sa wahari watoa masūno Jesure ohō saha ni sinituahye:

—¿Puhto, meheñequinagã masare pecap̄u wahaboriquinare yūhdūrotari Cohācjū? niahye tiquiro Jesure.

Tiquiro sa nigū Jesu queoye mehna buhero ohō saha ni yahuahye:

<sup>24</sup>—Peyequina masa Cohācjū cahap̄u waha duaye, sajã duamene. Meheni sopecahagãre mūsa sajã duagū mijorīne. Sata Cohācjū cahap̄u mūsa waha duagū mijorīne. Masa sa sajã duepeta sajã masiedare. Sa yena mūsa pehe mehni sopecahagãre mūsa tutuaro sajã duaboro sahata Cohācjū pehere tutuaro masiña. <sup>25</sup>Ohō saha yerota Cohācjū peyequina masare. Tiquiro wūhū up̄ro yero saha ijire. Wūhū up̄ro wahcã, sopecahagãre biharota. Tiquiro sa yegū sopecahagāp̄u ducuna, dotenata. Dotena ohō saha ninata. “Puhto, sope pahmare pōohña”, mūsa nigū wūhū up̄ro pehe yūhtirotā. “Mū sare, mūsa ahtariro gūhūre ne masiedaja yūhū”, ni yūhtirotā. <sup>26</sup>Tiquiro sa nigū mūsa yūhtinata. “Mūhū mehna ūsã ihya, sihnii. Ūsã ya macap̄u buheri mūhū”, ninata mūsa. <sup>27</sup>Mūsa sa nigū tiquiro pehe yūhtirotā. “Mū sare, mūsa ahtariro gūhūre ne masiedaja. Ijipihtina mūsa ñañe yerina yūhū cahap̄u ahtaeracāhña”, ninota wūhū up̄ro. <sup>28</sup>Sa ye

Abrahãre, Isaare, Jacore, ijipihtiyequina Cohãcjũ yere yahu mũhtariquinare Cohãcjũ tiquiropũtoro ijire tiquina ijigũ ihñana, mũa pehe sopecahapũ cohõrina ijina tutuaro utinata. Sa yena mũa tutuaro bũjua witina, bahque dihonata. <sup>29</sup>Ti pjere ijipihtiropũtoro cjenã Cohãcjũ tiquiropũtoro ijire esa, tiquiropũtoro mehna ihya dujieta. <sup>30</sup>Yojoõpũre ihyo ijieyequina ijiriquina ti pjere pũthoa ijietã. Sa yeye yojoõpũre pũthoa ijiriquina ti pjeõpũre ihyo ijieyequina ijietã, niahye Jesu.

### Jerusalẽ cjenãre tutuaro cahĩahye Jesu

(Mt 23.37-39)

<sup>31</sup>Ti pjere meheñequinagã fariseo masa Jesu cahapũ esa, tiquiropũtoro yahuahye: —Herode mũhũre wejẽ duare. Sa yegũ ape siepũ wahaya mũhũ, niahye tiquiropũtoro.

<sup>32</sup>Tiquina sa nigũ Jesu pehe yũhtiahye:

—Herode ni mehoñe peyariquiropũtoro ijire tiquiropũtoro. Ohõ saha ni yahuya tiquiropũtoro: “Jesu watiãre cohãno nine. Sa yero dohatiyequinare yũhdũoro nine. Tire miãre, ñamã gũhũre yerota. Sa yero ñamã bohrearo dahra bato tirota”, ni yahuya Herodere. <sup>33</sup>Sa yegũ miãre waha, ñamã gũhũre waha, ñamã bohrearo gũhũre waha, Jerusalẽpũ esaũtja. Cohãcjũ yere yahu mũhtagũre yũhũre wejẽeta masa. Cohãcjũ yere yahu mũhtariquinare tiquina wejẽgũ Jerusalẽpũ ijire cahmene tiquinãre. Sa yegũ yũhũ gũhũre Jerusalẽpũ ijire cahmene.

<sup>34</sup>Ahyo, Jerusalẽ cjenã, mũa Cohãcjũ yere yahu mũhtariquinare wejẽ, mũa cahapũ tiquiropũtoro ohoriquinare utã paca mehna doque wejẽdi mũa. Canaca ticoro pohne wũye dũpũri mehna ticoro moha cuñano saha peye tahari mũsare cahĩducumi. Mũsare cahmemi. Mũa pehe yũhũre ne cahmedari.

<sup>35</sup>Yojoõpũ mũa ya macã cohõri macã ijirota. Ijirota niita niaja mũsare. Cohãcjũ mari pũthoro tiquiropũtoro tutuayẽ mehna ahtaũtja yũhũ. Yũhũ ahtaũgũ mũa yũhũre “Cohãcjũ tutuayẽ mehna ahtariquiropũtoro quehnoahdo”, ninata. Yũhũre mũa tire niato pano pari turi yũhũre ihñasi mũa, niahye Jesu.

### Dohatiriquiropũtoro yũhdũoahye Jesu

**14** <sup>1</sup>Ape deco saurũ ijigũ fariseo masa pũthoa mehna cjenã ya wũhũpũ Jesu ihyaro wahahye. Ti wũhũpũ ijieyequina tiquiropũtoro ihñã nũnũahye. <sup>2</sup>Sa yero omoca, ñecũ gũhũ ipinohriquiropũtoro tiquiropũtoro cahapũ esahye. <sup>3</sup>Sa yero Jesu judio masare buheyequinare, fariseo masa gũhũre sinituahye: —¿Saurũ ijigũ dohatiriquiropũtoro yũhdũo dutiajari Cohãcjũ yere tiquina ojoari pũpũ? niahye Jesu.

<sup>4</sup>Tiquiropũtoro sa ni sinituepegũta tiquina yũhtierahye. Tiquina yũhtieragũ ihñano Jesu dohatiriquiropũtoro yũhdũo, “Wahaya”, niahye tiquiropũtoro. <sup>5</sup>Sa ye tuhasaro, tiquinãre sinituahye tja:

—¿Ihcãquiropũtoro mũa mehna cjenã tiquiropũtoro macũno saurũ deco mari sori deco ijigũ aco ijire copepũ tiquiropũtoro bora saõõgũ ne wioeraboagari, mũa

tuhotugũ? ¿Tiquiro yaquiro wecũ gũhũre ne wioeraboagari, mũasa sa nina? Ne wioboaga tiquiro, niahye Jesu.

<sup>6</sup>Tiquiro sa niepegũta tiquina tiquiro siniturire yũhti masiedahye tja.

### **Omoca dũhteri bose deco ijigũ pijioriquinare yahuahye Jesu**

<sup>7</sup>Fariseo masũno ya wũhũpũ ijiro ti wũhũ cĩũno tiquiro pijioriquina quehnoañe dujiyere tiquina besegũ ihñahye Jesu. Sa ihña tuhasa ohõ saha ni yahuahye ijipihitiyequinare:

<sup>8</sup>—Omoca dũhteri bose deco mũsare tiquiro pijiogũ, quehnoañe dujiyere bese dujieracãhña. Mũasa yũhdũoro cua pesayequinare pijioboaga ahri wũhũ upũro. <sup>9</sup>Tiquiro sa yegũ mũasa quehnoañe dujiyepũ dujigũ “Ahriquina cua pesayequina pehere mũasa dujiyere ohoya”, niboaga wũhũ upũro mũsare. Tiquiro sa nigũ mũasa pehe bũoro wahana, ñañe dujiyepũ dujioboaga. <sup>10</sup>Sa yena wũhũ upũro mũsare tiquiro pijiogũ, ñañe dujiyepũ duji mũhtaña. Mũasa sa yegũ wũhũ upũro mũsare “Quehnoañe dujiye pehere dujina ahtaya”, ninota mũsare tiquiro. Mũasa sa wahagũ apequina tiquiro pijioriquina pehe mũsare ño peoye mehna ihñaeta. <sup>11</sup>Ihcãquiro tiquiro basi “Pũhtota ijiaja”, ni tuhoturiquiro cahacjũno ijirota. Sa yero apeqũro “Cahacjũ ijiaja”, ni, tuhoturiquiro, apequinare yũhdũdũca dueriquiro tiquiro pehe pũhtoro ijirota, niahye Jesu tiquinare.

<sup>12</sup>Sa ni tuhasa Jesu wũhũ upũrore yahuahye:

—Mũhũ bose deco dahregũ mũhũ cahapũ ijieyequinare, mũhũ bahanare, mũhũ acayere, doeri cjẽ opanare pijioeracãhña. Mũhũ tiquinare pijiogũ mũhũ gũhũre tiquina gũhũ piji cahmeeta. Sa piji cahmeñe mũhũre tiquina wapamonore wapa yeeta. <sup>13</sup>Mũhũ bose deco dahregũ pejecũoyequinare, tini masieñequinare, pari yuri wahayequinare, caperi bajueyequinare pijiohya. <sup>14</sup>Mũhũ sa yegũ ihñano Cohãcjũ mũhũre quehnoano yerota. Tiquina pehe mũhũre tiquina wapamonore wapa ye masiedare. Sa yero quehnoañequina yariariquina tiquina masa mũjari pje ijigũ Cohãcjũ pehe quehnoano mũhũ yeri wapa mũhũre quehnoano yerota, niahye Jesu wũhũ upũrore.

### **Pajiri bose deco queoyere yahuahye Jesu**

*(Mt 22.1-10)*

<sup>15</sup>Tiquiro sa nigũ tuhoro apeqũro ihyari mesa cahapũ dujiriquiro, Jesure yahuahye:

—Cohãcjũ tiquiro pũhtoro ijiropũ tiquiro ihyari mesa cahapũ dujiyequina tutuaro bucueyequina ijieta, niahye tiquiro Jesure.

<sup>16</sup>Tiquiro sa nigũ Jesu ahri queoyere yahuahye tiquirore:

—Pajiri bose deco dahreriquiro peyequina masare pijioahye. <sup>17</sup>Tiquiro pijiori bato bose deco tiquiro cahacjũnore tiquiro pijioriquinare yahu dutiro ohoahye. “Isa, ijipihitiyere bose deco cjẽ ijiatire quehno tuhasari. Sa yero mũsare pijiori”, ni, yahu dutiahye tiquiro cahacjũnore. <sup>18</sup>Tiquiro cahacjũno tiquiro sa ni yahuepegũta, tiquiro pijionohriquina pehe “Waha masiedaja”, niahye tiquina.

Tiquiro pijio m̄htanohriquiro oh̄o saha ni yahuahye tiquiro cahacj̄nore. “Mianoḡata yehpare d̄uu. Sa yegu ti yehpare ih̄nagu wahagu niaja. Sa yero waharo basioeraga. Ño peo cj̄ũna m̄hu ȳhure. Ȳhure basioerare”, niahye tiquiro pijio m̄htanohriquiro pehe tiquiro cahacj̄nore. <sup>19</sup>Apequiro pehe oh̄o saha niahye: “Wec̄are p̄a omoca p̄htieyquinare mianoḡata d̄uu. Buhe tuhugu wahau t̄u niaja ti weje c̄atore. Sa yegu wec̄are ‘¿Quehnoano dahrajari?’ ni ih̄nagu wahagu t̄u niaja. Sa yegu wahasi. Ȳhure basioerare”, niahye tiquiro ḡũh. <sup>20</sup>Apequiro pehe oh̄o saha niahye: “Ȳh̄ mianoḡata omoca d̄h̄tei. Sa yero bose decop̄a waharo basioeraga ȳhure”, niahye tiquiro cahacj̄nore.

<sup>21</sup>Tiquiro sa niḡu cahacj̄no pehe tojoa waha, tiquiro p̄htorop̄are tiquina nidire yahu peho c̄ahye. Tiquiro sa ni yahuḡu tiquiro p̄htoro tutuaro usua, oh̄o saha niahye tiquiro cahacj̄nore. “W̄h̄use watoa cj̄ maharip̄a wahaya. Pejec̄oyequinare macar̄isa. Sa yegu pejec̄oyequinare, tini masieñequinare, caperi bajueyequinare, pari yuri wahayequinare m̄m̄n̄ano ne c̄ah̄taya tiquinare”, niahye p̄htoro. <sup>22</sup>Came cj̄unoḡa tiquiro cahacj̄no yahuahye tiquiro p̄htoro: “P̄h̄to, m̄hu dutiriro sahata yei. Ȳh̄ sa yepeḡuta apequina ḡũh esa tuhaeta”, niahye tiquiro cahacj̄no. <sup>23</sup>Tiquiro sa niḡu p̄htoro tiquirore dutiahye: “Ih̄qū w̄h̄use ij̄irop̄a wahaya. Top̄a b̄j̄ȳe maharip̄a, daye mahariḡap̄a ḡũhure masare ya w̄h̄p̄a ahta dutiya, ya w̄h̄p̄a tiquina wahpaḡa. <sup>24</sup>Poto niita niaja m̄h̄ure. Ahriquina ȳh̄ pijio m̄htamediquina ȳh̄ ih̄yayere ne mehenoḡa ih̄yasi”, niahye p̄htoro, ni yahuahye Jesu.

### Jesu mehna wahaḡu mijor̄ine

(Mt 10.37-38)

<sup>25</sup>Ti pjere peyequina masa Jesu mehna wahahye. Sa yero Jesu tiquinare majare ih̄na, yahuahye:

<sup>26</sup>—Ihc̄aquiroȳh̄ buheriquiro iji duaro apequina ȳhd̄oro ȳh̄ pehere cah̄no cahmene. Tiquiro pac̄ore, tiquiro pacorore, tiquiro namonore, tiquiro poh̄nene, tiquiro bahanare, tiquiro paḡu ḡũhure tiquiro cah̄no ȳhd̄oro ȳh̄ pehere cah̄no cahmene. <sup>27</sup>Ihc̄aquiroȳh̄ buheriquiro iji duaro yeere sa yeducuriquiro ij̄irot̄a. Sa yero yaquiro tiquiro ij̄iri buhiri ñano ȳhd̄uero t̄a ȳh̄ure ne duhusi. <sup>28</sup>Ahrire masiyuro cahmene m̄sare. Oh̄o saha ij̄ire ti: W̄h̄ dahreriquiro tiquiro h̄m̄ari w̄h̄ure yeato pano w̄h̄ wapa tiatire queo m̄htare. Sa yero, ti w̄h̄ure tiquiro pehoatire masine tiquiro. <sup>29</sup>Wapa tiyere queoeraro ti w̄h̄ure yero pehoerabo. Sa ye tiquirore ih̄ñañequina b̄j̄p̄ebo. <sup>30</sup>“Ahriquiroȳh̄ ti w̄h̄ure yero, tutuerare”, ni, b̄j̄p̄ebo. <sup>31</sup>P̄htoro apequiro p̄htoro yeequina mehna tiquina cahmequeato pano, tiquiro yequina surarare tiquiro cahme wej̄e dutiato pano, tiquiro yequina surarare queorota. “¿Ȳh̄ diez mil surara mehna apequiro veinte mil surara c̄oriquiro mehna cahme wej̄eḡu tutueraboagari ȳh̄?” ni, t̄hoturo queorota tiquiro. <sup>32</sup>Sa queoro, tiquiro tutueratire masinota. Sa masino apequiro p̄htoro tiquiro yequina surara mehna cahme wej̄eno ahtariquiroȳh̄ yoarop̄a tiquiro ij̄iḡuta, tutueriquiro



pehe “Cahme wejêdacãhna”, ni dutiro ohoboaga dahra cohteriquirore. <sup>33</sup>Sa yena yuhũ buhena iji duana, mûsa yeatire mûsare masino cahmene. Mûsa ye duaye pehere duhu duerana, yuhũ buhena iji masiedare, ni yahuahye Jesu.

### Moa ocayere yahuahye Jesu

(Mt 5.13; Mr 9.50)

<sup>34</sup>Sa yero tiquinare yahu nemoahye:

—Moa quehnoano ocare. Ti ocaeragũ ocaye yero basioerare. <sup>35</sup>Moa ocaeraro ti moa ne quehnoaedare. Ti moare dũhsero basioerare. Ti sa ijigũ ti moare cohãno cahmene. Ne dũhseati ijierare ti moa. (Ti dũhseati ijieraro saha ijieracãhña mûsa. Cohãcjũ ye pehere cohãedacãhña.) Ahrirre quehnoano tũhoya mûsa, niahye Jesu.

### Oveja butiriquiro queoyere yahuahye Jesu

(Mt 18.10-14)

**15** <sup>1</sup>Sa ye ape deco peyequina wapa ne cohteyequina apequina “Ñañequina”, tiquina niñequina mehna Jesure tũhoye ahtahye. <sup>2</sup>Tiquina sa yegũ ihñañe fariseo masa, judio masare buheyequina gũhũ Jesure ihña tuhtiye, ohõ saha niahye tiquina basi:

—Ahriquiro ñañequinare piti tire. Sa yero tiquina mehna ihyare, ni, yahuducuahye tiquina basi.

<sup>3</sup>Tiquina sa ni yahuducugũ Jesu tiquiro tũhotuye mehna ohõ saha ni, queoye mehna buheahye tiquinare:

<sup>4</sup>—¿Cien oveja cõoriquiro ihcãquiro oveja butigũ ihñano dũhse yerotari tiquiro? Ohõ saha yerota. Tiquiro noventa y nueve ovejare tiquina ihyariorpũ cũ, butiriquirore macano waharota. Ovejare bocaropũ duhurora. <sup>5</sup>Tiquirore bocaro bucuera. Sa yero tiquiro butiriquirore wña peo, tiquiro ya wũhũpũ ne tojoa waharota. <sup>6</sup>Ne tojoa sa, tiquiro cahapũ ijieyquinare, tiquiro acayere piji cahmecoanota. “Yaquiro oveja butiriquirore boca tuhasa. Sa yena yuhũ mehna bucuera”, ninota tiquiro tiquinare. <sup>7</sup>Poto niita niaja mûsare. Noventa y nueve oveja peyequina tiquina ijero sahata, peyequina masa ohõ saha ni tũhoture: “Ñano yeraja. Sa yegu yuhũ ñañene bũjua witisì. Quehnoañe pehere comesasi yuhũ”, ni, tũhoture peyequina masa. Tiquina sa ni tũhotugũ ihñañe ãhmuse cjẽna Cohãcjũ cahapũ ijieyquina bucuere. Apequiro pehere bucuere. Butiriquiro oveja ihcãquirota butiriro sahata tiquiro upũro tiquirore bocariro sahata ihcãquiro ñariquiro tiquiro ñañene bũjua wutigũ, quehnoañe pehere comesagũ ihñañe, Cohãcjũ cahapũ ijieyquina tutuaro bucuere, niahye Jesu.

### Niñeru cjoer butiri queoyere yahuahye Jesu

<sup>8</sup>Sa ni yahu tuhasa, queoye mehna yahu nemoahye tja:

—¿Pua omope cjoeri niñeru cjoeri cõoricoro ihcã cjoer butigũ dũhse yerotari ticoro? Ohõ saha yerota ticoro. Sihãriare sihã, wũhũre coha, quehnoano maca

pehorota. Ti cjoere bocaropu duhurota. <sup>9</sup>Ti cjoere boca tuhasa, ticoro cahapu jiiyequinare, ticoro mehna cjenare piji cahmecoanota. “Niñeru cjoeyehure butiri cjoere boca. Sa yena yuhu mehna bucueya”, ninota ticoro. <sup>10</sup>Potota niita niaja musare. Sata ihcaquiropu nariquiropu tiquiropu ñañene bujua witigü quehnoañe pehere comesagü Cohäcju yequina angele pehe tutuaro bucueeta, niahye Jesu.

### Tiquiropu macuño butiri queoyere yahuahye Jesu

<sup>11</sup>Sa ni yahu tuhasa Jesu queoye mehna yahu nemoahye tja:

—Bucuro pohne puaro umua ijiahye. <sup>12</sup>Duhsariquiropu pehe ohö saha niahye tiquiropu pacurore: “Mai, muhu yariari bato muhu ohoatire yehure ohoya”, niahye tiquiropu pacurore. Tiquiropu sa nigü tiquina pacuro puaropureta tiquiropu pohnene itiahye tiquiropu cuorire. <sup>13</sup>Meheñe decorigä bato duhsariquiropu tiquiropu yere jipihiyere ne, yoropu ape yehpapu waha wahahye. Topu esaro tuho masieniquiropu yero saha ye, tiquiropu niñerure, tiquiropu yere ye site peho cahye. <sup>14</sup>Tiquiropu ye site pehori bato ti yehpapure ne ihyaye mariedi pje iji dcahye. Sa yero tiquiropu ujua ahbahye. <sup>15</sup>Sa yero ti yehpa cje dahrayere macahye. Tiquiropu bocagü tiquiropu puhtoro yesea coheriquiropu söahye tiquiropu. <sup>16</sup>Sa yero tiquiropu yeseare nu, tiquina ihyayere ihya duamahye. Tiquiropu sa ihya duepegüta ti ihyayere to cjenä ohoerahye tiquiropu. <sup>17</sup>Sa ye tiquiropu topu wacüahye. “Yuhu pacure dahra cohteyequina pehe bujueyehure ihyayere ihyare. Tiquina ihya duhari gühu bujueyehure duhsare. Tiquina sa quehnoano yuhduri watoa yuhu pehe ohöpu ijigü, ujua ahbagu niaga. <sup>18</sup>Yojopure yuhu pacu cahapu tojoagutja. Yuhu pacu cahapu esagu ohö saha niitja tiquiropu: ‘Mai, Cohäcjure ñano yei. Muhu gühure ñano yei. <sup>19</sup>Ñagu ijiaja yuhu. Muhu macu yero saha ijibogu ijieraja yuhu. Mühure dahra coheriquiropu yero saha yeya yehure’, niitja yuhu pacure”, ni tuhota hye tiquiropu. <sup>20</sup>Sa ni tuhoturora wahcaduca, tiquiropu pacuro cahapu tojoa wahahye. Topu tiquiropu esariquiropu tojoa tagü tiquiropu pacuro pehe yoroputa tiquiropu macunore ihñahye.

Tiquiropu sa wihigü ihñano macunore paja ihñahye. Paja ihñano tiquiropu cahapu oma cä, tiquiropu que sühsu maa, tiquiropu wahsupure ihmiahye pacuro tiquiropu macunore. <sup>21</sup>“Mai, Cohäcjure ñano yei. Muhu gühure ñano yei. Ñagu ijiaja yuhu. Muhu macu yero saha ijibogu ijieraja yuhu”, niahye tiquiropu pacurore. <sup>22</sup>Tiquiropu sa nigü tuhoro pacuro pehe dahra cohteyequinare pijiahye. “Sojaro mehna, quehnoa yuhduari suhtirore ne cähtaya. Sa yena yuhu macure säañä. Säa tuhasa, tiquiropu omoca sañari behtore säa, dahpo suhti gühure säañä. <sup>23</sup>Säa tuhasa, dihi tiriquiropugäre wecugäre wejēñä. Bose deco yeihna mari. <sup>24</sup>Ahriquiropu yuhu macu yariariquiropu yero saha wahariquiropu ijire. Sa wahaeperota yojopure catire tiquiropu. Tiquiropu butimediquiropu pari turi boca. Sa yena bese deco yeihna mari”, niahye tiquiropu pacuro. Tiquiropu sa nidi bato bese deco dahre dcahye tiquina.

<sup>25</sup>Ti pjere tiquiropu wahmino pehe wesepu ijiahye. Wesepu ijiriquiropu cohe tojoa taro wuhu cahapu esaro, tiquina basayere tuhoahye tiquiropu. <sup>26</sup>Tuhoro, ihcaquiropu dahra coheriquiropu pijio, tiquiropu sinituahye tiquiropu: “¿Duhse

ijiro boro basaye niari?” niahye tiquiro dahra cohteriquirore. <sup>27</sup>“Mũhũ bahu coheri. Tiquiro quehnoariquiro, catiriquiro tiquiro cohegũ mũhũ pacu dihi tiriquirogãre wecũgãre wejẽ dutiri”, ni yũhtiahye dahra cohteriquiro. <sup>28</sup>Tiquiro sa ni yahugũ tiquiro wahmino pehe tutuaro usuaro, wũhũpũ sajãedahye. Tiquiro sajãedagũ ihũano tiquiro pacũro sopecahapũ wijia ta, “Sajã taya”, ni, pijimahye tiquiro macũnore. <sup>29</sup>Tiquiro sa pijigũ macũno yũhtiahye. “Tũhoya mai. Yoari pje mũhũre dahra cohteriquiro yero saha mũhũre yedohomi. Sa yegu mũhũ dutiyere ne ihcã taha yũhdũdũcaeru. Yũhũ mũhũre dahra cohtepẽgũta yũhũre ne ohoerari mũhũ. Ne ihcãquiro wahiquireogãre ne ohoerari mũhũ yũhũre yũhũ piti tiyequina mehna yũhũ bose deco dahreatire. <sup>30</sup>Sa yero ahriquiro mũhũ macũ pehe ñãnequina numia mehna mũhũ yere ye site pehoũhti. Tire ye site peho tuhasa, wũhũpũ tiquiro tojoa wihigũ dihi tiriquirogãre wecũgãre wejẽ dutiũhti mũhũ tiquiro ihyatiquireore”, niahye tiquiro wahmino pehe pacũrore. <sup>31</sup>“Macũ, yũhũ mehna ijipihtiye decori mũhũ ijigũ ijipihtiye yũhũ cũoye mũhũ ye ijire. <sup>32</sup>Mũhũ bahu pehe yariariquiro yero saha wahari marine. Sa ye yojopũre tiquiro catiriquiro ijire. Tiquiro butiriquiro yero saha ijiri. Tiquiro sa wahari bato yojopũre tiquireore bocau. Sa yero tiquiro tojoa wihigũ mari bose deco ye bucuegũ quehnoare”, niahye tiquiro macũnore, niahye Jesu tiquireare.

### Niũneru cohteriquiro tũho masiniquiro quitire Jesu yahuahye

**16** <sup>1</sup>Sa ye ahri quitire tiquiro buheyequinare yahuahye Jesu: —Doeri cje upũro ye niũnerure cohteriquiro niũnerure quehnoano tiquiro ihboeragũ ihũano apequiro pehe yahusãhye doeri cje upũrore. “Mũhũ ye niũnerure ye sitero nine”, ni yahusãhye tiquireore. <sup>2</sup>Tiquiro yahusã tuhasari bato niũneru cohteriquirore pijioahye. Sa yero tiquiro wihigũ ihũano, tiquireore pũhtoro yahuahye. “Yee niũnerure mũhũ ye siterire apequiro yũhũre yahuri. Sa yegu yeere cohtegu iji nemosi mũhũ. Sa yegu yeere mũhũ yerire yahu peho ojoaya. Mũhũre cohãgu niaja”, niahye pũhtoro tiquireore. <sup>3</sup>Tiquiro sa nidi bato ohõ saha ni tũhotuahye cohteriquiro tiquiro basi: “Yũhũ pũhtoro yũhũre cohãno taro niaga. Yũhũ tutueraja. Sa yegu tutuaro dahra masiedaja. Sa yegu apequinare yũhũ niũnerure sinigũ bũoro yũhdũboaga yũhũ. ¿Sa yegu dũhse yeitari yũhũ? <sup>4</sup>Yojopũ pũritare yũhũ yeatire masiaja yũhũ. Ohõ saha yũhũ yegũ yũhũ dahraye mariedagũ yũhũ pũhtoro wapamoũnequina yũhũre cahieta. Sa ye tiquina ye wũhũsepu sajã dutieta yũhũre”, ni tũhotuahye tiquiro. <sup>5</sup>Sa ni tũhoturo tiquiro ijipihtiyequina tiquiro pũhtoro wapamoũnequinare pijioahye. Pijio tuhasa, cohteahye. Wihi mũhtariquireore ohõ saha ni sinituahye tiquiro. “¿Yũhũ pũhtoro noho puno wapamoajari mũhũ?” niahye tiquiro. <sup>6</sup>Tiquiro sa nigũ wapamoriquireo pehe yũhtiahye. “Cien tambores uhsere olivo dũca mehna tiquina yeri uhsere wapamoaja tiquireore”, ni, yũhtiahye. Tiquiro sa ni yahugũ cohteriquiro pehe ohõ saha ni yahuahye. “Ohõpu ijire mũhũ wapamonore ojoa ohõri pũ. Dujiya. Sa yegu mũhũ wapamonore deco mehna ne, deco mehna ojoa quehnoã”, niahye cohteriquiro wapamoriquireore. <sup>7</sup>Sa ni tuhasa apequiro wapamoriquireore

sinituahye tiqiro. “¿Mũhũ waro, noho puno wapamoajari?” niahye tja. “Cien ajuri trigo pjeri ajurire wapamoaja yũhũ”, niahye wapamoriqiro niñerure coheriqirore. “Ohõpũ ijire mũhũ wapamonore ojoa ohõri pũ. Mũhũ wapamonore ochenta ojoa quehnoña”, niahye coheriqiro. <sup>8</sup>Tiqiro sa quehnoano ni meho mihnigũ ihñano “Ahriqiro ni mehoriqiro quehnoano masidiquiro ijiaga”, ni tũhotuahye tiqiro pũhtoro niñerure coheriqirore. Ahri deco cjẽna, Cohãcjũre cahmeeñequina tiquina yere quehnorire tiquina niñeru ihborire Cohãcjũ yequina yũhduoro masiaga tiquina, niahye Jesu.

<sup>9</sup>Sa ni tuhasa Jesu yahu nemoahye:

—Sa yegũ musare niita niaja. Mũsa cũoyere, pejecũoyequinare mũsa ohogũ, tiquina pehe musare cahĩeta. Mũsa sa yegũ mũsa cũoye pihtiarĩ bato mũsa Ʃhmũsepũ esagũ musare cahĩeta topũre.

<sup>10</sup>Ihyo ijiyequina ye dahrayere poto yena, pũhtoa ye dahraye gũhũre poto yenata. Ihyo ijiyequina ye dahrayere queoro yerana, pũhtoa ye dahraye gũhũre queoro yesi mũsa. <sup>11</sup>Sa yena ahri yehparũ mũsa cũoye mehna mũsa quehnoano yerana Cohãcjũ musare tiqiro ye buheye gũhũre quehnoano yesi mũsa. Sa yero ti buheyere cũsi tiqiro. <sup>12</sup>Sa yena apeqiro yere mũsa quehnoano ye basaeragũ ihñano mũsa ye ijiatire ohosi musare.

<sup>13</sup>Ihcãqiro Cohãcjũ pehere wacũno, tutua yũhduaro niñeru pehere wacũedare. Niñeru pehere tutua yũhduaro wacũno Cohãcjũ pehere wacũedare. Niñeru dihitare cahmediquiro ijiro Cohãcjũre bucuegũ yerare. Cohãcjũ gũhũre, niñeru gũhũre pũarore cahme yũhdũdũcaro basioerare musare. Niñerure cahme yũhdũariqiro Cohãcjũre quehnoano ño peo masiedare, niahye Jesu.

<sup>14</sup>Tiqiro sa nigũ tũhoye fariseo masa pehe tiqirore bũjũpeahye. Tiquina pehe niñerure cahĩahye. Sa ye bũjũpeahye. <sup>15</sup>Tiquina bũjũpegũ tũhoro Jesu tiquinare yahuahye:

—Masa tiquina ihñonore mũsa quehnoano yemene. Mũsa sa yegũ “Quehnoañequina, poto yeyequina ijire”, nimene masa musare. Cohãcjũ pehe mũsa tũhotuyere masine. Masa “Quehnoa yũhduare”, tiquina nidire Cohãcjũ pehe sijoro saha ni tũhoture. Tire ihña yabire, niahye Jesu.

### **Cohãcjũ dutiyere, tiqiro pũhtoro ijiyere yahuahye Jesu**

<sup>16</sup>Sa ni tuhasa ohõ saha ni nemoahye Jesu:

—Ñu wame yeriqiro tiqiro ijiato pano Moiserere tiqiro cũri dutiye mehna Cohãcjũ marine dutiri. Cohãcjũ yere yahu mũhtariquina tiquina ojoari mehna gũhũ marine dutiri. Yojopũ pehere Ñu tiqiro buhe dũcari bato quehnoañe buheyere, Cohãcjũ tiqiro pũhtoro ijiye gũhũre masi dũcari masa. Sa masiñe masa tiquina esa tuharo tiquina tutuaye mehna Cohãcjũ tiqiro pũhtoro ijirore sajã duamene. <sup>17</sup>Moiserere tiqiro cũri dutiyepũ Cohãcjũ nidiro sahata ye pehorota tiqiro. Ʃhmũse gũhũ ahri yehpa gũhũ pihtia wahaepẽgũta Cohãcjũ nidiro sahata ye pehorota, niahye Jesu.

**Namonore cohãñene yahuahye Jesu**

(Mt 19.1-12; Mr 10.1-12)

<sup>18</sup>Sa ni tuhasa ohõ saha ni nemoahye Jesu:

—Masuno tiquiro namonore cohãno, apecoro mehna omoca dũhtero, ticoro mehna ñano yero nine. Apequiro tiquiro cohãricoro mehna omoca dũhtero, tiquiro gũhu ticoro mehna ñano yero nine, niahye Jesu.

**Doeri cjẽ upũro, pejecũoriquiro queoyere yahuahye Jesu**

<sup>19</sup>Sa ye queoye mehna yahuahye Jesu:

—Ti pjeppure doeri cjẽ upũro ijie tiahye. Tiquiro suhti pehe wapa bũja yũhdũahye. Sa yero decoripe quehnoañe dihitare ihyaro, peye cũoahye tiquiro. <sup>20</sup>Sa yero ti pjere apequiro pejecũoriquiro, Lázaro wame tiriquiro ijie tiahye. Tiquiro pagũ peye cami tiriquiro ijiahye. Sa ye apequina pehe tiquiro doeri cjẽ upũro ya wũhu cjã sahrĩno cahapũ ne sae tiahye. <sup>21</sup>Sa yero pejecũoriquiro pehe doeri cjẽ upũro tiquiro ihyari mesa docapũ yehparũ dujiro tiquiro ihya site dijioyere ihya timahye. “Tiquiro ihya site dijiorire ihyagũ yapigũta yũhu”, ni, tũhotue timahye tiquiro. Sa ye diayea tiquiro camine nehneñe ahtae tiahye.

<sup>22</sup>‘Sa yero pejecũoriquiro tiquiro yariaa wahagũ, Abrahã cahapũ paraĩso wame tiropũ angele tiquiro ne mũjahye. Sa yero doeri cjẽ upũro gũhu tiquiro batogãta yariaa wahahye. Tiquiro yariagũ tiquiro yahye. <sup>23</sup>Sa yero doeri cjẽ upũrore tutuaro peca ñũahye. Sa yero pecapũ ijiro ñhmũsepu ijiriquirore Abrahãre ihñahye. Lázaro gũhũre ihñahye. <sup>24</sup>Ihña tuhasa, tiquiro Abrahãre pisuahye. “Yũhu acayũ Abrahã, paja ihñaña yũhũre. Pecapũ yũhu ñano yũhdũgũ niãja. Yũhu sa wahagũ Lázarore yũhũre ohoya. Sa yero acore tiquiro omo piriapũ soha, yũhu ñehmenore aco mehna nehono ahtaahro. Tire yũsũoahro tiquiro”, niahye doeri cjẽ upũro. <sup>25</sup>Tiquiro sa nigũ Abrahã tiquirore yahuahye: “Yũhu acayũ, catigũpũ mũhu ijipihtiyere quehnoañene cũori. Lázaro pehe decoripe ñano yũhdũri. Yojoipũ pehere mũhu ñano yũhdũgũ tiquiro pehe ohõppure bucueye mehna ijiro nine. <sup>26</sup>Sa ye mari watoa ñhcũãri cope ijire. Sa ye ohõre ijieyquina topũre waha masiedare. Sa ye topũ ijieyquina ohõppure ahta duayequina ahta masiedare”, niahye Abrahã doeri cjẽ upũrore. <sup>27</sup>Tiquiro sa nigũ doeri cjẽ upũro ohõ saha ni nemoahye: “Yũhu acayũ, tutuaro siniaja mũhũre. Lázarore yũhu pacũ ya wũhũpũ ohoya. <sup>28</sup>Yũhu ihcã omopequina bahana tii. Lázaro tiquinare yahuahro. Tiquina ohõre ñano yũhdũropũre ahtaeracãhdo”, niahye tiquiro. <sup>29</sup>Sa nigũ Abrahã pehe yũhtiahye: “Cohãcjũ dutiyere Moise marine cũrĩre, Cohãcjũ yere yahu mũhtariquina tiquina ojoarire cũore mũhu bahana. Sa ye mũhu bahana tireta tũhoahro”, niahye Abrahã. <sup>30</sup>Tiquiro sa nigũ doeri cjẽ upũro pehe yũhtiahye: “Yũhu acayũ Abrahã, tire cũoepeta quehnoano tũhosi. Lázaro yariariquiro masa bajua, tiquina cahapũ esagũ ihñañe tiquina pehe ñañene bũjũa witi, quehnoañe pehere comesaeta. Sa ye quehnoañene yeeta yũhu bahana pehe”, niahye doeri cjẽ upũro mũnãno. <sup>31</sup>Tiquiro sa nigũ Abrahã pehe yahuahye: “Mũhu

bahana Moise cūri pū tiqiro yahuyere, Cohācjū yere yahu mūhtariquina mūna tiquina yahuyere tuho dueyequina ijire. Sa ye Lázaro yariariquiro mūnana masa bajuepegūta tiquina Cohācjūre tuho duasi”, niahye Abrahā, ni, yahuahye Jesu.

### Ñañene yegū cuarīne

(Mt 18.6-7, 21-22; Mr 9.42)

**17** <sup>1</sup>Sa ye Jesu yahuahye tiqiro buheyequinare: —Masare ñañe yegū yeye peye ijire. Sa yeye masa ñañene yere. Ti sa ijiepegūta masūnore ñañene yegū yeriquiro pehe ña yūhdūaro yūhdūrota. <sup>2</sup>Masūnore tiqiro wamūapū pajiria utāre dūhte yo, pajiri mapū tiqirore cohāgū ñano wahaboaga tiqiro. Apequiro pehe ahriquinagā mehna cjunogāre ñañene yegū yero pajiri mapū tiquina cohāriquiro yūhdūoro ñano yūhdūrota. Tiquirore tutuaro buhiri dahrero cahmene. <sup>3</sup>Quehnoano yeya mūsa. Mūsa acayūro ñano tiqiro yegū ihñana “Yeracāhña”, niña tiqirore. Sa yena tiqiro ñañene bujua witigū, quehnoañene comesagū mūsa pehe tiqiro ñañe yeyere boya. <sup>4</sup>Sa yero mūsa acayūro ihcā decota siete tahari mūsare ñano tiqiro yegū mūsare tiqiro bo dutigū boya. “Pari turi mūhūre ñano yesi”, siete tahari tiqiro nigū tope taharita tiqiro ñano yerire boya, niahye Jesu.

### Cohācjūre wacū tutuayere yahuahye Jesu

<sup>5</sup>Sa ye Jesu buheyequina tiqirore ohō saha niahye: —Cohācjūre usāre quehnoano wacū tutua nemogū yeya, niahye tiquina Jesure.

<sup>6</sup>Tiquina sa nigū Jesu yūhtiahye: —Mostaza capegā meheni pjegā ijire. Ti yero saha Cohācjūre mehenogā wacū tutuana, ohō saha wahagū ye masinata mūsa: Ahdu yucūgure ohō saha ni masine: “Mūhū yucūgu mūhū basi duhtu cā, pajiri mapū bora ñojoaña”, ni masine mūsa. Mūsa sa nigū tu yucūgu pehe mūsa dutiro sahata waharota, niahye Jesu.

### Dahra coheriquiro tiqiro dahrayere yahuahye Jesu

<sup>7</sup>Came ahri quitire yahuahye Jesu: —Mūsare dahra coheriquiro ijiro wesepū tanare. Sa yero ovejare ihña ihbore. ¿Dahra coheriquiro tiqiro tojoa wihigū dūhse niboagari mūsa tiqirore? ¿“Sojaro mehna ahtaya. Mūhū ihyaye ohōpū ijire”, niboagari mūsa? <sup>8</sup>Sa niedare mūsa. Tiquirore ohō saha nine mūsa: “Yūhū ihyayere doha quehnoña. Sa yegū yūhū ihya sihniḡū yūhūre cohteya. Yūhū bato mūhū ḡūhū ihya sihniña”, nine mūsa dahra coheriquirore. <sup>9</sup>Dahra coheriquiro mūsa dutiyere tiqiro yegū tiqirore “Quehnoare”, niedare mūsa. Tiquiro dahraye dihitare yero niaga tiqiro. <sup>10</sup>Mūsa ḡūhū tiqiro yero saha ijire. Cohācjū dutiriro sahata ye pehona ohō saha ni, tūhotuya mūsa. “Usā ḡūhū dahra cohtena dihita ijijaja. Ihyo ijina ijijaja usā. Usā dahraye dihitare yei usā”, ni, tūhotuya mūsa, niahye Jesu tiqiro buheyequinare.

**ꝑꝏa oꝓoꝓeꝓuina camí ꝑꝏa mꝏna wihare yꝏhꝏuoaꝓe Jesu**

<sup>11</sup>Aꝓe deco Jerusalēꝑꝏ Jesu waharo niaꝓe. Topꝏ waharo Samaria yehꝑa, Galilea yehꝑa, ti ꝑꝏa yehꝑa watoa yꝏhꝏu cāꝓe. <sup>12-13</sup>Aꝓe macaꝑꝏ wahari mahapꝏ tiꝓiꝓo tinigū ꝑꝏa oꝓoꝓeꝓuina camí ꝑꝏa mꝏna wiha pehe tiꝓiꝓoꝓeꝓe piti caꝓe. Sa ye yoa cꝓūꝓꝏa ducuye piꝓuaꝓe:

—Jesu, ꝑꝏhto, ꝏsāꝓe ꝑaja ihñaña, niaꝓe tiꝓiꝓa.

<sup>14</sup>Sa nigū tiꝓiꝓaꝓe ihña, yaꝓuaꝓe Jesu:

—ꝑahire mꝏsa ꝑaꝓꝏiꝓe ꝓeꝓnoañe ꝑaꝓꝏi mꝏsa wahariꝓe ihñona wahaya, niaꝓe tiꝓiꝓaꝓe.

Sa nidi bato tiꝓiꝓa wahari watoa ꝓeꝓnoa wahayaꝓe. <sup>15</sup>Sa yero ihcāꝓiꝓo tiꝓiꝓa mehna cꝓūꝓo ꝓeꝓnoano tiꝓiꝓo ꝑaꝓꝏ wahagū ihñano, Jesu caꝓaꝑꝏ majare tojoa taꝓe. Sa tojoa taro tutuaro mehna Cohācꝓꝏe ño ꝑeoahꝏe. “Cohācꝓꝏe tutuariꝓiꝓo, ꝓeꝓnoariꝓiꝓo ijire”, ni, ño ꝑeoahꝏe tiꝓiꝓo. <sup>16</sup>Sa nino tiꝓiꝓo Jesu dahꝑocāꝓi caha dꝏseꝓe curi mehna ꝓeꝓe sa, “ꝓeꝓnoare”, niaꝓe tiꝓiꝓo. Samaria cꝓūꝓo ijiaꝓe. <sup>17</sup>Tiꝓiꝓo sa yeri bato Jesu ohō saha ni sinituaꝓe:

—ꝑꝏa oꝓoꝓeꝓuina ijiri masa ꝓeꝓnoa wahariꝓuina. ¿Aꝓeꝓuina nueve dꝏhsayaꝓuina pehe noꝓꝏ ꝓiꝓagari tiꝓiꝓa? <sup>18</sup>Ahriꝓiꝓo aꝓe yehꝑa cꝓūꝓo dihitā Cohācꝓꝏe “ꝓeꝓnoare”, nino taro tojoa tari. ¿Dꝏhse ijiri boro aꝓeꝓuina ahtaerajari? niaꝓe Jesu.

<sup>19</sup>Sa ni tuhasa Jesu yaꝓuaꝓe dꝏseꝓe curi mehna ꝓeꝓe sariꝓiꝓoꝓe.

—Wahcādꝏcaya. Wahaya. Mꝏhꝏ Cohācꝓꝏe wacū tutuagꝏ, yꝏhꝏdꝏꝓe mꝏhꝏ, niaꝓe Jesu tiꝓiꝓoꝓe.

**Cohācꝓꝏe tiꝓiꝓo ꝑꝏhtoꝓo ijiaꝓiꝓe yaꝓuaꝓe Jesu**

*(Mt 24.23-28, 36-41)*

<sup>20</sup>Ti ꝓjere meheñeꝓuinaꝓa fariseo masa Jesuꝓe sinituaꝓe:

—¿Dꝏhse ijigū Cohācꝓꝏe ꝑꝏhtoꝓo iꝓi dꝏcaꝓoꝓari? niaꝓe tiꝓiꝓa.

Tiꝓiꝓa sa nigū Jesu yꝏhtiaꝓe:

—Cohācꝓꝏe tiꝓiꝓo ꝑꝏhtoꝓo iꝓi dꝏcagū masa ihña masiedare. <sup>21</sup>“Cohācꝓꝏe ꝑꝏhtoꝓo ijie ohōꝓꝏ ijire”, ni masiedare. “Sohōꝓꝏ ijire”, ni masiedare. Cohācꝓꝏe tiꝓiꝓo ꝑꝏhtoꝓo ijieꝓe masa tiꝓiꝓa tuhotuyepꝏ ijire, niaꝓe Jesu fariseo masare.

<sup>22</sup>Sa ni tuhasa Jesu tiꝓiꝓo buheꝓeꝓuinaꝓe ohō saha ni yaꝓuaꝓe:

—Came yꝏhꝏ masꝏ Cohācꝓꝏe ohorigꝏ ahri yehꝑaꝑꝏ yꝏhꝏ tojoa tatire tutuaro caꝓmenata mꝏsa. Mehenogā yꝏhꝏꝓe ihña dueꝓenata yꝏhꝏꝓe ihñasi mꝏsa. Mꝏsa yꝏhꝏꝓe sa ihña dueꝓegūta ti ꝓjere ahtasi yꝏhꝏ. <sup>23</sup>Aꝓeꝓuina mꝏsare ohō saha nieta. “Tiꝓiꝓoꝓeꝓe ihñaña. Cristo ijire. Ahriꝓiꝓoꝓeꝓe ihñaña. Cristo ijire”, nieta mꝏsare. Tiꝓiꝓa sa nieꝓegūta tiꝓiꝓaꝓe tuhoeracāhña. <sup>24</sup>ꝓꝏo miadoꝓeꝓoꝓe wacūeno mehna ti mia sitedoꝓeꝓoꝓe sahata yꝏhꝏ gūhꝏ masꝏ Cohācꝓꝏe ohorigꝏ wacūeno mehna tojoa taꝓtja. <sup>25</sup>Ahriꝓe yꝏhꝏ yeato ꝑano yꝏhꝏ tutuaro ñano yꝏhꝏdꝏta. Sa ye yojopꝏ cꝓēna yꝏhꝏꝓe caꝓmesi. <sup>26</sup>Noé tiꝓiꝓo ijiri ꝓe cꝓēna tiꝓiꝓa ijiriꝓo sahata yꝏhꝏ masꝏ Cohācꝓꝏe ohorigꝏ yꝏhꝏ tojoa tagū sata ijieꝓa masa. <sup>27</sup>Noé



tiquiro ijiri pjere ijiphtiyequina masa sa ihyaducue tiahye. Sa ye sihniducue tiahye. Umua, numia mehna omoca duhtee tiahye. Noé pajiria yucusapü tiquiro sajáto pano Cohãcjü tiquinare tiquiro mioato pano ti ijiphtiyere masa yeducue tiahye. Sata ijirota yuhü tojoa tagü gühure. <sup>28</sup>Lote tiquiro ijiri pje cjëna tiquina ijiriro sahata yuhü tojoa tagü ijietä masa. Lote tiquiro ijie tiri pjere masa ihya, sihni, dú, dua, weserire ote, wuhuse yeahye. <sup>29</sup>Tiquina sa yeri watoa Sodoma wame tiri macapü ijiriquiro Lote tiquiro wahari deco uhmuse cjä peca, peca asiye paca utã pjeri gühü acoro ahtaro saha tiquina bui bora pje, tiquinare wejë pehoe tiahye. <sup>30</sup>Yuhü masü Cohãcjü ohorigü wacüeno mehna yuhü tojoa tagü tiquina yero sahata yeyequina ijietä masa ti pjere.

<sup>31</sup>Ti pjere ihcãquiro tiquiro ya wuhü bui cjä paapü quehnoari paapü ijiriquiro wuhü puhiapü tiquiro ye ijigü tire neno wahaeracãhdo tiquiro sojaro mehna wahato saha. Sa yero wesepü ijiriquiro gühü ti pjere tiquiro ya wuhüpi piheracãhdo tiquiro sojaro mehna wahato saha. <sup>32</sup>Lote namono ticoro waharire wacüña mäsä. <sup>33</sup>Masüno yuhüre wacüno marieno tiquiro esa tuharo tiquiro cahmeno saha yero, pecapü waharota. Sa yero yeere sa yeducuriquiro ijiphtiye decori yuhü mehna uhmusepü ijirota.

<sup>34</sup>Ti ñamine pñaro ihcã cuñanopü caríñequinare ihcãquiro yuhüre cahmeniquirore neitja. Sa yero yuhüre cahmedariquiro topü tojoarota. <sup>35</sup>Ti pjere pñaro numia ihcãnopü tiquina trigore tu mutoñe numiare ihcãcoro yuhüre cahmenicorore neitja. Sa yero yuhüre cahmedaricoro topüta tojoarota. <sup>36</sup>[Sa ye wesepü pñaro dahrayequina tiquina ijigü ihcãquirota neitja. Ihcãquiro topü tojoarota,] niahye Jesu.

<sup>37</sup>Sa nigü tiquiro buheyequina pehe sinituahye tiquirore.

—¿Nohopü sa waharotari? ni sinituahye tiquina.

Tiquina sa nigü Jesu yuhtiahye:

—Masa tiquina ñano yeducuriröpü, topü Cohãcjü buhiri dahrerota tiquinare, niahye Jesu.

### Wape wihoro ticoro buhiri dahre dutiye queoyere yahuahye Jesu

**18** <sup>1</sup>Sa ye Jesu tiquinare Cohãcjüre siniñene yahuro ohö saha niahye: —Mäsä Cohãcjüre sinina, cohteya tiquiro yuhtiatire. Yoari pje cohtepenata bujña witieracãhña. Tiquirore sinina duhueracãhña, niahye Jesu.

<sup>2</sup>Tiquiro sa nidire buhero taro ahri queoye mehna yahuahye tiquinare:

—Ape macapü tiquina buhiri dahre dutiriquiro ijiahye. Tiquiro Cohãcjüre ño peerahye. Sa yero masa gühüre ño peerahye. <sup>3</sup>Sa yero wape wihoro gühü topü ijiahye. Ticoro tiquiro cahapü sa majareno ohö saha niahye: “Yuhüre ihña tuhtiriquirore buhiri dahre dutiya mühü. Yuhüre ni cahmota basaya”, ni siniducuahye ticoro tiquirore. <sup>4</sup>Ticoro sa nigü peye tahari tiquiro “Yesi yuhü”, nimahye ticorore. Tiquiro sa niepegüta ticoro peye tahari sa siniducuro tiquirore ni cariboro ye cãmahye. Ticoro caribogü, ohö saha niahye tiquiro basi. “Yuhü Cohãcjüre, masa gühüre ño peeraja. <sup>5</sup>Yuhü sa ño peoegu yuhü

ijiepegūta ahricoro pehe yūhure caribo ye cāmaga. Yūhure sa cariboro yūhure caributigū yerota ticoro. Sa ni yahusāducugū ticorore ihña tuhtiriquireore buhiri dahre dutiitja”, niahye buhiri dahre dutiriquireo, niahye Jesu.

<sup>6</sup>Sa nino Jesu tiquire yahu nemoahye:

—Sa niahye ñariquireo buhiri dahre dutiriquireo. Tiquireo nidire wacūña masa. <sup>7</sup>Tiquireo yūhūoro Cohācjū pehe tiquireo yequina tiquireo beseriquinare ñamipū, decopū tiquireo sinidiquinare yūhtiro, yedohorota. <sup>8</sup>Mūsare niita niaja. Cohācjūre tiquireo sinidiro sahata duita tiquireo yedohorota. ¿Tiquireo sa yūhtiriquireo ijiepegūta yūhū masū Cohācjū ohorigū ahri yehpapū tojoa tagū Cohācjūre wacū tutuayequinare bocaboagari yūhū? niahye Jesu.

### **Puaro masa Cohācjūre tiquireo siniñe quitire yahuahye Jesu**

<sup>9</sup>Sa ye apeye quiti mehna ohō saha ni yahuahye Jesu: “Ūsā pehe quehnoana ijiaja. Apequina pehe ñano yeyequina ijire”, ni, tuhotuyequinare ahri quitire yahuahye:

<sup>10</sup>—Cohācjū ya wūhūpū puaro mūma Cohācjūre siniñe wahahye. Ihcāquiro fariseo masūno ijiahye. Apequiro wapa ne cohteriquiro ijiahye. <sup>11</sup>Sa yero fariseo masūno pehe ducu, ohō saha ni yahuahye Cohācjūre: “Yūhū yaquerigū, ñañene yerigū, numia mehna ñano yerigū ijieraja. Apequina yero saha ijieraja. Ahriquireo wapa ne cohteriquiro yero saha ñagū ijieraja. Sa yegū mūhūre ‘Quehnoare’, niaja Cohācjū. <sup>12</sup>Yūhū semanaripe pua decore mūhū yere yegū sijiaja. Sa yegū pua omope cjoeri niñeru cjoerire wapatagū ihcā cjoere mūhūre ohoaja”, niahye fariseo masūno Cohācjūre. <sup>13</sup>Sa yero wapa ne cohteriquiro pehe yoaropū muhri yo ducu, tiquireo ñañene bujua witi, uhmūsepūre ihñedahye. Tiquireo ñañene bujua witiquireo ijero tiquireo cutirore quē ohō, siniahye Cohācjūre: “Cohācjū, yūhū ñagū ijiaja. Sa yegū mūhū paja ihñaña yūhūre”, niahye tiquireo Cohācjūre. <sup>14</sup>Mūsare niita niaja. Ahriquireo wapa ne cohteriquiro pehere tiquireo ya wūhūpū tojoagū Cohācjū pehe “Mūhū ñañene cohā tuhasa”, niahye tiquireo. Apequiro fariseo masūno “Mūhū ñañene cohā”, niedahye Cohācjū. “Yūhū quehnoagū ijiaja”, nidiquiro Cohācjū ihñagū ñariquireo ijire. “Yūhū ñagū ijiaja. Sa yegū yee ñañene bujua witiaja”, nidiquirore Cohācjū quehnoariquireo ijigū yerota tiquireo, niahye Jesu.

### **Macanagāre tiquireo ye ijiatire Cohācjūre sini basahye Jesu**

*(Mt 19.13-15; Mr 10.13-16)*

<sup>15</sup>Sa ye masa tiquireo pohnene macanagāre Jesure ña peo dutiye tehe, tiquireo cahapū ne wihiahye. Tiquireo sa yegū ihñaña Jesu buheyequina tiquireo ñañene ne wihieyequinare tuhtiahye. <sup>16</sup>Tiquireo sa tuhtigū ihñano Jesu macanagāre pijioahye tiquireo cahapū. Pijio tuhasa ohō saha niahye tiquireo buheyequinare:

—Macanagā yūhū cahapū ahtaahro. “Waharisa”, niedacāhña tiquireo ñañene. Tiquireo ñañene Cohācjūre tiquireo puhtoro tuhoture. Sa ye Cohācjū puhtoro ijioropūre ahriquireo ñañene yero sahata tuhotuyequina ijire topūre. <sup>17</sup>Potota niita niaja mūsare.

Ahriquinagã Cohãcjũre tiquina cahmeno saha m̄sa pehe cahmedana, tiquiro cahapũ wahasi m̄sa. M̄sa wahaeragũ m̄sa pũhtoro ijisi tiquiro, niahye Jesu.

**Doeri cjẽ upũro Jesure sinituahye**  
(Mt 19.16-30; Mr 10.17-31)

<sup>18</sup>Tiquiro sa nidi bato judio masa pũtoa mehna cjũno Jesure sinituahye:  
—¿Ne, quehnoagũ, buhegu, ijipihtiyeh decori Cohãcjũ mehna iji duagũ, dũhse yeboagari yũhũ? niahye tiquiro.

<sup>19</sup>Tiquiro sa nigũ Jesu yũhtiahye:  
—¿Dũhse ijiro boro yũhũre “Quehnoagũ”, ni pisuajari m̄hũ? Cohãcjũ dihita quehnoariquiro ijire. <sup>20</sup>Ahri Cohãcjũ dutiyere masine m̄hũ. “Wũana tieracãhã. Masare wejẽdacãhã. Yaqueracãhã. Ni mehoedacãhã. M̄sa pacũsmũare ño peoya”, ni, sa ye dutire Cohãcjũ. Sa yegũ tire yeya m̄hũ, niahye Jesu.

<sup>21</sup>Tiquiro sa nigũ Jesure yũhtiahye:  
—Tire ijipihtiyere yũhũ coã wahmũa cãhtagũ ijigũpũta yũhdũdũcaerahti, niahye tiquiro.

<sup>22</sup>Tiquiro sa nigũ tũhoro, Jesu tiquirore ohõ saha ni yahuahye:  
—Mehenogã dũhsare m̄hũre m̄hũ ye pehoati. Ijipihtiyere m̄hũ yere duagũ wahaya. Sa yegũ ijipihtiyeh m̄hũ wapatari niñerure pejesũoyequinare ohoya. M̄hũ sa yegũ peye m̄hũ ye uhmũserũ, Cohãcjũ cahapũ ijirota. Sa ye tuhasagũ yũhũ mehna cjũ ijicjũ ahtaya, niahye Jesu tiquirore.



(San Lucas 18.18)

<sup>23</sup>Tiquiro sa nigũ tũhoro tiquiro pehe peye doeri cjẽ cœoriquiro ijiro tire pejecœoyequinare oho dueraro, tutuaro bũjũa witi, wahaa wahahye.

<sup>24</sup>Tiquiro sa bũjũa witiġũ ihñano Jesu ohõ saha ni yahuahye apequinare: —Doeri cjẽ opana Cohãcjũ tiquiro pũhtoro ijirõpũre tiquinare waharo basioera cjũre. <sup>25</sup>Camello pehe awia copepũ tiquiro sajã duagũ basioerare tiquirore. Tiquiro sa ijiro yũhdũoro doeri cjẽ upũro Cohãcjũre cahmedaro, Cohãcjũ tiquiro pũhtoro ijirõpũre waharo basioerare, niahye Jesu.

<sup>26</sup>Tiquiro sa nigũ tiquirore tũhoyequina ohõ saha niahye: —Aa, dũhse tiquiro nino saha poto ijigũ, ne ihcãquiro masũno Cohãcjũ cahapũ waha masiedaboaga, niahye tiquina basi.

<sup>27</sup>Tiquina sa nigũ Jesu yũhtiahye: —Masa tiquina esa tuharo quehnoano yeri mehna Cohãcjũ cahapũ waha masiedare. Cohãcjũ pehe masare pecapũ wahaboriquinare yũhdũo masine. Tiquiro ijipihtiyere quehnoano ye masi peho cãre, niahye Jesu tiquinare.

<sup>28</sup>Tiquiro sa nigũ Pedro tiquirore ohõ saha niahye: —Tũhorĩna. Ušã pehe ijipihtiyere ušã yere cũ cãũ mũhũ mehna wahana, niahye tiquiro Jesure.

<sup>29</sup>Tiquiro sa nigũ Jesu ohõ saha niahye: —Potota mũsare niita niaja. Mũsa Cohãcjũ yere yena tana mũsa wũhũsere, mũsa pacũsumũare, mũsa bahanare, mũsa namosãnumiare, mũsa pohmare cũrina ijina pajiro wapatanata mũsa yojõpũre. <sup>30</sup>Mũsa cũri yũhdũoro wapatanata. Sa yena mũsa yariari bato ijipihtiyere decori Cohãcjũ mehna ijinata mũsa, niahye Jesu tiquinare.

### **Pari turi Jesu tiquiro yaria masa wijiatire yahuahye**

*(Mt 20.17-19; Mr 10.32-34)*

<sup>31</sup>Sa ye Jesu doce tiquiro buheyequinare neahye. Sa neano tiquinare yahuahye:

—Tũhoya yũhũre. Yojõpũre mari Jerusalẽpũ wahana niaja. Topũ yũhũre masure Cohãcjũ ohorigure Cohãcjũ yere yahu mũhtariquina panopũ tiquina yahuriro sahata sa yeeta yũhũre. <sup>32</sup>Topũ masa yũhũre ñeheñe, judio masa ijieyequinare ohoeta yũhũre. Yũhũre tiquina ohori bato tiquina yũhũre bũjũpe, ñano ni, yũhũre sihco puti ohõeta. <sup>33</sup>Sa ye yuta dari mehna tana tuhãsa wejẽeta yũhũre. Sa yegũ ihtia deco wahaboro masa wijiaġũta yũhũ, niahye Jesu tiquinare.

<sup>34</sup>Tiquiro sa ni yahurire quehnoano masiedahye tiquiro buheyequina. Cohãcjũ tire tiquinare quehnoano masigũ yeraniahye.

### **Caperi bajueriquirore ihñagũ yeahye Jesu**

*(Mt 20.29-34; Mr 10.46-52)*

<sup>35</sup>Sa ye Jesu gũhũ Jericó wame tiri maca cahagãpũ esahye. Topũ caperi bajueriquiro maha dũhtũ caha duji, niñeru sinino niahye. <sup>36</sup>Sa yero masa peyequina tiquiro caha yũhdũagũ tũhoro sinituahye tiquinare:

—¿Dũhse ijiro boro masa peyequina yũhdũajari? ni sinituahye tiquiro.

37—Jesu Nazare cjño waharo nine, ni, yahuahye apequina tiqiurore.

38Tiquina sa ni yahugñ tñhoro tiqiuro sañuducuahye:

—Jesu, Davi mñnano panami iji turiagu, masare yñhdñocjñ, yñhñre paja ihñaña, ni sañuducuahye Jesure.

39Tiquiro sa nigñ tiqiuro caha ihñaducuyequina pehe, “Dihta mariahña”, ni tuhtiahye tiqiurore. Tiquina sa ni tuhtiepegñta to pano tiqiuro sañuducuriro yñhdñoro sañuducu nemoahye tja:

—Davi mñnano panami iji turiagu, masare yñhdñocjñ, yñhñre paja ihñaña, ni sañuducuahye tiqiuro.

40Tiquiro sa ni sañuducugñ tñhoro, Jesu pehe esadñca, “Pijioya tiqiurore”, niahye. Tiquiro sa nigñ tiquina pehe caperi bajueriqiurore piji cñhye. Tiquina sa piji cñgñ Jesu cahapñ esagñ Jesu pehe tiqiurore sinituahye:

41—¿Dñhse yñhñ yegñ cahmeajari mñhñ? niahye Jesu.

—Yñhñ pñhto, yñhñre ihñagñ yeya, ni yñhtiahye caperi bajueriqiuro.

42—Ihñaña. Yñhñre wacñ tutuagu, quehnoa wahare mñhñ, niahye Jesu tiqiurore.

43Tiquiro sa nigñta caperi bajueriqiuro ihñaa wahahye. Sa quehnoa waharo, tiqiuro Jesu mehna wahahye. “Cohñcñ tutuariqiuro ijire”, niahye tiqiuro. Sa ye masa peyequina caperi bajueriqiuro ihñagñ ihñañe “Cohñcñ quehnoariqiuro, tutuariqiuro ijire”, niahye tiquina gñhñ.

### Zaqueo Jesure piti cahye

**19** <sup>1</sup>Sa ye Jesu Jericópn esa, ti macapñ yñhdñ cño taro niahye.

<sup>2</sup>Doeri cjñ upñro Zaqueo wame tiriqiuro wapa ne cohteyequina pñhtoro topñ ijiahye. <sup>3</sup>Sa yero tiqiuro Jesure “¿Diquiro boro ijiagari?” ni ihña masino taro Jesure ihña duamahye. Sa tiqiuro ihña duepegñta ñhmuediquirogñ ijigñ masa peyequina tiqiurogñre cahmotahye. <sup>4</sup>Sa yero tiqiuro masare oma yñhdñ cñ, sicómoro wame tidñ yucugupñ mñjahye Jesure ihñano taro. Came cjñnogñ tñ cahapñ Jesu yñhdñaro taro niahye. Sa yero Zaqueo tñpñ cohtero niahye. <sup>5</sup>Tiquiro sa cohte pesari watoa Jesu pehe tñ dahpotopñ esadñca, Zaqueore ihña mño, tiqiurore pisuahye:

—Zaqueo yojopñre mñhñ ya wñhñpñ tojoagutja. Sa yegñ sojaro mehna dijia taya, niahye Jesu.

<sup>6</sup>Tiquiro sa nigñ Zaqueo pehe sojaro mehna dijia ta, tutuaro bucueye mehna tiqiuro ya wñhñpñ waha dutiahye Jesure. <sup>7</sup>Tiquiro sa piti cagñ ihñañe, ijipihtieyequina masa tiquina basi ohñ saha ni yahuducuahye:

—Ahriqiuro Jesu ñariqiuro ya wñhñpñ tinino waha duare, ni, yahuducuahye ijipihtieyequina tiquina basi.

<sup>8</sup>Zaqueo pehe piti ca tuhasa topñ ducuro, Jesure yahuahye:

—Pñhto, tñhoya yñhñre. Ijipihtieye yeere deco mehna pejesñoyequinare ohoutja. Sa yegñ yñhñ apequiurore cien niñeru cjoerire ni meho ehmarigñ ijigñ, cuatro cientos niñeru cjoerire wapa ye bui peoutja tiqiurore, niahye Zaqueo Jesure.

<sup>9</sup>Tiquiro sa nigū Jesu pehe yahuahye tiquirore:

—Miare mūhure mūhū ya wūhūpū ijīyequina gūhūre pecapū wahaboriquinare Cohācjū yūhdūo tuhasare. Mūhū gūhū Abrahā mūnāno acayū ijire. <sup>10</sup>Yūhū masū Cohācjū ohorigū pecapū wahaboriquinare macagū ahtagū nii. Topū wahaboriquinare quehnoano yūhdūogū ahtagū nii, niahye Jesu Zaqueore.

**Niñeru cjoeri uru cjoeri quitire yahuahye Jesu**  
(Mt 25.14-30)

<sup>11</sup>Sa ye tiquirore tūhoyequinare Jesu apeye queoye mehna yahuahye. Mehenogā dūhsahye Jerusalēpū tiquiro esato. Sa ye tiquirore tūhoyequina ohō saha ni tūhotuahye: “Cohācjū pūhtoro yojopūre iji dūcaro taro nine”, ni, tūhotuahye tiquina. <sup>12</sup>Tiquina sa ni tūhotugū Jesu yahuahye tiquinare:

—Ihcāquiro pūhtoro macūno pūhtoro sajātiquiro yoaropū ape yehparū waharo taro niahye. Topūre esagū ihñāno tiquina tiquirore pūhtoro sōñe tee niahye. Came tiquiro ya wūhūpū tojoa wihiro taro niahye. <sup>13</sup>Coā warore tiquiro wahato panore pūhtoro pūa omopequina dahra cohteyequinare pijioahye. Sa pijioro, tiquiro tiquinare tiquinape cjoeri niñeru cjoeri wapa būjūye cjoeri uru cjoerire ohoahye. Oho tuhasa, yahuahye tiquinare: “Yūhū mariedagū ahri niñeru mehna mūsa wapata nemoatire macañā”, niahye tiquiro dahra cohteyequinare. <sup>14</sup>Sa ye tiquiro ya maca cjenata tiquirore cahmedahye. Sa cahmedaye, apequinare tiquirore pūhtorore yahu dutiye ohoahye. “Mūhū usā pūhto ijigū cahmedaja usā”, niahye tiquina yahu dutiriquina pehe. <sup>15</sup>Sa tiquina cahmedapēgūta came tiquina pūhtoro sajāhye tiquiro. Pūhtoro sajā tuhasa tiquiro ya wūhūpū tojoa tahye.

’Sa tojoa wihiro dahra cohteyequinare tiquiro ye niñeru mehna tiquina wapata nemorire masino taro, tiquinare pijioahye. <sup>16</sup>Tiquiro pijiori bato, wihi mūhtariquiro tiquirore yahuahye: “Pūhto, mūhū niñeru cjoe, yūhūre mūhū ohori cjoe mehna pūa omope cjoeri wapata nemou yūhū”, niahye dahra cohteriquiro pūhtorore. <sup>17</sup>“Quehnoano yeaya mūhū. Mūhū quehnoagū dahra cohtegū ijire. Mūhū mehenogā mehna yūhū dutiriro sahata ye pehogū ijigū yojopū pūa omope macari cjenā tiquina pūhto ijīacjū wahagūta mūhū”, niahye pūhtoro dahra cohteriquirore. <sup>18</sup>Tiquiro bato wihiriquiro tiquiro mehna cjenō ohō saha niahye: “Pūhto, mūhū ya cjoe niñeru cjoe yūhūre mūhū ohori cjoe mehna ihcā omope cjoeri wapata nemou yūhū gūhū”, ni yahuahye tiquiro pūhtorore. <sup>19</sup>“Ihcā omope macari cjenā pūhto ijīacjū wahagūta mūhū”, niahye pūhtoro tiquirore. <sup>20</sup>Tiquiro sa nidi bato apequiro dahra cohteriquiro wihi, yahuahye: “Pūhto, mūhū niñeru cjoe ohō ijire. Suhtiro cahsero mehna coma, ti cjoere ihbou. <sup>21</sup>Mūhū tutuaro dahra dutigū ijire. Sa tutuaro dahra dutigū ijigū mūhū basi oterapēgūta ti dūcare nene mūhū. Sa yegū mūhūre cue nii”, niahye tiquiro pūhtorore “Ti cjoe mehna wapataerū yūhū”, ni yahuro. <sup>22</sup>Tiquiro sa nigū tiquiro pūhtoro ohō saha niahye: “Mūhū sa nigū ñagū ijire mūhū. Yūhūre mūhū sa nidi buhiri mūhūre buhiri dahregūta yūhū. Yūhū mūhūre tutuaro dahra dutigū yūhū ijigū masine mūhū.

Apequina yere yũhũ negũ yũhũ oterarigũ ijiepegũta dũcare negũ yũhũ ijigũ masine mũhũ. <sup>23</sup>Yũhũ sa ijigũ ihũaepẽgũta ya cjoere niũneru ihbori wũhũpũ cũedahya mũhũ. Tire tiquina wasori wapa wapata nemoboaya mũhũ. ¿Dũhsegũ sa yerari mũhũ? Tire mũhũ yegũ tojoa wihigũ wapata nemoboaya yũhũ”, niahye tiquina pũhtoro. <sup>24</sup>Sa ni tuhasa tiquiro cahapũ ducuyequinare dutiahye: “Niũneru cjoere ehmaña tiquirore. Pũa omope cjoerire cũoriquirore ohoya”, niahye pũhtoro. <sup>25</sup>Tiquiro sa nigũ tiquina pehe yahuahye tiquirore: “Pũhto, pũa omope cjoeri cũoriquiro peye cũo tuhasare”, niahye tiquina. <sup>26</sup>Tiquina sa nigũ pũhtoro yũhtiahye: “Mũsare niita niaja. Ijipihtiyequina cũoyequinare oho nemoutja. Cũoeriquiro pehere mehenogã tiquiro cũoepẽgũta tire ehmagũtja. <sup>27</sup>Yojopũ pũritare yũhũre ihũa tuhtiyequinare yũhũre tiquina pũhtoro iji dutierariquinare yũhũ cahapũ ne cãhtaya. Sa yena yũhũ ihũonopũ wejẽña tiquinare”, niahye pũhtoro dahra cohteyequinare, ni, buheahye Jesu.

### Jerusalẽpũ esahye Jesu

(Mt 21.1-11; Mr 11.1-11; Jn 12.12-19)

<sup>28</sup>Sa ni tuhasa Jesu apequina pano Jerusalẽpũ wahahye. <sup>29</sup>Tiquiro Betfagẽ wame tiri maca cahapũ Betania wame tiri maca cahapũ esa, cũnũ Olivo wame tidũ cahapũ esa mũhtahye. Jerusalẽpũ tiquiro esato mehenogã dũhsatjĩahye. Sa yero pũaro tiquiro buheyequinare Jesu ohoro ohõ saha niahye:

<sup>30</sup>—Si macapũ burrogãre nena wahaya. Topũ esana, burrogãre tiquina dũhte docoriquirogãre boca sanata. Apequina pesamehnediquirogã ijiaja. Tiquirogãre bocana, yuta dare pã, ne cãhta basaya yũhũre. <sup>31</sup>Mũsa sa yegũ ihũano, burrogã upũro “¿Dũhsena burrogãre pãjari?” tiquiro nigũ tũhona ohõ saha ni yũhtiya tiquirore: “Mari pũhtoro burrogãre cahmedoqueo nidi”, ni, yahuya tiquirore, ni yahu duti ohoahye tiquiro buheyequinare pũarore.

<sup>32</sup>Tiquiro sa nigũ tiquina pũaro pehe tiquiro nidiropũ esahye. Tiquina sa esagũ ijipihtiyẽ Jesu tiquiro nidiro sahata ijiahye. <sup>33</sup>Sa ye tiquirogãre tiquina pãgũ ihũañe tiquirogã opana tiquinare sinituahye:

—¿Dũhse yena tana mũsa yuta dare pãjari burrogãre? ni, sinituahye tiquina.

<sup>34</sup>—Mari pũhtoro burrogãre cahmedoqueo nidi, ni yũhtiahye tiquina.

<sup>35</sup>Sa ni yahu tuhasa tiquirogãre Jesu cahapũ ne sahye. Ne sa tuhasa tiquina bui cjẽ suhtire tiquirogã bui seõ peo, tiquirogã buipũ Jesu mũja jiegũ yedohoahye tiquina. <sup>36</sup>Jesu tiquirogã bui pesagũ tiquiro wahato pano masa tiquina bui cjẽ suhtire tu we ne, mahapũ seõ cũ mũhtahye Jesure ño peoye. <sup>37</sup>Sa ye tiquina Jerusalẽ cahagãpũ esa, Olivo wame tidũpũ dijia tari mahapũ esahye. Topũ Jesu buhegũ tũhoyequina peyequina ijipihtiyẽ Cohãcjũ tutuaye mehna tiquiro ye ihũorire, tiquiro quehnoañe yerire tiquina ihũarire wacũñe, Cohãcjũre “Quehnoagũ, tutuagũ ijire”, ni saũnuducuahye. Sa ye tutuaro saũnudu, Cohãcjũre ño peoye, ohõ saha niahye:



38—Ahriquiuro Cohācjũ tiquiro ohoriquiore, mari pũtorore Cohācjũ quehnoano yeahro. Ʋhmũse cjēna quehnoano ijiahero. Cohācjũ tiquiro tutuariquiuro ijigũ ijipihitiyequina masiahdo, ni ño peohaye tiquina.

39Tiquina sa nigũ tũhoye fariseo masa meheñequinagã tiquina watoa ijijequina Jesure yahuahye:

—Buhegũ, mũhũ buheyequinare dihta maria dutiya, niahye tiquina.

40—Mũsare niita niaja. Tiquina sañuducueragũ utã paca pari pehe sañuducuboaga, niahye Jesu fariseo masare.

41Sa ni tuhasa Jesu Jerusalē cahagãpũ esa, ti macare ihñano, utiahye.

42Ohõ saha niahye tiquiro:

—Jerusalē cjãna yojopũ pũritare mũsare pecapũ wahaborinare Cohācjũ tiquiro yũhdũoatire mũsa masigũ quehnoa yũhdũaboaga. Sa ijiepegũta yojopũre mũsa tire ne tũho duerare. Sa yero Cohācjũ tire mũsare masi dutierare. 43Mũsare ihña tuhtiyequina mũsa ijiri macare cahmota sotoa peho quēheeta. Sa ye, mũsare tiquina wjia dutisi. 44Ti pjeta tiquina mũsa ya macare cohã pehoeta. Mũsa gũhũre wejēeta. Mũsare ihña tuhtiyequina quehnoano cohã pehoeta mũsa ya macare. Cohācjũ pecapũ wahaborinare mũsare tiquiro yũhdũoatire mũsa masi duerari. Mũsa masi duerari buhiri mũsare ihña tuhtiyequinare Cohācjũ mũsare cohã dutirotã, niahye Jesu Jerusalē cjēnare.

### **Cohācjũ wũhũpũ Jesu esahye**

*(Mt 21.12-17; Mr 11.15-19; Jn 2.13-22)*

45Sa ye Jerusalēpũ esaro, Jesu Cohācjũ wũhũpũ sajãa wahahye. Sa yero apee boro duayequinare ti wũhũpũ ijieyequinare boca saro, tiquinare cohã wio cãhye. Ohõ saha niahye tiquinare:

46—Cohācjũ yere tiquina ojoari pũpũ ohõ saha nine: “Ya wũhũ Cohācjũ mehna yahuducuri wũhũ wame tirota”, niahye tiquiro yere tiquina ojoari pũpũ. Tiquiro sa niepegũta mũsa pehe ahri wũhũpũ duana, mũsa basi cahme yaquere mũsa, niahye Jesu.

47Sa ye decoripe Cohācjũ wũhũpũ Jesu buheahye. Sa ye pahia pũhtoa, judio masare buheyequina, masa pũhtoa gũhũ tiquirore tiquina wejēatire wacũ macahye. 48Masa ijipihitiyequina tiquirore sa tũhoducuye, tiquiro buheyere quehnoano tũho nũnũñequina ijiahye. Tiquina sa quehnoano tũho nũnũgũ Jesure wejē duayequina pehe tiquirore tiquina wejēatire bocaerahye.

### **Pahia pũhtoa, judio masare buheyequina, bũcũna gũhũ**

**Jesu mehna cahme tuhtiyē niahye**

*(Mt 21.23-27; Mr 11.27-33)*

**20** 1Ape deco Cohācjũ wũhũpũ Jesu masare quehnoañe buheyere buhero niahye. Tiquiro sa buhegũ pahia pũhtoa, judio masare buheyequina, bũcũna mehna tiquiro cahapũ wihiye, sinituahye:

2—Yahuya ʘsāre. ¿Duhsegu canure sa yeari mʘhu? ¿Noa mʘhure tire sa ye dutiari? niahye tiquina Jesure.

3Tiquina sa nigū Jesu yʘhtiahye tiquinare:

—Musa pehere sinitu mʘhtagʘtja. Yahuya yʘhure. 4¿Ñu masare tiquiro wame yegū noa boro pehe tiquirore wame ye dutiyari, musa tʘhotugū? ¿O Cohācjū dutierayari? ¿O masa pehe dutiyari, musa tʘhotugū? ni sinituahye Jesu tiquinare.

5Tiquiro sa nigū tiquina pehe tiquina basi ohō saha niahye:

—¿Duhse ni yʘhtinatari mari? “Cohācjū Ñure dutie tiahye”, mari nigū, “¿Duhseña Ñure Cohācjū dutiepegūta tiquirore tʘho duerari musa?” niboaga Jesu marine. Sa yena “Cohācjū Ñure dutiye tiahye”, ni yʘhti masiedaja mari. 6Ahriquina masa pehe “Potota Ñu Cohācjū yere yahu mʘhtariquiro ijire”, ni tʘhoture tiquina. Sa ni tʘhotuye “Ñu tiquiro wame yegū Cohācjū tiquirore dutierahye”, mari nigū tʘhoye marine masa ʘtā paca mehna doqueeta. Sa yena ti gūhure yʘhti masiedaja mari, ni yahuducuahye tiquina basi.

7Sa ni yahuducu tuhasa tiquina Jesure yʘhtiahye:

—Ñure wame ye dutiriquirore ʘsā masiedaja, niahye tiquina.

8Tiquina sa nigū Jesu yʘhtiahye:

—Ti pje pūrita yʘhu gūhu musa sinitu mʘhtarire yahueraja musare. Ahrire yʘhu yerire dutiriquirore yahueraja musare, niahye tiquinare.

**Ñañequina dahra cohteyequina queoyere yahuahye Jesu**  
(Mt 21.33-44; Mr 12.1-11)

9Sa ye Jesu tiquiro tʘhotuye mehna queoye mehna ohō saha ni buhe dʘcahaye masare:

—Wese upuro ʘhse darire oteahye. Ote tuhasa, ti wesere apequinare ihcā pehe pahma cūahye. Pahma cūno ti wesere tiquinare ihña ihbo dutiahye. Sa duti tuhasa ape yehpapʘ waha, yoari pje bajuerahye. 10Sa yero ʘhse ñidi pje ijigū wese upuro tiquiro cahacjūnore wesere ihña ihboyequina cahapʘ ohoahye. Wese cjē oteri dʘcare tiquiro ya pahrē cjēne ne dutiro ohomahye. Sa ye ihña ihboyequina pehe tiquiro cahacjūnore piti ca quēahye tiquirore. Sa ye tiquina tiquirore dʘcare ohoerapeta tojoa dutiahye. 11Sa yero wese upuro apequiro tiquiro cahacjūnore ti wese cjē oteri dʘcare ne dutiro ohomahye tja. Sa ye wesere ihña ihboyequina tiquiro gūhure quē, ñano yeahye tiquirore. Sa ye tuhasa tiquirore ti dʘcare ohoerapeta tojoa dutiahye tja. 12Tiquina sa yeri bato wese upuro apequiro cahacjūnore ohomahye tja. Sa ye wesere ihña ihboyequina pehe tiquiro gūhure cami dahre, ti wese dʘhtʘ cahapʘ cohā cāhye tiquirore.

13Tiquina sa yeri bato wese upuro ohō saha ni tʘhotumahye: “¿Duhse yegutari yʘhu? Ohō saha yegʘtja. Yʘhu macure yʘhu cahīniquirore ohogʘtja. Ijirota ijire. Tiquina tiquirore ño peoeta”, ni tʘhotumahye wese upuro pehe. 14Sa ye tiquiro macunore tiquiro ohoriquirore esagū ihñañe ihña ihboyequina pehe tiquina basi ohō saha ni, yahuducuahye. “Ahriquiro wese upuro macuno ijire. Tiquirore wejēihna. Sa yero ahri wese mari ya

wese tojoarota”, nimahye tiquina basi. <sup>15</sup>Sa ni tuhasa wese upuro macunore wese dũhtũ cahapũ nea, wejẽ cãhye tiquiore. ¿Tiquina sa yegũ ihñano dũhse yerotari wese upuro wesere ihña ihboyequinare? niahye Jesu.

<sup>16</sup>—Ti wesere ihña ihboyequinare wejẽno taro, apequinare wesere ihña ihbo dutirota, ni yũhtiahye Jesu tiquiore basi.

Tiquiro sa nigũ tũhoye masa pehe ohõ saha niahye:

—Marine sa wahaeracãhdo, niahye tiquina.

<sup>17</sup>Tiquina sa nigũ Jesu pehe tiquinare sinituahye:

—¿Cohãcjũ yere tiquina ojoari pũre ohõ saha ni yahuducuye, dũhse nino nijari, mũsa tũhotugũ?

Ahriquiore Cristo utã yero saha ijire. Utãre wũhũ dahreyequina tiquina cohãno saha masa tiquiore cohãeta. Tiquina sa yepegũta yojopũre wũhũ dahreyequina wũhũre yeye tiquina cũ mũhtaria utãre tiquina cũno saha Cohãcjũ tiquiore pũhtoro sõri, ni ojoahye.

<sup>18</sup>Ijipihtiequina tia utã bui doque queheyequinare mũta sitea wahaeta. Sa yero tia utã masũno bui bora pjero, mũtaa wahagũ yerota tiquiore. Tiquiro pagũ mũnanore daye manarigã wahagũ yerota, niahye Jesu. (Sa nino tiquiore cahmedariquina, tiquiore buhiri dahreatiquina tiquina ñano yũhdũatire yahuro niahye.)

### **Pũthoa ye wapare apequina sinituahye Jesure**

*(Mt 21.45-46; 22.15-22; Mr 12.13-17)*

<sup>19</sup>Tiquiro sa nigũ tũhoye judio masare buheyequina, pahia pũthoa gũhũ, “Jesu wesere ihña ihboyequina queoye mehna marine tuhtiro nine”, ni, tũhotuahye tiquina.

Sa ni tũhotuye tiquina Jesure ñehe duamahye. Sa ñehe duepeta tiquina masare cue niahye. <sup>20</sup>Sa cueye, Jesure tiquina ñeheatĩ pjere cohteahye tiquina. Sa ye “Poto ijiequina yero saha ye meho ijia mũsa”, niahye tiquina apequinare. Tiquiro ñano ni yũhtigũ ye duaye nimahye tiquiore yahusã duaye. Sa ye Jesure sinitu dutiye ohoahye ni mehoñequinare. Jesu ñano ni yahuducugũ tũhoye ti yehpa cjẽna pũhtorore peresu ye dutiye tee nimahye. <sup>21</sup>Sa ye tiquina Jesure ni meje cũ sinituye nimahye:

—Buhegũ, poto yahuducugũ, ni mehoñe mariegũ mũhũ ijigũ usã masiaja. Sa yegũ ihcãquiore pũhtoro waro tiquiore ijiepegũta tiquiore gũhũre dõyaro marieno potota yahure mũhũ. Mũhũ Cohãcjũ yere poto mũhũ buhegũ gũhũre usã masiaja. <sup>22</sup>Yahuya usãre. ¿Ne, Roma cjũnore ijipihtiequina pũhtorore gobierno cjẽne marine wapa yero cahmeajari, mũhũ tũhotugũ? ¿Mari dutiye wapa ye dutiajari, mũhũ tũhotugũ? ni sinituahye tiquina Jesure.

<sup>23</sup>Tiquina sa nigũ tũhoro Jesu tiquina ñano ye duayere masino, tiquinare yũhtiahye:

<sup>24</sup>—Yojopũre niñeru cjoere pũthoare wapa yeati cjoere ne cãhtaya. Ti cjoere ihñauhna, niahye.

Ti cjoere tiquina ne wihigũ ihñano ohõ saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihtiyequina puhtoro queoye, tiquiro wame gũhu wahñare, ni yuhtiahye tiquina.

<sup>25</sup>Tiquina sa nigũ Jesu yahuahye:

—Ti pje pũrita masa ijipihtiyequina puhtoro yere tiquiro pehere ohoya. Cohãcjũ yere Cohãcjũ pehere ohoya, niahye Jesu tiquinare.

<sup>26</sup>Sa ye masa tiquina ihñonopũ Jesure ñano ni yahuducugũ ye masiedahye tiquina. Sa ye Jesu yuhtiyere tuhoye, tiquina tuho maria wahahye. Sa tuho maria waha, dihta maria wahahye.

### **Cohãcjũ tiquiro masoatire yahuahye Jesu saduceo masare**

*(Mt 22.23-33; Mr 12.18-27)*

<sup>27</sup>Sa ye meheñequinagã saduceo masa Jesu cahapũ wihiahye. “Cohãcjũ yariariquinare masosi”, ni tuhotuyequina ijiahye saduceo masa. Sa ye tiquina ohõ saha niahye tiquirore:

<sup>28</sup>—Buhegũ, ohõ saha ni buheahye Moise: “Ihcãquiro tiquiro wahmino namo tiriquireo pohna mariedaperota tiquiro yariagũ ihñano tiquiro bahũrore tiquiro wahmino namono ijiricorore nũoano cahmene. Sa yero tiquiro wahmino mũnano tiquiro pohna tiboriro sahata pohna tiro cahmene tiquiro bahũrore. Sa ye tiquiro pohne tiquiro wahmino mũnano pohne yero saha ijjeta”, ni, ojoahye Moise, niahye tiquina.

<sup>29</sup>Tire ni tuhasa ahri quitire tja yahu nemoahye Jesure:

—Ihcãquiro masũno ijiahye. Seis bahana tiahye. Tiquina wahmino pehe namo ti, pohna mariediquiro yariaa wahahye. <sup>30</sup>Sa yero apequiro tiquiro bahũro gũhu tiquiro wahmino namono ijiricorore nũoahye. Tiquiro sa nũoari bato tiquiro wahmino yero sahata pohna mariedaperota tiquiro gũhu yariaa wahahye. <sup>31</sup>Sa yero ahriquireo bahũro gũhu tiquiro wahmino mũnano yero sahata pohna mariedaperota yariaa wahahye. Sa dihita wahahye ihcãquiro pohne waro. Ne pohna mariedapeta yaria pihtia wahahye. <sup>32</sup>Tiquina namono ijiricoro gũhu tiquina batota yariaa wahahye. <sup>33</sup>¿Ne, Cohãcjũ ijipihtiyequinare yariariquina mũnare tiquiro masogũ diquiro namono pehe ijiiboagari ticoro pototi? Tiquina ijipihtiyequina ticorore namo tiriquina mũna ijiahye. ¿Sa yero diquiro namono pehe ijjirotari? ni sinituahye tiquina.

<sup>34</sup>Tiquina sa nigũ Jesu yuhtiahye:

—Yojopũ cjẽna omoca duhtere. <sup>35</sup>Tiquina sa duhtepegũta apequina pehe topũ cjẽna pehe sa ijierare. Apequina umũare, numia gũhũre poto yeyequinare Cohãcjũ quehnoañequina ijigũ yerota. Tiquina yariari bato masa mujaeta. Sa ye tiquina topũ omoca duhterare. <sup>36</sup>Sa ye tiquina angele yero sahata ne yariasi. Tiquina Cohãcjũ masoriquina ijiye, Cohãcjũ pohne ijire. <sup>37</sup>Yojopũre yariariquina mũna tiquina masa wijiati pehere musare yahutja. Tire Moise quehnoano yahu

pehoahye. Tiquiro mehenugã ɸjũri quitire ohõ saha ni yahuahye: “Abrahã, Isaac, Jacob tiquina pũhtoro ijire Cohãcjũ,” ni ojoahye Moise. <sup>38</sup>Tiquina yariari bato “Tiquina pũhto ijiaja”, ni yahuahye Cohãcjũ. Sa nieperota yariariquina muna pũhtoro ijierare Cohãcjũ. “Tiquina pũhto ijiaja”, tiquiro niñe mehna catiyequina tiquina ijigũ masiaja mari. Tiquiro catiyequina pũhtoro ijire. Ijipihitiyequina masa catire, Cohãcjũ ihñagũ, niahye Jesu tiquinare.

<sup>39</sup>Tiquiro sa nigũ meheñequinagã judio masare buheyequina ohõ saha niahye:

—Buhegũ, mũhũ quehnoano yũhtiri, niahye tiquina Jesure.

<sup>40</sup>Sa ye pari turi Jesure sinitu duerahye tiquina.

### **Cristo pehe Davi mũnano pũhtoro ijire**

*(Mt 22.41-46; Mr 12.35-37)*

<sup>41</sup>Came Jesu ohõ saha ni yahu nemoahye tiquinare:

—“Cristo Davi mũnano panamino iji turiariquiro ijirota”, ni buhere apequna. ¿Dũhse ye tiquina sa ni buheajari? <sup>42</sup>Davi mũnano tiquiro basi Salmopũ tiquiro ojoari pũpũ ohõ saha ni, ojoahye:

Cohãcjũ yũhũ pũhtorore ohõ saha nidi: “Ohõpũ yũhũ poto peherũ dujiya. <sup>43</sup>Sa yegũ mũhũre ihña tuhtiyequinare mũhũre yũhdũdũca basawtja yũhũ”, nidi Cohãcjũ yũhũ pũhtorore, ni, ojoahye Davi mũnano.

<sup>44</sup>Sa ni ojoaro Davi mũnano Cristore “Yũhũ pũhtoro”, ni pisuahye. Davi mũnano Cristo ñecũno iji turiariquiro ijieperota Cristore “Yũhũ pũhtoro”, ni pisuahye. ¿Davi mũnano Cristo ñecũno iji turiariquiro ijieperota dũhse ijiro boro tiquiro “Yũhũ pũhtoro”, ni pisuyari Cristore? Cristo pehe Davi mũnano pũhtoro ijire, ni yahuahye Jesu.

### **Judio masare buheyequina tiquina ñañe yeyere yahuahye Jesu**

*(Mt 23.1-36; Mr 12.38-40; Lc 11.37-54)*

<sup>45</sup>Masa peyequina Jesure tiquina tũhori watoa Jesu pehe tiquiro buheyequinare ohõ saha ni yahuahye:

<sup>46</sup>—Mari judio masare buheyequina tiquina ñañe yeyere ihñana quehnoano wacũ masiña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ tini, doeri cjẽ duaropũ apequna pũhtoare quehnoano ño peo tiquina sinino saha tiquina piti ca sinigũ cahmene tiquina. Sa ye tiquina mari judio masa buheye wũhũsepũ quehnoañe dujiye dihitare duji duare. Sa ye bose deco ijigũ topũ gũhũre quehnoañe dujiye dihitare cahmene. <sup>47</sup>Tiquina wape wiha numia ye wũhũsere tiquina cũoye gũhũre ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihña dutiye. Tiquina sa yegũ apequna bui cjũno tiquinare Cohãcjũ buhiri dahrerota, niahye Jesu tiquinare.

**Wape wihoro Cohācjū wuhuru ticoro ohorire yahuahye Jesu**  
(Mr 12.41-44)

**21** <sup>1</sup>Sa ni yahu tuhasa Cohācjū wuhu cjē niñeru tiquina sãri acarore niñeru opana tiquina ye niñerure duhu sãgũ ihña dujiro niahye Jesu. <sup>2</sup>Sa ihñano wape wihoro pejecuoricoro pua cjoegãre ticoro duhu sãgũ gũhure ihñahye. <sup>3</sup>Tire ihña tuhasa ohõ saha ni yahuahye:

—Potota niita niaja musare. Ahricoro wape wihoro pejecuoricoro pehe niñeru sãri acaropu duhu sãno apequina ijipihyequina ohori yuhduoro ohori ticoro pehe. <sup>4</sup>Apequina niñeru opana pajiro tiquina ohopegũta tiquina ye pajiro duhsare. Ahricoro pehe pejecuoricoro ijieperota ijipihye ticoro ihyatire ticoro dũborigãre oho pehori, niahye Jesu.

**—Cohācjū wuhu cohõri wuhu ijirota, niahye Jesu**  
(Mt 24.1-2; Mr 13.1-2)

<sup>5</sup>Sa ye apequina Cohācjū wuhure ohõ saha niahye:

—Quehnoañe utã paca mehna yeri wuhu, quehnoa yuhduari wuhu ijicjoare. Masa Cohācjū ya wuhu ijiatire tiquina ohori gũhu ti wuhure quehnoano cũri jire, ni, yahuducuye niahye.

Tiquina sa nigũ Jesu yahuahye tiquinare:

<sup>6</sup>—Ahri ijipihye mari ihñari wuhusere, ahri utã paca gũhure cohã pehoeta. Ne ihcãria utã tojoasi, niahye Jesu tiquinare.

**Pihitiati deco ijiatire yahuahye Jesu**  
(Mt 24.3-28; Mr 13.3-23)

<sup>7</sup>Tiquiro sa nigũ tuhoye tiquina pehe sinituahye tiquirore:

—¿Buhegu, duhse ijigũ mahu nidiro saha sa waharotari? ¿Pihitiati deco panogã ijigũ duhse ti waha ducagũ ihñanatari usã? ni sinituahye tiquina Jesure.

<sup>8</sup>Jesu yuhthahye tiquinare:

—Quehnoano yeya musa. Sa yena musare apequina tiquina ni mehoñene tuhueracãhña. Peyequina masa “Cristo ijiaja yuhu”, ni mehoñequina ahtaeta. Sa niñe, “Yojopure pihitiati deco ijia to mehenogã duhsare”, nieta. Tiquina sa nigũ tuhueracãhña. <sup>9</sup>Sa ye apequina “Cahme wejẽne nine”, musare nieta. “Yojopure puhtoare masa cohãne nine”, nieta. Musa tire tuhona cueracãhña.



(San Lucas 21.4)

Pihtiati deco pano ohō saha waha mūhtanota. Sa wahagū pihtiati deco wahato dūhsarīnōta, niahye Jesu.

<sup>10</sup>Sa ni tuhasa ohō saha ni yahu nemoahye:

—Ihcā yehpa cjēna ape yehpa cjēna mehna cahme wejēeta. <sup>11</sup>Sa yero tutuaro yehpa űuhmi, masa peyequina űjua mehna yaria, ijipihtiuro cjēna dohatieta. Sa ye űhmuse cjē cua pesaye bajuagū ihñāñe, masa ihña maria wahaeta.

<sup>12</sup>Ahri ijipihtiye sa wahato pano, apequina mūsare ñehe, ñano yeeta. Sa ye mari judio masa buheye wūhūsepū tiquina mūsare yahusā, peresu yeeta mūsare. Tiquina sa yegū peye yehpari cjēna pūhtoā cahapū, peye macari cjēna pūhtoā cahapū ducunata mūsa tiquina yahusānohrina. Yeequina mūsa ijiri buhiri sa yeeta. <sup>13</sup>Tiquina sa yahusāgū mūsa pehe quehnoañe buheyere tiquinare yahunata. <sup>14</sup>Ti pjere mūsare tiquina yahusāgū pūhtoro mūsa yūhtiatire “Yahu masiedaboaga”, ni tuhotueracāhña mūsa. <sup>15</sup>Yūhū mūsare yahu basautja. Mūsare sa yedohogu tūho masiñene, quehnoañe yahuducuye gūhūre mūsare yahugū yeitja. Mūsa sa yegū mūsare ihña tuhtiyequina pehe mūsa yahuducuyere tūho, “Ti poto ijierare”, ni, yūhti masisi. <sup>16</sup>Ti pjere mūsa pacusūmūa, mūsa bahana, mūsa acaye, mūsa mehna cjēna gūhū mūsare ihña tuhtiyequinare ohoeta mūsare, yeequina mūsa ijiri buhiri. Tiquina sa yegū mūsare ihña tuhtiyequina mūsa mehna cjēnare apequinare wejēeta. <sup>17</sup>Sa ye yeequina mūsa ijigū ihñāñe, ijipihtiyequina mūsare ihña tuhtieta. <sup>18</sup>Mūsare sa ihña tuhtiepeta ne mehenogā mūsare ñano yesi. <sup>19</sup>Sa yena mūsa wacū tutuana ijyia. Mūsa sa yena, Cohācjū mehna sa ijiducunata.

<sup>20</sup>Sa ye peyequina surara Jerusalēpū tiquina cahmota sotoa peho cāgū ihñāna, Jerusalēne tiquina cohāto mehenogā dūhsagū masinata mūsa. <sup>21</sup>Ti sa wahagū ihñāñe Judea yehpapū ijyiequina cūnū cjū cahapū oma duhtiahro. Sa ye Jerusalēpū ijyiequina wahaahro. Sa ye weseripū ijyiequina Jerusalēpū tojoeracāhdo sojaro mehna tiquina wahato pehe. <sup>22</sup>Ti decoripū buhiri dahreye decoripū ijipihtiye Cohācjū tiquiro ojoari pū tiquiro nidiro sahata sa waharota. <sup>23</sup>Ijipihtiropū ahri yehpapū ñano yūhdūeta. Ti sa wahagū, niji wahcōñe numia, tiquina pohne apūñe numia gūhū pejecuro wahaeta. <sup>24</sup>Apequina ahri maca cjēna mehna cahme wejēeta. Sa ye apequina ahri maca cjēnare ijipihtiye yehparipū ne cā, peresu yeeta. Sa ye judio masa ijyiequina Jerusalēne ñano ye, tiquinare yūhdūdūcaeta. Judio masa ijyiequina ya deco pihtigūpū Jerusalē cjēnare ñano ye duhueta, ni yahuahye Jesu.

### Jesu ahri yehpapū tiquiro tojoa tatire yahuahye

(Mt 24.29-35, 42-44; Mr 13.24-37)

<sup>25</sup>Sa yero tiquinare yahu nemoahye:

—Ti pjere asū deco cjūno, ñami cjūno, ñahpicoha gūhū sijoro saha ijyiequina wahaeta. Ijipihtiyequina ahri yehpa cjēna “Acuehi, yarianata”, ni tuhotuyequina pajiri ma cjē pahcōri cua yūhdūaro ti pahcōri bisi cāhtagū tūhoye tutuaro cueeta. <sup>26</sup>Ti pjere űhmuse cjē yehpari, ñahpicoha gūhū ti sa wahaducurore comesaeta. Sa ye űuhmieta. Ti sa wahagū ihñāñe, masa



pehe ahri yehpa pihtiatire cohteye, tutuaro cueeta. <sup>27</sup>Ti pjeta yũhu masu Cohãcjũ ohorigu Cohãcjũ tutuaye mehna tiquiro asi siteye mehna ehmeo curua buipũ yũhu ahtagũ ihñaeta masa. <sup>28</sup>Ahri sa waha ducagũ ihñana, wacũ tutuana ijiya. Sa yena uhmũsepũ ihñaña. Ti pjere Cohãcjũ musare pecapũ wahaborinare tiquiro yũhdũoato mehenogã dũhsarota, niahye Jesu.

<sup>29</sup>Sa ni tuhasa ahri queoye mehna buheahye Jesu:

—Higueragure, apeye cju gũhũre tũhotuya musa. <sup>30</sup>Tũ yucũgu pũri tigũ ihñana, cũhma mehenogã dũhsagũ masine musa. <sup>31</sup>Sata ahri ijipihtiyeyũhu nidire ti sa wahagũ ihñana, Cohãcjũ tiquiro pũhtoro ijiati pje mehenogã dũhsagũ masinata musa.

<sup>32</sup>Musare poto niita niaja. Ti pje cjẽna tiquina yariato pano ijipihtiyeyũhu nidiro sahata sa waharota. <sup>33</sup>Uhmũse, ahri yehpa gũhu pihtia waharota. Yũhu yahuducuye pehe ne comesasi. Ijipihtiyeyũhu nidiro sahata sa waha sohtori tirota.

<sup>34</sup>Yũhu tojoa tati decore ne masiedare musa. Sa yena quehnoano yeya. Bose decorire queheye decorire yeducueracãhña. Sa yena queheracãhña. Ahri yehpa cjẽne pajiro tũhotueracãhña. Musa yũhu nidiro sahata yena, wacũeno mehna ahri yehpapũ yũhu ahtagũ musa ne acũasi. <sup>35</sup>Wahiquirore yuri da wacũeno mehna ti da tuã suharo saha wacũeno mehna ahtaũtja yũhu. Ijipihtiyequina ahri yehpa cjẽna tiquina masiedi watoa ti deco wacũeno mehna sa waharota. <sup>36</sup>Quehnoano wacũ masi cohteya. Sa yena Cohãcjũre ahrire sa siniducuya: “Ahri pihtiatu decore sa wahagũ yũhũre yedohoya. Tutuayere ohoya yũhũre ahrire quehnoano yũhu yũhdũatire. Sa yegu Cristore mũhu ohoriquirore cuero marieno yũhũre piti cagũ yeya”, ni, siniña Cohãcjũre, niahye Jesu.

<sup>37</sup>Sa ye ti decorire Cohãcjũ wũhũpũ Jesu buhee tiahye. Naminipe buhe tuhasaro Olivo wame tidũ cũnũpũ waha, topũ iji bohreaye tiahye. <sup>38</sup>Bohreyepe tahari ijipihtiyequina masa Cohãcjũ wũhũpũ tiquirore tũhoye wahae tiahye.

### **Pahia pũhtoa, judio masare buheyequina mehna wejẽ duahye Jesure**

(Mt 26.1-5, 14-16; Mr 14.1-2, 10-11; Jn 11.45-53)

**22** <sup>1</sup>Sa ye ti pjere pugũ yeye moremehneñe pãre tiquina ihyati bose deco mehenogã dũhsahye. Ti bose deco pascua wame tiahye. <sup>2</sup>Sa ye pahia pũhtoa, judio masare buheyequina mehna Jesure wejẽ duaye, tiquina wejẽatire wacũ macahye. Jesure wejẽ duepeta, masa pehere cueahye, “Usuari”, niñe.

<sup>3</sup>Sa ye watĩno Juda Iscariotere ñano tiquiro ye dutigũ Juda pehe yũhtiahye tiquirore. Juda doce buheyequina mehna cjũno ijimahye. <sup>4</sup>Sa yero tiquiro pahia pũhtoare, Cohãcjũ wũhũ cjẽna surara pũhtoa mehna gũhũre yahuro wahahye. Tiquina cahapũ esa, tiquinare Jesure tiquiro ihñootire yahuahye tiquinare. <sup>5</sup>Tiquiro sa nigũ tũhoye, tiquina bucue, “Mũhũre niñerure wapa yematja”, niahye tiquina Judare. <sup>6</sup>Tiquina sa nigũ Juda “Aũ, tiquirore musare ihñoutja”, ni, masa tiquina ihñeno watoa Jesure ihña tuhtiyequinare tiquiro ihñooti ñamine cohtero niahye.

**Jesu buheyequina mehna tiqiro ihya bato tiati deco ijiahye**

(Mt 26.17-29; Mr 14.12-25; Jn 13.21-30; 1 Co 11.23-26)

7 Pugū yeye moremehneñe päre ihyati bose deco iji ducari deco ijiahye. Sa yero pascua cjē ijiatire ovejare tiquina ihyatiquinare tiquina wejēdi deco ijiahye. 8 Ti pjeta Pedrore, Ñu gūhure Jesu yahuahye:

—Bose decopu mari ihyatire quehnona wahaya, niahye Jesu tiquinare.

9 —¿Noho boropu mari ihyatire quehnoyu dutigu ohoajari mahu usāre? ni sinituahye tiquina tiqirore.

10 Tiquina sa nigū Jesu yūhtiahye:

—Jerusalēpu mūsa esagū aco sutu wūariqiro mūsare piti carota.

Tiqiro piti cagū tiqiro mehna wahaya. 11 Sa wahana tiqiro siho sajāri wūhupū esana wūhū upūrore ohō saha ni yahuya. “¿Nohopu yūhū buheyequina mehna pascua cjē ihyayere ihyanatari?” nidi buheriqiro”, niña wūhū upūrore. 12 Mūsa sa nigū tūhoro ūhmūano cjā tucūre pajiri tucūre mari cahmeñe mehna tiquina quehñori tucūre ihñonota wūhū upūro. Topu mari ihyatire dahreya mūsa, niahye Jesu tiquinare.

13 Tiquiro sa nigū tiquina ti macapu wahahye. Topu tiquina esagū tiquinare tiqiro nidiro sahata wahahye. Sa ye tiquina pascua cjē ihyatire dahreahye.

14 Ihyari pje ijigū Jesu doce tiqiro buheyequina mehna ihya dujiahye.

15-16 Topu ihyaropu dujiro Jesu tiquinare yahuahye:

—Mūsare niita niaja. Ahri pascua bose decore mari dahreja Cohācjū tiqiro yequinare tiqiro yūhdūotire wacūna. Came Cohācjū tiqiro pūhtoro ijioropu tiqiro yequinare yūhdūo tuhasarota. Tiquiro sa yūhdūoato pano ahri deco cjēne pari turi ihyasi yūhū. Sa yegu yojopure yūhū ñano yūhdūato pano ahri pascua cjē ihyayere mūsa mehna tutuaro ihya duahti yūhū, niahye Jesu.

17-18 Sa ninota Jesu sihnidi pare ne, Cohācjūre “Quehnoare”, ni sini, tiquinare yahuahye:

—Mūsare niita niaja. Cohācjū ijipihtiequina pūhtoro tiqiro ijianto pano ahri vinore ne pari turi sihnisi yūhū. Sa yena ahri vinore ne, mūsa basi iti sihniña, niahye Jesu.

19 Sa ni tuhasa päre ne, Cohācjūre “Quehnoare”, niahye. Sa yero tiare nuha, itiahye tiquinare. Tiare itiro, tiquinare yahuahye:

—Ahri yūhū pagu ijire. Yūhū pagu yūhure ihña tuhtiequinare tiquina ohori pagu ijirota mūsare yūhū yūhdūoati. Sa yena yūhure mūsa wacūatire ahrire ihyaya, niahye Jesu.

20 Sa ihya tuhasa sata tiqiro tiquinare sihnidi pa gūhure ohoahye. Sa ohoro, tiquinare yahuahye:

—Mūsa ñañe yeyere cohāgu tagu yariūtja. Sa yegu yūhū diire cohāūtja. Cohācjū “Mūsare yūhdūotja”, tiqiro nidiro esa tuhagū yūhū yariaro mehna tiqiro nidiro sohtori tirota.

<sup>21</sup>Yojopure tuhoya mûsa. Yuhure ihña tuhtiequinare yuhure ihñoatiquiro yojopure yuhû mehna ohõ dujire. <sup>22</sup>Cohãcjũ tiquiro dutiriro sahata yuhû masu Cohãcjũ ohorigu yariutja. Tiquiro sa yaria dutiepegũta yuhure ihña tuhtiequinare ihñoatiquiro pũrita ña yuhũaro yuhũurota, niahye Jesu tiquinare.

<sup>23</sup>Tiquiro sa nigũ tiquina pehe tiquina basi ohõ saha ni sinituahye:  
—¿Jesure ihña tuhtiequinare ihñoatiquiro mari mehna cjũno diquiro boro ijiagari? ni, yahuducuahye tiquina basi.

—¿Mari mehna cjũno diquiro pehe ijiagari pũtoro? ni yahuducuahye Jesu buheyequina tiquina basi

<sup>24</sup>Came Jesu buheyequina ohõ saha ni yahuducuahye:  
—¿Mari mehna cjũno diquiro pehe ijiagari pũtoro? ni yahuducuahye tiquina basi.

<sup>25</sup>Tiquina sa ni yahuducugũ tuhoro Jesu tiquinare yahuahye:  
—Cohãcjũre cahmeeñequina pũtoa pehe tiquina masare dutiye, purĩno mehna dutire. Sa ye pũtoare “Tiquina masare yedohoyequina ijire”, nimene apequina masa tiquinare. <sup>26</sup>Mûsa pehe sa yesi mûsa basi. Mûsa mehna cjũno mûsa wahmi pehere tiquiro bahũro yero saha ijiro cahmene. Mûsa mehna cjũno pũtoro iji duaro cahacjũno yero saha ijiro cahmene tiquirore. <sup>27</sup>¿Diquiro ijiagari pũtoro? ¿Ihya dujiriquiro pehe pũtoro ijiagari? ¿O ihyare itiriquiro pehe pũtoro ijiagari? Ihya dujiriquirota ijiaga pũtoro. Tiquiro sa ijiepegũta yuhû pehe cahacjũno yero saha mûsare yedohogu ahtaũ.

<sup>28</sup>Masa yuhure tiquina ñano yepegũta mûsa pehe yuhure duhuerare. <sup>29</sup>Sa yegu yuhû Pacu yuhure tiquiro pũtoro sũriro sahata mûsa gũhure pũtoa sũgutja yuhû. <sup>30</sup>Yuhû pũto yuhû ijigũ yuhû ihyari mesapu mûsa gũhû ihya, sihninata. Sa yena mûsa pũtoa dujiyere dujinata. Mûsa topu dujina Israe masare doce cururi cjẽnare besenata mûsa ñaÑequinare, quehnoañequinare, niahye Jesu tiquiro buheyequinare.

**Pedro Jesure tiquiro cohãtire yahuahye Jesu**  
(Mt 26.31-35; Mr 14.27-31; Jn 13.36-38)

<sup>31</sup>Sa ni tuhasa Pedrore Jesu ohõ saha ni yahuahye:  
—Simo Pedro yuhure tuhoya. Mûsare ijipihtinare watĩno yuhure cohãgũ ye duare. Trigo wese cjũno trigore tiquiro wejẽ site cohãriro sahata mûsare ijipihtinare watĩno ñano ye duare. Sa ye duaro, Cohãcjũre sinidi. <sup>32</sup>Tiquiro sa sinigũ ihñagũ yuhû pehe Cohãcjũre sini basau mũhure. Yuhure mũhû wacũ tutua duhueratire sini basau mũhure. Sa yegu mũhû yuhû mehna cjũ pari turi ijigu yeequinare yedohoya mũhû, yuhure tiquina wacũ tutua nemoati, niahye Jesu Pedrore.

<sup>33</sup>Tiquiro sa nigũ Pedro yũhtiahye:  
—Pũto, yuhure tiquina peresu yepegũta, yuhure tiquina wejẽ duepegũta mũhû mehna cjũ ijiiitja, niahye Pedro.

<sup>34</sup>Jesu yũhtiahye:

—Pedro, mũhũre niita niaja. Mia ñami canaca tiquiro yahuato pano “Jesure masiedaja”, niguta mũhu apequinare. Ihtia taha sa niguta mũhu, niahye Jesu Pedrore.

### Jesure tiquina ñano ye dũcato mehenogã dũhsahye

<sup>35</sup>Sa ni tuhasa Jesu tiquiro buheyequinare yahuahye:

—¿Sohõ ijiri pje niñeru ajuro mariena, pajiri ajuro mariena, dahpo suhti mariena musare yũhu ohogũ apee boro dũhsari musare? ni sinituahye Jesu.

—Ne usãre yabe dũhsaerari, ni yũhtiahye tiquina.

<sup>36</sup>—Ti pjere musare dũhsaerapegũta yojopũ pehere niñeru ajurore sũona tire neña. Pajiri ajurore sũona gũhu neña. Sa yena musare ñoseni pjĩ mariedagũ musa suhtire duana ti pjĩne dúya. <sup>37</sup>Ahrire musare nii niaja. Cohãcjũ yere tiquina ojoari pũpũ tiquina nidiro sahata yũhũre sa waharo cahmene. Ohõ saha niahye ti pũpũ: “ ‘Tiquiro dutiyere yũhdũdcayequina mehna cjũno ijire’, nieta masa”, ni, ojoahye, niahye Jesu.

<sup>38</sup>—Ihñaña pũhto. Pua pjĩ ñoseñe pjĩnine sũoaja usã, niahye tiquiro buheyequina.

—To punota ijire, ni yũhtiahye Jesu.

### Getsemaní wame tiri wesepũ Jesu Cohãcjũre siniahye

(Mt 26.36-46; Mr 14.32-42)

<sup>39</sup>Sa ye Jesu tiquiro sa yeducuriro sahata Olivo wame tidũ cũnũpũ wahahye. Tiquiro sa wahagũ tiquiro buheyequina tiquiro mehna wahahye. <sup>40</sup>Topũ esaro tiquiro tiquinare yahuahye:

—Cohãcjũre siniña musa ñano yeratire, niahye Jesu tiquinare.

<sup>41</sup>Sa ni tuhasa tiquiro dihita mehenogã waha nemo, dũsepe curi mehna quehe sa, Cohãcjũre siniahye:

<sup>42</sup>—Mai, yũhu ñano yũhduatire ye dueragu yeracãhña. Yũhu sa niepegũta yũhu cahmeñe pehere yeracãhña. Mũhu pehe masine. Mũhu cahmeno saha yeya yũhũre, ni siniahye Jesu Cohãcjũre.

<sup>43</sup>Tiquiro sa sinigũ uhmũsepeũ ahtariquiro angel Jesure bajua, yedohoahye tiquirore. <sup>44</sup>Sa yero Jesu ñano jeripohna ti, tutuaro mehna Cohãcjũre siniahye. Sa yero tiquiro asi ti cuhsaye dii pjeri yero saha tiquirore wijia, yehpapũ bora quehe sahye.

<sup>45</sup>Cohãcjũre sini bato ti, wahcãdũca sa, tiquiro buheyequina cahapũ wihiahye. Tiquiro wihigũ tiquiro buheyequina tutuaro bũjua witiyequina ijiye, carĩne niahye. <sup>46</sup>Sa yero Jesu tiquinare ohõ saha ni yahuahye:

—¿Dũhsena carĩajari musa? Wahcãña. Cohãcjũre siniña musa, “Ñano yeari”, nina, niahye Jesu tiquinare.

**Jesure ihña tuhtiequina tiquirore peresu yeahye**

*(Mt 26.47-56; Mr 14.43-50; Jn 18.2-11)*

<sup>47</sup>Tiquiro sa ni yahuducuri watoa masa peyequina wihiahye. Juda doce buheyequina mehna cjũno ijimediquiro masare uhmũ tã cãhtariquiro ijiahye. Sa yero tiquiro Jesu cahapũ wihi, wahsupu ihmiahye tiquirore.

<sup>48</sup>Tiquiro sa ihmigũ Jesu tiquirore sinituahye:

—¿Juda, yũhu masure Cohãcjũ ohorigure yũhure ihña tuhtiequinare ihñogu yũhure wahsupu ihmiñe mehna sa yeajari mũhu? niahye Jesu.

<sup>49</sup>Tiquiro sa nidi bato Jesu buheyequina masa Jesure tiquina ñeheatire masiñe, tiquirore sinituahye:

—¿Pũhto, usã ñoseñe pjĩni mehna tiquina mehna cahmequema? niahye tiquina.

<sup>50</sup>Tiquina sa nidi bato ihcãquiro Jesu buheyequina mehna cjũno pehe pahia pũhtoro cahacjũnore tiquiro ñoseni pjĩ mehna tiquiro cahmonore pototo pehe ijiri cahmonore dute pahrẽ cãhye. <sup>51</sup>Tiquiro sa yegũ ihñano Jesu tiquirore ohõ saha niahye:

—Sa yeracãhña, niahye.

Ni, cahacjũno cahmono ijiriorũ ña ohõahye. Tiquiro ña ohõgũta cahmono mũnano sahata ijiahye tja. <sup>52</sup>Sa ye tuhasa pahia pũhtoare Cohãcjũ wũhu cjẽna surara pũhtoare, bucũna gũhure tiquirore ñeheñe ahtariquinare Jesu sinituahye:

—¿Dũhse ijiro boro mũsa ñoseñe pjĩni, yucũ tiãri mehna yaqueriquirore tiquina yeriro saha mũsa yũhure ñehena ahtajari?

<sup>53</sup>Decoripe Cohãcjũ wũhũpũ mũsa mehna yũhu ijigũ, mũsa yũhure ñehedari. Sa ijiepegũta yojopũre mũsa ya deco yũhure mũsa ñano yeati deco ijire. Yojopũ watĩno tiquiro ñano yeati deco gũhũ ijire, niahye Jesu.

**—Tiquirore masiedaja, niahye Pedro Jesure**

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

<sup>54</sup>Tiquina Jesure ñehe tuhasa pahia pũhtoro ya wũhũpũ neahye tiquina tiquirore. Tiquina topũ neagũ Pedro yoaropũ tiquinare ihña nũnũ tãhye.

<sup>55</sup>Pũhtoro ya wũhũpũ esa, topũ wũhu cahapũ ijiri paapũ, quehnoari paa decorũ peca wijiãhye apequina. Tiquina wijiãgũ ihñano Pedro peca cahapũ dujiyequina mehna dujiahye. <sup>56</sup>Tiquiro dujiri bato ihcãcoro cahacjõno tiquirore quehnoano ihña, apequinare ohõ saha ni yahuahye:

—Ahriquiro gũhũ tiquiro mehna ijiri, niahye ticoro.

<sup>57</sup>Ticoro sa nigũ tũhoro Pedro yũhtiahye:

—Numio, tiquirore ne masiedaja yũhũ, nimahye tiquiro.

<sup>58</sup>Came cjũnogã apequiro Pedrore ihña, ohõ saha ni yahuahye:

—Mũhu gũhũ tiquina mehna cjũ ijire, niahye tiquiro.

—Ne ijieraja, nimahye Pedro.

<sup>59</sup>Ihcã hora bato apequiro apequinare ohõ saha ni yahuahye:

—Ijirota ijire. Ahriquiuro Galilea cjũno ijire. Sa yero potota Jesu mehna ijiri ahriquiuro gũhu, niahye tiquiuro apeqinane.

<sup>60</sup>Tiquiro sa nigũ Pedro yũhtiahye:

—Ne, mũhu nidiquirore masiedaja yũhu, ni yũhtiahye Pedro.

Tiquiro sa ni yahuducuri watoa canaca yahuahe. <sup>61</sup>Tiquiro yahugũta Jesu wũhu cahapũ ijiriquiro Pedrore majare ihũadoqueoahye. Tiquiro sa yegũ Pedro pehe Jesu tiquiuro nidire wacũahye. “Mia ñami canaca tiquiuro yahuato pano, ‘Yũhu Jesure masiedaja’, nigũta mũhu. Ihtia taha sa nigũta mũhu”, Jesu tiquiuro nidire wacũahye Pedro. <sup>62</sup>Sa wacũno Pedro topũ wijia ta, tutuaro utiahye.

### Jesure bũjupe, quẽahye tiquina

(Mt 26.67-68; Mr 14.65)

<sup>63</sup>Sa ye Jesure cohteyequina surara tiquiore bũjupe, quẽpeahye. <sup>64</sup>Sa quẽpeye, tiquiuro caperire dũhte cahmota, tiquiore sinituahye:

—¿Diquiro mũhũre quẽari? Ihũedapegũta yahuya usãre, ni sinitupeahye tiquina.

<sup>65</sup>Sa ye peye ñano ni yahuducuahye tiquina tiquiore.

### Jesure pũhtoa sinituahye

(Mt 26.59-66; Mr 14.55-64; Jn 18.19-24)

<sup>66</sup>Bohrearopũ judio masa bũcũna, pahia pũhtoa, judio masare buheyequina gũhu cahmecoahye. Tiquina sa cahmecoanopũ apeqina tiquina cahapũ Jesure ne cãhtahye.

<sup>67</sup>—Yahuya usãre. ¿Cristota ijijari mũhu? ni sinituahye tiquina Jesure.

Tiquina sa nigũ Jesu yũhtiahye:

—Mũsare yũhu yahugũ, yũhũre tũhosi mũsa. <sup>68</sup>Mũsare yũhu sinitugũ yũhũre yũhtisi mũsa. Sa yena yũhũre wiosi mũsa. <sup>69</sup>Mũsa wioerapegũta came cjũnogã ijipihtiye decori yũhu masũ Cohãcjũ ohorigũ Cohãcjũ tutuariquiro tiquiuro poto pehepũ dujigũtja, niahye Jesu.

<sup>70</sup>Tiquiro sa nigũ tiquina ijipihtiyequina sinituahye tja pari turi:

—¿Sa nigũ Cohãcjũ macũta ijijari mũhu? niahye tiquina.

—Mũsa nino sahata ijijaja, ni yũhtiahye Jesu tiquinare.

<sup>71</sup>Tiquiro sa nigũ tiquina ohõ saha ni yahuducuahye tiquina basi:

—Ahriquiuro Cohãcjũre pajiro tiquiuro ñano yahuducugũ mari basi tũhou. Sa ye topequinata yahusãhdo ahriquiore, niahye tiquina basi.

### Pilato Jesure sinituahye

(Mt 27.1-2, 11-14; Mr 15.1-5; Jn 18.28-38)

# 23

<sup>1</sup>Sa ni tuhasa tiquina ijipihtiyequina wahcãdũca, Jesure Pilato cahapũ neahye. <sup>2</sup>Ne esa, Jesure yahusã dũcahye:

—Ahriquiuro mari ya yehpa cĵenare tiquiuro ñano ye dutigũ usã tuhou. Mari puhtorore ahriquiuro wapa ye dutierare. Sa yero tiquiuro “Puhto ijijaja. Cristo masare yuhduoacjũ ijijaja yuhũ”, ni yahuducure tiquiuro basi, ni yahusãhye tiquina Jesure.

<sup>3</sup>Tiquina sa ni yahusãri bato Pilato Jesure sinituahye:

—¿Judio masa puhtota ijijajari mũhũ? niahye tiquiuro Jesure.

—Mũhũ nino sahata ijijaja, ni yũhtiahye Jesu.

<sup>4</sup>Tiquiuro sa nigũ Pilato pahia puhtoare, masa gũhũre yahuahye:

—Ahriquiuro buhiri mariedare, niahye tiquiuro.

<sup>5</sup>Tiquiuro sa niepegũta tiquina tutuaro yahusã nemoahye:

—Tiquiuro buheye mehna masare cahmequegũ yere. Galilea yehpapũ tiquiuro tire ye dũcari. Sa ye dũca tuhasa ijipihtiro Judea yehpapũ tire tiquiuro yere. Sa yero yojopũ ohõpũ gũhũre tire yero taro nine, ni, yahusãhye tiquina.

### Herode Jesure sinituahye

<sup>6</sup>Tiquina sa ni yahusãgũ tuhorõ Pilato pehe sinituahye:

—¿Ahriquiuro Galilea cĵũno ijijajari? niahye tiquiuro.

<sup>7</sup>—To cĵũnota ijire, ni yũhtiahye apequina.

Tiquina sa ni yũhtigũ tuhorõ Pilato pehe Jesu tiquiuro ijiri yehpare masino puhtoro Herode ya yehpa cĵũno Jesu tiquiuro ijigũ masiahye. Tire masino Jesure Herode cahapũ ohoahye. Ti pjere Herode Jerusalẽpũ ijiahye. <sup>8</sup>To pano Herode Jesure tuho tuhasahye. Tiquiuro sa tuhori bato yoari bato tiquiore ihña duahye. Jesu Cohãcĵũ tutuaye mehna tiquiuro ye ihñogũ ihña duamahye tiquiuro. Sa yero tiquiuro Jesure ihñano, bucueahye. <sup>9</sup>Sa yero peye tahari sinituahye Jesure. Tiquiuro sa sinituepegũta Jesu ne yũhtierahye tiquiore. <sup>10</sup>Pahia puhto, judio masare buheyequina gũhũ Herode cahapũ esa, tutuaro Jesure yahusãhye. <sup>11</sup>Tiquina yahusãri bato, Herode tiquiuro yequina surara mehna bujũpe, Jesure ñano yeahye. Sa bujũpeye, quehnoari suhtirore puhtoro tiquiuro sañari suhtiro yero saha bajuri suhtirore sãahye tiquina Jesure. Sa bujũpe tuhasa, tiquiore Pilato cahapũ ohoahye tja. <sup>12</sup>Ti decore Herode, Pilato mehna quehnoano tiquina basi cahme yeyequina iji dũcahye. To panore tiquina basi cahme ihña tuhtieyquina ijinimahye.

### Masa Jesure wejẽ dutiahye

(Mt 27.15-26; Mr 15.6-15; Jn 18.39-19.16)

<sup>13</sup>Sa ye Pilato pahia puhtoare, apequina puhtoare, masa gũhũre tiquiuro pijiogũ, cahmecoahye. <sup>14</sup>Tiquina cahmecoa pihtigũ ihñano ohõ saha niahye Pilato tiquinare:

—Ahriquiore yũhũre ne cãhtana, “Tiquiuro masare ñano ye dutiri”, nimesi mũa yũhũre. Yojopũ mũa ihñonopũ ahriquiore quehnoano sinitu pehou tja. Yũhũ sa sinituri bato mũa tiquiore sa yahusãducugũ tiquiore ñañe buhiri ne mariedare, yũhũ ihñagũ. <sup>15</sup>Herode gũhũ tiquiore “Ne, ñañe buhiri mariedare”, nidi. Sa nino ahriquiore pari turi usãre oho majare tojore tja. Sa yena ahriquiore tiquiuro ñañe buhiri mariedagũ tiquiore mũa



wejê duti masiedare. <sup>16</sup>Sa yegũ tiquirore yuta dari mehna tana dutiitja yũhũ. Sa tiquina tanari bato tiquirore wioutja, nimahye Pilato masare.

[<sup>17</sup>Cãhmaripe pascua bose decorire masa yaquiro ijiatiquirore ihcãquiro peresupũ ijiriquire Pilato wio basaducue tiahye.] <sup>18</sup>Sa ye Pilato “Jesure wioutja”, tiquiro nigũ tuhoye ijipihtiyequina masa ohõ saha ni sañuducuahye:

—Tiquirore Jesure wejẽña. Barrabá pehere usãre wio basaya, ni sañuducuahye masa.

<sup>19</sup>To pano Barrabá pehere Jerusalẽpũ pũhtoare tiquiro cohã dutiri buhiri, masare tiquiro cahmeque dutiri buhiri, tiquiro wejêdi buhiri, peresu yeahye tiquirore. Sa ye camepãre tiquirore masa wio dutiye niahye. <sup>20</sup>Pilato Jesu pehere wio duamahye. Sa yero tiquiro masare sinituahye tja. <sup>21</sup>Tiquiro sa wio duepegũta tiquina tiquirore niahye tja:

—Curusapũ quẽ biha wejẽña tiquirore. Wejẽña tiquirore, ni sañuducuahye tiquina.

<sup>22</sup>Tiquina sa nigũ Pilato ihtia taha waro ohõ saha nimahye tiquinare:



(San Lucas 23.18)

—¿Yabere ñano yeri tiqairo mûsa sa ni sañuducugũ? Ne tiqirore ñañe buhiri mariedare. Sa yegu tiqirore wejê duti masiedaja. Tiqirore yuta dari mehna tana dutiitja. To punota ye dutiitja. Sa yegu wioutja tiqirore, nimahye Pilato.

<sup>23</sup>Tiqairo sa niepegũta tiquina tutuaro mehna sañuducu nemo, Jesure curusapũ wejê dutiahye. Tiquina sa ni sañuducugũ tũhoro tiquina cahmediro sahata Pilato yeahye. <sup>24</sup>Sa yero tiquina sinidiro sahata Pilato Jesure wejê dutiahye. <sup>25</sup>Sa dutiro tiqairo peresupũ ijiriquirore masare cahmequegũ yeriquirore, masare wejêdiquirore masa tiquina sinidiro sahata Pilato Barrabá pehere wioahye. Sa yero Pilato Jesure curusapũ wejê dutiahye.

**Tiquina Jesure curusapũ quẽ biha wejêahye**

*(Mt 27.32-44; Mr 15.21-32; Jn 19.17-27)*

<sup>26</sup>Sa ye tiquina Jesure wejêne wahaye, neahye. Ti pje tiquina sa yeri watoa Simo wame tiriqairo Cirene cjũno ihquẽ wũhuse ijirorpũ esariqairo tojoa taro niahye. Jerusalẽpũ tiqairo wihigũ ihñañe Jesure neañequina tiqirore piti ca, ñehe, curusare tiqirore wua cã dutiahye Jesu bato pehe.

<sup>27</sup>Sa ye masa peyequina Jesure ihña nũnũ tãhye. Sa ye masa watoa ijyeyequina numia tiqirore tiquina sa yegũ ihñañe tutuaro utiahye.

<sup>28</sup>Tiquina utigũ tũhoro, tiquina numiare Jesu majare ihña, ohõ saha niahye:

—Jerusalẽ cjãna numia, yũhure utieracãhña. Mûsa ye ijiatire, mûsa pohna ye ijiasi gũhure utiya. <sup>29</sup>Apeye decori ijigũ ña yũhduaro yũhdũnata mûsa. Ti pjere masa ohõ saha nieta. “Pohna mariena numia, pohna tiena numia, apũoedari



*(San Lucas 23.30)*

numia yojopɔ mari ijigũ quehnoa yũhdũaboaga”, nieta numia. <sup>30</sup>Ti pjere cũnɔre ohõ saha ni yahuducuenta masa. “Mũhũ cũnũ usã buipɔ bora dijia taya. Usãre nũoña”, nieta masa cueye. <sup>31</sup>Masa yũhũre buhiri mariegure ohõ saha tiquina yegũ, ñañe buhiri cũoyequina pehe ña yũhdũaro wahaeta, niahye Jesu.

<sup>32</sup>Apequina pũaro dutiyere yũhdũdũcayequina tiquina ijigũ tiquina gũhũre Jesu mehna tiquina wejẽatiquinare neahye tiquina. <sup>33</sup>Tiquinare nea, “Dapu pehtoro”, wame tiropɔ esa, curusapɔ Jesure quẽ biha ohõahye. Sa ye pũaro yũhdũdũcayequina gũhũre apequirore tiquiro poto pehe, apequirore tiquiro cũ pehe pehe quẽ biha ohõahye. <sup>34</sup>Tiquina sa yegũ Jesu ohõ saha niahye:

—Mai, ahriquina yũhũre wejẽatiquina yojopɔ tiquina ñano yerire boya tiquinare. Tiquina dũhse yerire masiedare tiquina. Sa yegũ tiquina ñano yerire boya, niahye Jesu.

Sa ye Jesu suhtire cahme itiye, tiquina doquepeahye. Tiquiro suhtire “¿Noa yaro ijirrotari ohõ?” ni cahme doquepeahye tiquina. <sup>35</sup>Sa ye masa topɔ ducyeyequina tiquina ihñaducuri watoa judio masa pũhtoa Jesure bũjũpeahye:

—Tiquiro apequina masare yariaboriquinare yũhdũoñohiti. Sa yero tiquiro Cristo Cohãcjũ beseriquiro ijiro, yojopɔ yariaboriquiro ijiro, tiquiro basi yũhdũoahro, ni, bũjũpeahye tiquina.

<sup>36</sup>Surara gũhũ tiquirore bũjũpeahye. Jesu cahapɔ esa, tiquina tiquirore ñañe co vinore ohomahye. <sup>37</sup>Tire yeye ohõ saha niahye tiquina:

—Mũhũ judio masa tiquina pũhto ijigũ mũhũ basi yũhdũya. Sa yegũ yũhdũ witigũta mũhũ, ni, bũjũpeahye tiquina.



(San Lucas 23.33)

<sup>38</sup>Sa ye tiquiro bui ohõ saha ni ojoa ohõahye. “AHRIQUIRO JUDIO MASA PÛHTORO IJIRE”, ni, ojoa ohõahye.

<sup>39</sup>Apequiro tiquiro mehna tiquina quẽ biha ohõriquiro yuhduducariquiro pehe ñano yahuducuahye Jesure:

—¿Mũhu Cristo masare yuhduoacju ijierajari? Mũhu basi, usã gãhũre yedohoya, niahye tiquiro Jesure.

<sup>40</sup>Tiquiro sa nigũ tuhoro apequiro yuhduducariquiro Jesu poto pehepũ tiquina quẽ biha ohõriquiro pehe tiquirore ohõ saha niahye:

—Mari gãhũre poto ijiye mehna buhiri dahrere tiquina. ¿Dũhsegũ Cohãcjũre ne ño peoerajari mũhũ? <sup>41</sup>Marine ñañe buhiri ye, poto yeye nine tiquina. Ñañene mari yeri buhiri marine buhiri dahrere tiquina. Ahriquiro pehe ñañene yerare, niahye tiquiro apequiro yuhduducariquirore.

<sup>42</sup>Sa nino, tiquiro Jesure ohõ saha niahye:

—Jesu, mũhũ pũhto ijigũ tojoa tagũ, yũhũre wacũña, niahye tiquiro Jesure.

<sup>43</sup>—Mũhũre ahrire nii niaja. Miare paraíso wame tiropũ mũhũ yũhũ mehna ijiita, niahye Jesu tiquirore.

#### **Jesu yariaa wahahye**

*(Mt 27.45-56; Mr 15.33-41; Jn 19.28-30; He 6.19-20; 10.19-20)*

<sup>44</sup>Sa ye coheri pje ijigũ asũ asi duhuahye. Sa yero ijipihitiro ti dihtapũre ihtia hora waro quehnoano nahitiahye. <sup>45</sup>Nahitiari watoa, Cohãcjũ wũhũ cjã suhtiro cahsero, tiquina tore cahmotari cahsero decopũ ti cahsero uhmũsepũ tuhũnũ dũca, tuhũnũ yojoa saa wahahye. <sup>46</sup>Sa yero Jesu tutuaro sañuducuahye:

—Mai, yũhũ jeripohnare mũhũre wiaja mũhũ ihña ihboatire, ni, sañuducuahye Jesu.

Sa ni tuhasa yariaa wahahye.

<sup>47</sup>Tiquiro sa yariagũ ihñano, surara pũhtoro pehe “Cohãcjũ tutuariquiro ijire”, nino, “Ahriquiro Jesu mũnano potota quehnoariquiro ijimeya”, niahye surara pũhtoro.

<sup>48</sup>Sa ye tiquina wejẽgũ ihñañe ahtariquina Jesu tiquiro yariagũ ihñañe, tiquina ye wũhũsepũ tojoaa wahahye. Tojoaa waha, tiquina ñañe yerire bujũa witiye mehna tiquina cutiro bui quẽ ohõahye. <sup>49</sup>Ijipihitiyequina Jesu yequina tiquiro mehna cjẽna Galileapũ tiquiro mehna ahtariquina numia gãhũ Jesure yoaropũ ihñaducuahye.

#### **Jesu pagũre masa copepũ cũahye**

*(Mt 27.57-61; Mr 15.42-47; Jn 19.38-42)*

<sup>50-51</sup>Ti pjere José wame tiriquiro topũ ijiahye. Judea yehpa cjã maca Arimatea wame tiri maca cjũno ijiahye. Sa yero tiquiro quehnoariquiro, poto yeriquiro ijiro, Cohãcjũ pũhtoro iji dũcatire cohteriquiro ijiahye. Sa yero tiquiro judio masa pũhtoro mehna cjũno ijieperota Jesure tiquina wejẽ dutigũ cahmedamahye tiquiro. <sup>52</sup>Sa yero Pilato cahapũ esa, Jesu pagũre siniahye. <sup>53</sup>Sini tuhasa, Jesu pagũre ne dijio,

quehnoari suhtiro mehna tiqiro pagure wahmeahye. Sa wahme tuhasa, masa copepɛ utãpɛ tiquina seheri copepɛ cūahye tiqiro pagure. Ti copere ne apequina yariariquinare cūedarīahye. <sup>54</sup>Ti deco saurú deco ijiatire tiquina quehnoyuri deco ijiahye. Saurú tiquina sori deco ijati mehenogã dũhsahye.

<sup>55</sup>Sa ye Galileapɛ Jesu mehna ahtariquina numia masa copepɛ José mehna wahahye. Masa copepɛ esa, ti copere ihña, Jesu pagure tiquina cūrire ihñahye. <sup>56</sup>Came tiquina ye wũhusepɛ tojoaa waha, ehme sitiye co, wisõñe mehna quehnoahye tiquina. Sa ye saurú ijigũ Cohãcjũ dutiye Moisere tiqiro cūri dutiye nino sahata tiquina soahye.

### Jesu masa wijiāhye

(Mt 28.1-10; Mr 16.1-8; Jn 20.1-10)

**24** <sup>1</sup>Domingo ijigũ bohrearopɛ tiquina numia ehme sitiye tiquina quehnorire Jesu masa copepɛ ne cāmahye. <sup>2</sup>Ti copepɛ esa, ti copere bihariare utãre tiquina pōo duhu cūria utãre ihñahye. <sup>3</sup>Sa ihñañe tiquina ti copepɛ sajāa wahahye. Jesu pagure bocaerahye tiquina. <sup>4</sup>Tiqiro pagure bocaera, “¿Dũhse wahayari?” ni tũhotuahye tiquina. Tiquina sa ni tũhotu yahuducuri watoa pũaro umũa asĩ siteye suhti sañañequina tiquina cahapɛ ducuahye. <sup>5</sup>Topɛ tiquina ducugũ ihña, numia cueye, dũsepe curi mehna quehe sahye. Sa ye umũa pehe tiquinare yahuahye:

—¿Dũhsena yariariquiro ijire Jesure macajari mũsa? Yojojɔre tiqiro catiriquiro ijire. <sup>6</sup>Tiqiro ohõre mariedare. Masa wijiā tuhasari. ¿Sohõ ijiri pjere tiqiro Galileapɛ mũsa mehna ijiro mũsare tiqiro nidire wacūajari mũsa? <sup>7</sup>“Yũhũre Cohãcjũ ohorigũre apequiro ohorota ñañequinare. Tiqiro ohori bato yũhũre curusapɛ quẽ biha wejẽeta tiquina. Sa yegũ yũhũ yariari bato ihtia deco wahaboro masa wijiagũtja yũhũ”, nidi mũsare. ¿Tiqiro sa nidire wacūajari mũsa? niahye umũa pehe.

<sup>8</sup>Tiquina sa nigũ tũhoye, numia pehe tiqiro nidire wacūahye. <sup>9</sup>Tiquina sa nidi bato tiquina tojoaa waha, once buheyequinare apequina gũhũre tire yahu pehoahye. <sup>10</sup>Tiquina numia pehe María Magdalena, Juana, María Santiago pacoro ijiahye. Tiquina numia apequina numia gũhũ ijiahye Jesu buheyequinare yahuri numia. <sup>11</sup>Tiquina sa ni yahuepegũta Jesu buheyequina pehe “Poto niñe niedaga. Ni mehoñe niaga ahriquina numia”, ni tũhotumahye. Sa ye tiquina numiare tũho duerahye.

<sup>12</sup>Tiquina sa nigũ tũhoro, Pedro pehe masa copepɛ oma cã, ihñano wahahye. Ti copepɛ esa, tiqiro muhri ihña sōahye. Jesure tiquina wahmedi suhtiro dihitarẽ ihñahye. “¿Dũhse wahayari?” ni, tũhotu, tiqiro ya wũhũpɛ tojoaa wahahye.

### Emau wame tiri maca cjã mahapɛ Jesu bajuahye

(Mr 16.12-13)

<sup>13</sup>Ti decota pũaro Jesu buheyequina mehna cjẽna Emau wame tiri macapɛ wahaye niahye. Jerusalẽ once kilómetro yoaro ijire Emaupɛ

esato. <sup>14</sup>Emaup̄ waha, ijipihtiye Jerusalēp̄ ti pjere Jesu tiqiro sa waharire tiqirore tiquina ñano yerire yahuducu cãñe niahye. <sup>15</sup>Tiquina sa ni yahuducuri watoa Jesu pehe tiquina cahap̄ esa, tiquina mehna wahahye. <sup>16</sup>Sa ye tiqirore ihñaepeta tiquina tiqirore ihña masiedahye.

<sup>17</sup>—¿D̄hse ni yahuducu cãna nijari m̄sa? ni, sinituahye Jesu.

Tiqiro sa nigū tiquina buj̄a witiyequina esad̄cahye.

<sup>18</sup>Cleofa wame tiriqiro pehe Jesure yuhtiahye:

—¿Yojoṗ̄re Jerusalēp̄ tiquina yerire m̄h̄u dihita masiedajari? ni sinituahye tiqiro.

<sup>19</sup>—¿D̄hse wahari Jerusalēṗ̄re? niahye Jesu.

Tiqiro sa nigū Cleofa yuhtiahye:

—Jesure Nazare c̄j̄nore tiquina yerire nina nija. Tiqiro Cohāc̄j̄ yere yahu m̄htariqiro ijimedi. Sa ye tiqiro yahuducurire tuhoye, tiqiro yeri gūh̄re ihñañe, “Tutuariqiro ijire”, ni, tuhotumedi masa. Cohāc̄j̄ gūh̄ sata ni tuhotuaga. <sup>20</sup>Mari pahia ṗ̄h̄toa, apeq̄ina ṗ̄h̄toa mehna tiqirore wejē dutiye, apeq̄inare oho. Tiquina sa ohogū apeq̄ina pehe tiqirore curusap̄ quē biha wejēdi. <sup>21</sup>“Roma c̄j̄nare cohātiqiro Israe masa ṗ̄h̄toro ijiatiqiro ijire”, ni, tuhotumi usā tiqirore. Mia mehna ihtia deco wahare tiqiro yariari bato. <sup>22</sup>Meheñequinagā numia usā mehna c̄j̄na numia usāre ac̄agū yeri. Bohrearop̄ Jesu tiqiro masa coper̄ tiquina numia esa, <sup>23</sup>tiqiro ṗ̄aḡre bocaerañohti. Tiqiro ṗ̄aḡre bocaeraye, tiquina tojoa wihi yahuri. “Usāre angele bajuari. Jesu catiñohti”, ni yahuri usāre numia pehe. <sup>24</sup>Tiquina sa nigū apeq̄ina usā mehna c̄j̄na ti coper̄ esa, numia tiquina nidiro sahata ihñañohti. Tiquina gūh̄ Jesure ihñedañohti, niahye tiqiro Jesure.

<sup>25</sup>Tiqiro sa nidi bato Jesu yahuahye tiquinare:

—M̄sa ne tuho masiedare. ¿Cohāc̄j̄ yere yahu m̄htariquina m̄na tiquina nidire quehnoano tuhoerari m̄sa? <sup>26</sup>Cristore tiqiro ṗ̄h̄toro ijia to pano uhm̄sep̄ tiqiro m̄j̄ato pano tiqirore ñano yuhd̄ro cahmedi. ¿Tire masiedajari m̄sa? niahye Jesu tiquinare.

<sup>27</sup>Sa nino Cohāc̄j̄ Cristore tiqiro ni yahu tiquina ojoarire Jesu yahu peho c̄ahye tiquinare. Moise m̄n̄ano tiqiro ojoarire Jesu yahu d̄cahye. Sa yero ijipihtiyequina Cohāc̄j̄ yere yahu m̄htariquina Cristore tiquina ojoari gūh̄re yahu peho c̄ahye tiqiro.

<sup>28</sup>Tiquina wahari macap̄ tiquina esaye taye yegū, Jesu pehe tiquinare yuhd̄ c̄a wahamahye. <sup>29</sup>Tiqiro sa yepegūta tiquina tiqirore waha dutierahye:

—Usā mehna tojoaya. Namicahap̄ ijire. Nahinop̄ nine, niahye tiquina tiqirore.

Sa yero Jesu tiquina mehna wuh̄ṗ̄ sajā wahahye. <sup>30</sup>Wuh̄ṗ̄ sajā sa, tiqiro tiquina mehna ihyari mesap̄ nuju sa, ṗ̄are ne, Cohāc̄j̄re “Quehnoare”, niahye. Sa nino ti ṗ̄are nuha ne, tiquinare ohoahye. <sup>31</sup>Tiqiro sa yegū ihñañe tiquina Jesure ihña masiahye. Tiquina ihña masi d̄cagūta tiqiro buti maa wahahye. <sup>32</sup>Tiqiro sa buti maa wahagū ihñañe tiquina basi ohō saha ni yahuducuahye:

—Mahapɯ tiqiro marine tiqiro yahuducuri watoa Cohãcjũ tiqiro ojoarire tiqiro yahuri watoa mari jeripohnari mehna quehnoano bucueye mehna tũhotuu mari, niahye tiquina basi.

<sup>33</sup>Sa ni tuhasa tiquina duita Jerusalɛpɯ majare tojoaa wahahye tja. Topɯ esa, once buheyequinare apequina mehna cahmecoañequinare bocahye. <sup>34</sup>Tiquina esagũ, once buheyequina ohõ saha niahye:

—Potota mari pũhtoro masa wijiañohti. Simo Pedro tiquiore ihñãñohti, niahye once buheyequina.

<sup>35</sup>Tiquina sa nigũ pũaro Emau cjẽna mahapɯ Jesure tiquina ihñarire yahuahye:

—Jesu pãre tiqiro nuhagũ usã ihña masii tiquiore, ni, yahu pehoahye tiquina apequinare.

**Jesu tiqiro buheyequinare bajuahye**  
(Mt 28.16-20; Mr 16.14-18; Jn 20.19-23)

<sup>36</sup>Tiquina sa ni yahuri watoa tiquina cahapɯ iji tuhasahye Jesu pehe.

—¿Ijiajari mɯsa? niahye tiqiro tiquinare.

<sup>37</sup>Tiqiro sa nigũ tũhoye tiquina “Mari yariariquiro mɯnanore ihñana nijaja”, ni tũhotuye, tutuaro cueahye. <sup>38</sup>Tiquina sa cuegũ ihñano tiqiro tiquinare yahuahye:

—¿Dũhsena cueajari mɯsa? ¿Dũhsena “Ahri pota ijierare”, nijari mɯsa?

<sup>39</sup>Yũhũ omocarine, yũhũ dahpocãri gũhũre ihñãña. Mɯsa yũhũre ihñana, ihña masinata. Yũhũre ñehe tuhuya. Ñehe tuhuna masinata mɯsa. Yariariquiro mɯnanopɯ pagũ mariedare. Yũhũ pehe pagũ tiaja, niahye Jesu.

<sup>40</sup>Sa nino tiqiro omocari gũhũre, tiqiro dahpocãri gũhũre ihñoahye tiquinare.

<sup>41</sup>Tiqiro sa ihñoepẽgãta tiquina tutuaro bucue, ihña maria waha, “Ahri pota ijieraga”, ni tũhoturiãhye. Tiquina sa tũhotugũ masino Jesu tiquinare sinituahye:

—¿Ohõpɯ ihyaye ijiajari? niahye tiqiro.

<sup>42</sup>Tiqiro sa nigũ tũhoye wahi dohariquiore ohoahye tiquiore. <sup>43</sup>Tire ne, tiquina ihñonopɯ Jesu ihyahye. <sup>44</sup>Ihya tuhasa, Jesu yahuahye tiquinare:

—Sohõ ijiri pje mɯsa mehna ijigũ mɯsare yũhũ yahuriro sahata yojopɯ yũhũ sa wahaũ. Cohãcjũ dutiye Moise marine tiqiro cũri tiqiro sa ni ojoariro sahata yũhũre sa wahari. Cohãcjũ yere yahu mũhtariquina, Salmo ojoari pũre ojoayequina gũhũ panopɯ yũhũre tiquina ni yahuriro sahata yojopũre yũhũre sa wahari. Sa wahacjũta ijii yũhũ, niahye Jesu.

<sup>45</sup>Sa ni tuhasa Cohãcjũ yere tiquina yahu ojoarire tiqiro buheyequinare masigũ yeahye Jesu:

<sup>46</sup>—Cohãcjũ yere tiquina ojoari ohõ saha nine: “Cristore ñano yũhdũro cahmene. Sa yero ihtia deco wahaboro tiqiro yariari bato tiqiro masa wijiarota. <sup>47</sup>Tiqiro masa wijiaro bato ijipihtiye yehparipɯ tiqiro yequina Cristo yere yahueta. Masa tiquina ñañene tiquina bujũa witiatire, quehnoañene tiquina comesatire Cohãcjũ tiquina ñañene tiqiro cohãtire yahueta tiqiro yequina. Sa yahuye taye, Jerusalɛpɯ yahu dũcaeta”, niahye Cohãcjũ yere tiquina ojoari pũpɯ, niahye Jesu.



<sup>48</sup>Sa ni tuhasa ohõ saha ni yahu nemoahye:

—Musa pehe ahri ijipihiyere ihñarina ijire. Sa yena apequinare yahunata. <sup>49</sup>“Espíritu Santore musare ohoutja”, Cohãcjũ tiquiro nidiquirore yãhũ pehe musare ohoutja. Tiquiro ãhmuse cjẽ tutuayere ohoatiquiro ijire. Sa yena Jerusalẽpũ tiquiro wihiatire cohteya musa, niahye Jesu tiquiro buheyequinare.

**Jesu ãhmusepũ mũjaa wahahye**

*(Mr 16.19-20)*

<sup>50</sup>Sa ni tuhasa Jesu tiquinare Jerusalẽpũ ijyeyequinare Betania cahapũ neahye. Topũ esa, Jesu tiquiro omocarine ne mœo, “Quehnoano ijiya”, niahye tiquinare. <sup>51</sup>Sa ni tuhasa, tiquinare cũ, ãhmusepũ mũjaa wahahye. <sup>52</sup>Tiquiro mũjari bato tiquina tiquirore ño peo, Jerusalẽpũ tutuaro bucueye mehna tojoaa wahahye. <sup>53</sup>Topũ iji, decoripe tiquina Cohãcjũ wãhũpũ Cohãcjũ mehna yahuducu, “Quehnoare”, ni ño peohye tiquina tiquirore. To punota ijire.